

**NATIONAL ASSEMBLY OF
SEYCHELLES**

Thursday 24th November, 2022

The Assembly met at 9.04am

National Anthem

Moment of Reflection

Mr Speaker in the Chair

MINISTRY OF EMPLOYMENT AND SOCIAL AFFAIRS

MR SPEAKER

Bonzour tou Manm Onorab, zofisyè dan Lasanble. E oditer e spektater an deor byenveni pou nou travay. Nou a pas direkteman lo travay *Committee Stage*. Nou a pas *Committee Stage* Madanm rapporter i ava apel delegasyon silvouple.

Bon bonzour e byenveni tou bann zofisyè e Madanm Patricia Francourt Minis pou Lanplwa e *Social Affairs*. E dan son Minister Mr Jules Baker *PS* pou Lanplwa, Madanm Linda William-Melanie *PS* pou *Social Affairs*, Madanm Nicole Pool *accountant*.

E lo kote Minister Finans *welcome* Mr Patrick Payet ankor enn fwa e Madanm Terryll Adrienne *finance analyst*. Mon osi annan lo *official table* akote Madanm Chantal Jules *senior accountant* dan Departman Lanplwa.

Byenveni zot tou e mersi pou zot partisipasyon davans nou pe pran Bidze pou *Ministry of Employment and Social Affairs* ki lo paz 497 ziska 510 pou en total R90milyon 710mil.

Nou konmans avek lントrodiksyon Bidze par Minis. Minis *please*.

MINISTER PATRICIA FRANCOURT

Mersi Mr Speaker. Bonzour Mr Chairman. Bonzour *Leader Biznes Gouvernman*. Bonzour *Leader Lopozisyon*. Bonzour tou Manm Onorab e tou Manm piblik ki a lekout.

Pou kommanse, mon oule fer rapel Departman Lanplwa ki enn ki primordyal dan demars pei pou reisir annan krwasans

ekonomik, espesyalman apre sa detrwa lannen difisil ki nou'n pas ladan.

An premye lye, nou bezwen asire ki marse lanplwa i reste touzour stab e ki tou akter dan sa proze, proze i garanti zot proteksyon neseser atraver bann norm ki'n ganny etabli, pou ki zot aksyon lo zot bann responsabilite dan tou sekirite ek dinyite.

Se selman si tou sa i an plas, ki nou pou kapab asire ki nou tou sitwayen i ganny akse avek en travay desan parey nou Konstitisyon i demande. Lannen 2022 in enn ki'n byen sarze pou sa departman e nou espekte ki lannen 2023 pou osi parey.

Mr Chairman Departman Lanplwa, in ganny en Bidze R44.784 milyon pou lannen 2023 konpare avek R37.786milyon pou lannen 2022. Sa i reprezent en diferans R8.998milyon, ouswa en logmantasyon 25pourstan.

Sa logmantasyon i konpri R4.809milyon anba *wages and salaries* e R4.190milyon anba *goods and services*. Sa logmantasyon R4.809milyon pou *wages and salaries*, i enkli R1.09milyon pou transfer 5 *staff* sorti kot ANHRD pou vin kot Departman Lanplwa.

Parey zot konnen planifikasyon e devlopman resours imen nasyonal, i aprezan tonm anba Departman Lanplwa. Bidze pou zot saler in aprezan ganny transfer avek departman.

R365mil pou kreasyon 2 novo pos dan seksyon *Policy and Planning* Evelyasyon e Seksyon Prodiktivite. R2.24milyon ki enkli revizyon saler e 13enm mwan lapey ki Gouvernman in anonse.

R1.114milyon pou bann pos ki nou pa'n reisir *recruit* sa lannen. Sa logmantasyon R4.190milyon anba *goods and services* i konpri prensipal, prensipalman *office expenses* in ogmant par R561mil pou elektriske, delo e *printing* ek *stationery*.

Transportasyon and travel costs in ogmant par R1.03milyon sa i enkli R156mil pou vwayaz Minis e R124mil pou vwayaz PS pandan lannen 2023 ki'n sorti kot Biro Prezidan, e transfer kot Departman Lanplwa.

R750mil pou vwayaz delegasyon Sesel pou partisip dan bann konferans enternasyonal e lezot *workshops*. Dan 'other goods and services' in ogmant par R2.608milyon ki konpri R550mil *consultancy and maintenance fees for* ki nou dir *the market information system - MNIS*.

R1.33milyon for *employment reskilling*, R228mil pou *office building rent*. Sa i due to additional room ki nou pou annan kot *Ocean Gate House previously i ti occupied by ASP*.

E R225mil *campaign on ‘attitude mindset on national level’ e on other workshops.* Mon profit sa lokazyon Mr Chairman pou remersi tou mon bann *staff* ki travay vreman for e vreman dir pandan lannen e zot donn tou sa ki zot kapab kanmenm i annan konstrent. Mr Chairman mon swete ki Lasanble Nasyonal ava, ava konsider Bidze Departman Lanplwa dan en fason favorab ki ava ede pou enplimant nou bann stratezi pou lannen 2023.

Si ou permet mon Mr Chairman prezan mon ava pran mon pti *introduction* pou Departman Zafer Sosyal. Provizyon Bidze Zafer Sosyal pou 2023 i an montan R45milyon 925, 572.29 ki reprezent en logmantasyon R12.950, 952milyon oubyen 39poursan konpare avek Bidze 2022 ki’n ganny revize.

En logmantasyon R2.12milyon pou reviz saler e osi pou 13enm mwan lapey. Logmantasyon R812mil pou 9 pos pou *social worker* apard ki provizyon 13enm mwan lapey.

Nou bann *statistics* in montre levidans ki nou bezwen plis travayer sosyal, pou adres bann defi ki fanmir pe kontinyen fer fas avek e gid zot pou sirmont bann defi. Mr Chairman parey nou konnen, Gouvernman pe konmans enplimant *program RBM - Result Based Management* ki pou ganny mezire e evalye atraver *performance contract*.

Departman in war li neseser pou re prioritiz serten bann programm e servis e repartir pli byen nou depans dan bann aktivite ki pli enportan, pou nou war pli bon rezulta e lenpak pozitiv pou nou bann kliyan.

Departman pe osi kontinyen ek son plan formasyon bann *staff*, pou ogmant zot *skills* e kapasite pou reponn egzistans *perform a la oter e donn en pli bon servis nou bann kliyan.*

Kot i konsern proze *PSIP*, nou note ki Minister Finans in ankor sa lannen met en lokasyon R9milyon pou bann travay preliminer, ki pou kapab annan pou konmans sa proze *Youth, Hope Center* pou nou donn bann adolesan, pou nou travay ek bann adolesan ki *at risk*.

Boner 2023 nou pou kontinyen diskisyon avek zofisyе proze e *CEO SIA*, ki konn byen konsep sa proze pou finaliz plan ki ti deza travay lo la, pou sa sant.

Mr Chairman mon anvi met lanfaz poudir ki sa sant i primordyal e kle pou nou Minister e osi Minister Ledikasyon, akoz i pou ede ofer sa servis ki manke konmela, pou siport bann adolesan avek difikilte.

Pou konklir Mr Chairman, mon oule dir ki mon Minister antye in travay vreman dir pandan 2022 e in servi byen Bidze ki Lasanble ti'n aprouve pou nou loperasyon.

Mon oule remersye tou mon *staff* e tou Manm Lasanble, pou zot sipor ler nou donn zot plis detay atraver zot bann kestyon. Mersi Mr Chairman.

MR SPEAKER

Mersi. Mon deza annan en long lalis entervenan donk mon a rapel bann Manm pou gard zot kestyon *to the point*. Si zot fer stetment pa bezwen fer long stetment.

Letan i vreman presye e delegasyon osi, delegasyon osi silvouple gard zot repons lo kestyon - *focus*. Mon a pran ankor -

HON NADDY ZIALOR

(Off-Mic)

MR SPEAKER

Hold on, zot lev lanmen pou kestyon, oubyen kwa?

Wi, wi, wi, wi *ok* les mon a pran non premye Onorab, Onorab Gill *yes* Onorab Zialor wi.

HON NADDY ZIALOR

Mersi Mr Speaker. Bonzour. Mr Speaker mon bezwen zi sou gidans pou gid nou si nou pou pran kestyon pou tou le de departman, ouswa si nou pou pran enn avan oubyen apre nou pou pran lot?

MR SPEAKER

Yeah nou'n deza abord sa. Tan ki Minis i fer son lenglodiksyon lo tou le de Bidze e Manm in lev lanmen deza, annou pran en sel round tou le de nou a pran tou le de departman ansanm.

Kanmenm tou fason nou seye nou ale vini so i vin menm zafer *anyway*. Onorab Aglae wi mon'n ganny ou osi. Tre byen nou a konmanse e mon pou sey al dan lord ki zot in lev lanmen, me si mon pa reisir *bear with me*.

Premye Onorab Monthy.

HON PHILIP MONTHY

Mersi Mr Chair. Bonzour. Bonzour Minis avek ou delegasyon. Mon annan 2 kestyon pou Lanplwa e 1 kestyon pou Sosyal. Premye kestyon *lanplwa strategic priorities* limero 1 se pou met plis

travayer plis Seselwa dan lanplwa atraver bann programm egzistan. E nouveau programm ki zot pou vin avek.

So si Minis i kapab elabor en pe lo bann nouveau programm? Akoz menm si mon pou felisit zot pou travay ki zot pe fer, en pti konplent ki mon annan ler mon bann zabitan i dir mon zot in al anrezistre kot Lanplwa, me selman apre zot pa tann nanryen napa *follow-up* zot kontinyen *call* ou pou ganny louvraz ki ou sey ou mye pou met zot ladan.

So si ou kapab koz en pe lo sa bann nouveau programm ki sa Bidze pe permet zot vin avek, pou met plis travayer dan lanplwa?

Dezyenm kestyon *current challenges* limero 3 *non-compliance with Labor Laws*. Mon'n annan konplent sorti kot serten kontrakter ki'n dir ki annan bann kontrakter, ki pe anploy travayer Endyen - etranze e ki pa pe respekte Lalwa Lanplwa.

Zot vin ek 2 Kontra enn dan langaz Endyen ki anba *minimum wage* ek enn an angle pou tronp Minister Lanplwa ki ladan zot pe pey *minimum wage* e sa i en dezavantaz pou kontrakter Seselwa.

Zot *Unit Compliance and Monitoring*, eski sa Bidze pou ed zot *beef up* sa abilite pou kapab detekte sa bann si mon kapab dir manboulouk ki sa bann lakonpannyen pe vin avek?

Kestyon pou Sosyal enn pti remark ki mon'n fer, dan mon distrik pou war en bonpe *child neglect*, kot ou war paran ki lo sibstans avek manrmay dan lebra 8er diswar dan semen partou.

I annan serten *case* ki *social worker* dan mon distrik i okouran nou, nou pe sey travay lo la, me ki zanmen ou war sa, sa bann keksoz konmsi i ganny *deal* avek.

Ou war sa bann paran i kontinyen obor semen ek sa bann manrmay pti manrmay. Konmsi kwa ki pou ganny fer pou ki sa bann sityasyon koumsa i ganny *deal* avek, sa bann manrmay i ganny pran ek sa bann paran, e i ganny mete dan en, en fanmir rezonnab? Mersi.

MR SPEAKER

Mersi. Onorab in konmans avek 3 kestyon nou a fer sa lareg 3 pwen. Me silvouple i enportan ki zot gard li *concise*. Bon Minis ou kapab konmanse silvouple.

MINISTER PATRICIA FRANCOURT

Mersi Mr Chairman. Onorab mersi pou ou kestyon. I enportan pou mwan fer resorti ki sa 3 programm ki nou annan kot Departman Lanplwa *which are skills development program* ki pran bann zanfan 15an a 17an.

Pou sa lannen ziska la nou'n plas 213 dan bann zenn dan plasman. Zot, zot fer plizyer kantite *skills workshops*. I annan ki *up to 6 weeks* i annan ki *up to 12 weeks*. E *normally* sa bann zanfan i bann zanfan ki petet *drop out of school* oubyen zot pa'n ganny en *post-secondary institution*.

So la *straight away* nou konn zot, akoz detay pou sorti kot Minister Ledikasyon nou pou ankadre zot. Sa programm i en sikse. EK Bidze ki nou gannyen nou'n fer sir poudir nou'n servi li byen, pou fer sir sa bann zanfan i ganny en bon plasman.

E course i varye *from tourism, from mechanic, hairdressing - it's a long list of things* ki nou, nou war nou bann zenn i le *training* ladan. So sa i enn. I en sikse e la nou'n ganny sa larzan si nou ganny sa larzan ankor, nou kontinyen avek sa programm.

My First Job i osi pou bann zenn ki'n fini zot *post-secondary* so sa i en lot nou programm ki *very successful*. E sa nou annan nou, nou call zot bann *graduates* nou annan nou, nou annan nou *up to October 762* zenn ki'n ganny plase dan sa programm, e sa i en sikse akoz nou pa ganny difikilte ek sa bann zenn ki'n sorti dan *post-secondary* dan en *PC* - parey nou dir - oubyen *university* nou plas zot fasilman. E zot, zot *very proactive*.

Then we have what we call the reskilling program e sa i mars vreman byen. So an montan 17an ziska laz *there's no limit* ziska ler sa dimoun i ankor *still bezwen training* - 30an, 40an, 50an si i vin *join* sa programm nou fer bokou *advert* lo la nou met bann *reskilling programs* ki an plas e ki nou pe ofer.

E ziska la nou ankor pe ofer. I annan bann nouvo programm ki pe vini *right through until December*. E sa pou bann dimoun ki kekfwa i le *reskill*, so they are unemployed probably, zot le antre - kekfwa zot pe ganny difikilte pou zot ganny en louvraz akoz zot napa sa *skills* oubyen zot napa sa *qualifications*, me zot ganny sans pou zot *reskill* zot lekor konpletman pou donn zot en sans pou antre dan domenn travay.

Sa 3 programm i en sikse e nou pou kontinyen avek sa Bidze ki nou'n gannyen pou nou *target* e nou *targeted candidates* oubyen partisipan nou toultan pe pas *advert* lo televizyon lo nou *Facebook page* lo nou *website* kot zot kapab *apply*.

E nou fer *outreach programs as well*, kot nou konnen sa bann zenn i la e apre nou fer en *graduation service* pou zot osi pou zot kapab ganny zot sertifika.

So pou dezyenm kestyon ek trwazyenm kestyon konsernan lanplwa, mon a fer PS Baker Mr Chairman. Mersi.

MR SPEAKER

PS Baker.

PS JULES BAKER

Mersi Mr Chair. Bonzour Mr Chair. Bonzour tou Manm Onorab. E bonzour tou dimoun ki a lekout. Vitman Mr Chair, parey nou ti dir lannen pase Departman Lanplwa staff i reste angaze pou asire ki bann anplwayer i anliny avek Lalwa Lanplwa.

Zis pou mwan *remind* Lasanble Nasyonal se ki i annan en prosedir an plas avan ler ki *case* i al Ankour nou donn en premye *warning*, en dezyenm *warning* e trwazyenm *warning*.

E letan *case* i arriv Ankour *most of the time* lanmenm ler ki anplwayer i pas kot nou i dir tir *case* Ankour.

An term *statistics* pou koz lefe ki mon pe dir lo la Mr Chair, se ki nou annan nou 19 ka konsernan vyolasyon *Employment Act* devan *Employment Tribunal*.

Nou annan 14 ka ki nou pe al fayle devan *Employment Tribunal* e pli enteresan ankor Mr Chair, se ki nou annan 17 konviksyon ki'n fini ganny etablir depi Mars ziska le 31 Desanm 2021, e nou annan konviksyon 11 ka ki'n fini depi pou lannen Zanye 2022 ziska la Novanm 2022, ki'n fini ganny *convicted*.

Annefe nou annan en diskisyon avek Biro *Attorney General*, pou nou ganny loportinite pou nou pibliy sa bann konviksyon dan medya, me selman nou ankor pe diskit lo formalite mannyer nou pou fer.

E pli tar si sa i aprouve nou a kapab les Lasanble konnen ki bann aksyon ki nou fer.

So sa i montre ki nou ankor reste angaze pou fer sir ki anplwayer i onor zot obligasyon dan Lalwa Lanplwa.

Lo sa ki konsern ou, ou trwazyenm kestyon *regarding whether staff is enough*, Mr Chair Manm Lasanble staff zanmen i ase, Bidze zanmen i ase. Sa ki pli enportan ki pli bon fason stratezi ki nou kapab servi Bidze ki Minister Lanplwa i donn nou. E ankor en fwa nou programm *counselling* sansibilizasyon i reste azour.

E annefe la mon konnen taler sa kestyon pou leve lo kote *Employment Act*. Nou pe dir ki *Employment Act* pou vin pli rezilyan e pli *strong* e pli mordan, pou ki fer sir ki nou vin en regilater plis en regilater olye ki bann Gouvernman i entervenir dan bann fonksyonnan administratif, *labor relations*. Mersi Mr Speaker.

MR SPEAKER

Mersi. Ti annan en trwazyenm pwen. *PS Social Affairs* ki pou adresse wi.

PS LINDA WILLIAM-MELANIE

Mersi Mr Chair. Bonzour Mr Chair. E bonzour tou bann Manm Lasanble e piblik a lekout. Mr Chair pou reponn sa kestyon konsernan Departman Zafer Sosyal, vizavi bann sityasyon sosyal dan distrik Cascade.

Mon le fer resorti ki Cascade nou annan en *very high case load*. Nou *social worker* i annan 58 fanmir ki vreman ki i pe travay avek ki annan sa bann difikilte parey.

E parey Onorab in dir bann paran ki nou war dan bor semen avek bann zanfan, nou pa le servi sa term ki nou *stigmatise* zot, me i bann paran ki nou konnen bokou i lo sibstans.

So letan zot - zot konnen poudir travayer Sosyal i deryer zot, so zot pa kit manrmay tousel kot lakour so kot zot ale zot anmenn zot zanfan avek zot.

Parey Minis in dir nou pe re, re priyoritiz nou travay, e konmansman lannen prosen nou'n konmanse sa lannen pou annan bokou plis travay apre ler, kot nou bann travayer pou vizib dan bann kominote e osi bann vizit pou nou kapab zisteman donn sipor sa bann paran pou travay avek zot.

Akoz zis retir zot zanfan avek zot, i pa pe ed sityasyon vreman, akoz nou bezwen al idantifye fanmir ki pou pare pou pran sa bann zanfan. So i annan bokou travay pou fer e nou fer li ansanm avek nou bann partner. Mersi Mr Chair.

MR SPEAKER

Mersi. Onorab Zailor.

HON NADDY ZAILOR

Mersi Mr Chair. Bonzour Minis ek ou delegasyon. Mon annan de kestyon pou Departman Lanplwa avek probableman en kestyon pou Departman Sosyal.

Anba *program* 3 kot '*employment services*', mon war en rediksyon dan *local consultancy fees*, petet si ou kapab donn en sertern gidans as to kwa ki'n sanze ki alternativ zot pe servi?

Training fees mon war en logmantasyon aepre 1milyon, eski dan zot bann *training* pou e programm - la mon pe mazin sa programm *reskilling* ki zot annan ki zot in annan lo Mahe pou bann

dimoun ki pe viv avek en dezabilite - eski zot pe mazin *broaden* li lannen prosen?

E petet etal li osi lo nivo Praslin parske i annan en demann? Apre mon'n tann ou koz lo ekstansyon, ekstansyon biro pou Departman Lanplwa, eski zot pe mazin en seksyon spesifik ki pou bouz dan ensel lokasyon parske sa osi i kre serten fristrasyon pou piblik?

Pou Departman Sosyal, in annan serten lenstans kot par egzanp ou annan sirtou *elderlies* avek bann dimoun dezabilite ki war zot lopital.

E parfwa i annan mon krwar i annan serten zofisyen Sosyal ki tonm anba departman Lopital ki zot war nou pe *follow-up at district level* pou serten issues. Eski i annan en sinerzi ant Departman Lasante avek Departman Sosyal, *when it comes to bann cases?*

Ouswa sa de seksyon, oubyen sa de group *social worker* zot pa neseserman pe tonm dan menm *cadre*? Mersi bokou.

MR SPEAKER

Mersi. Wi bann Onorab annou sey gard kestyion lo Bidze silvouple. Programm ki mannyer departman pou travay, nou pou touzour annan en kantite letan dan *Question Time* pou kapab egzaminen silvouple. Minis ou repons.

MINISTER PATRICIA FRANCOURT

Mersi Mr Chair. Mersi Onorab. Mon pou fer li vreman short Onorab akoz mon konnen ou vreman o fe avek Departman Lanplwa. Pou bann programm ki nou'n fer avek *reskilling* pou bann zanfan dezabilite - wi ti en sikse en sikse pou Mahe.

E tou - mon mazinen zis enn preski tou nou bann zenn ki nou'n fer sa programm e training avek zot dan lanplwa. E zot pe fer vreman byen e i lo nou azanda dat osi in fini fikse pou Praslin pou nou kapab fer en *similar program*.

Mersi, *PS Baker* i a pran sa lot pti bout, *thank you*.

MR SPEAKER

PS, wi?

PS JULES BAKER

Mersi Mr Chair. Mersi Onorab pou ou kestyion. Vitman wi i annan en rediksyon dan programm 3 pou *local consultancy*, sa i pa

neseserman ki in redwir me i en *matter reassignment of resours* ki nou annan.

Nou ti savedir nou ti servi pou pey bann *private Employment Agencies*, pou ed nou plas anrezistre plas dimoun dan lanplwa. Me selman nou'n war ki pli fezab pou nou transfer sa larzan anba nou bann programm *reskilling*, ki ou pou war li anba sa novo Bidze ki tonm anba *skills development* anba Bidze. Mersi Onorab, *thank you*.

MR SPEAKER

Mersi. Dernyen kestyon lo *disabled*. PS Melanie ?

PS LINDA WILLIAM-MELANIE

Mersi Mr Chair. Mersi Onorab pou ou kestyon. Mon zis anvi fer resorti ki i annan en relasyon travay etrwat ant sa *social worker* ki pe travay ek Minister Lasante avek nou departman ler i annan bann ka kot i bezwen nou lasistans i pran kontak avek bann *social worker* lo nivo bann distrik. Mersi.

MR SPEAKER

Mersi. Onorab Mondon kestyon.

HON TERENCE MONDON

Mersi Mr Chairman. Bonzour Minis avek ou delegasyon. Mon premye kestyon i relye avek zot defi aktyel. Dapre zot *statistic* 995 zenn aze 15 a 20an, in vin anrezistre pou ganny en travay an 2021.

E dan latab 8 lo '*youth unemployment*' zot target pou 2021 ti 22poursan e pou 2022 i 18poursan e zot target pou 2023 i 16poursan. Pou fer bon konparezon lo performans departman, i neseser annan an sif aktyel e mon kestyon se akoz ki zot napa en sif pou *youth unemployment* pou lannen 2021?

E akoz zot target pou 2023 i selman 16poursan e pa mwens? E an menm tan mon lot kestyon i lo latab 6 *labor protection* kot zot dir anplwayer ki, ki pa, ki pa ti pe *comply* avek Lalwa Lanplwa e me apre zot *comply* apre aksyon in ganny pran.

Zot target pou 2022 ti 21poursan e pou 2023 i reste 21poursan. Kwa ki anpes zot met bann target enpe pli o pou kapab vreman fer sa diferans dan, dan sityasyon ki zot pe fer fas avek aktyelman? Mersi Mr Chairman.

MR SPEAKER

Mersi. PS i a, i a pran repons Minis. PS?

PS JULES BAKER

Mersi Mr Chair. Mersi Onorab pou ou kestyon. Premye kestyon i konsernan *youth unemployment*, ou a kapab konstate Onorab ki Minister Lanplwa avek Minister Ledikasyon i travay tre pros ansanm, pou asire ki maksimonm posib tou etidyan i reste dan sistenm ledikasyon avan ki i sorti lo sa baz ki nou apel 11an mandatwar.

Malerezman i annan en group ki pa neseserman konplet sa peryod segonder, e menm bann ki sikse pou antre dan pos-segonder pa neseserman reste dan pos-segonder, pou en rezon ou en lot bann defi ki zot fer fas avek.

E se sa rezon akoz ou war ki nou annan nou, nou *youth unemployment* i reste ase o, e ki nou travay tre pros atraver bann programm ki Minister in koz lo la pou nou asire ki nou met maksimonm posib zenn dan lanplwa.

Me keksoz ki pli enportan pou kapab konstate ki pandan *Covid Labor Force survey* pa'n ganny fer. E nou *youth unemployment* ozordi la ki nou, ki nou'n gannyen avek ANBS i 12poursan pou le moman la, e sa i baze depi 2020.

So annefe la ki nou kapab dir se ki nou annan en *population census* ki an progre e ki pe ganny fer, nou espekte ganny rezulta tre byento ki nou a kapab ganny en apresyasyon ki nou *youth unemployment* i ete dan Sesel ozordi.

Lo kote *labor compliance regarding 21percent, yes* Onorab parey ou kapab konstate malgre nou annan Lalwa Lanplwa an egzistans, malgre nou annan ase zofisyen ki al lo teren pou fer sir ki dimoun i *comply*, me malerezman nou pa toultan ganny sa sipor anplwayer pou zot *comply*, fodre nou bezwen anmenn case Ankour.

Parey mon'n dir taler, nou donn li en premye *warning*, nou donn li en dezyenm *warning*, nou donn li en dezyenm *warning* nou donn li en trwazyenm *warning, only letan case i ariv devan Lakour* ki i dir ou *sorry* prezan ki mon'n konpran.

La, la kot problem i arive, arive. So basically nou'n mentenir sa, sa 21poursan an term *compliance*. Akoz nou, nou bi prensipal i pa pou prosekit anplwayer pa sa nou bi prensipal.

Be sa i plito *the end result of it*. Nou, nou ti a kontan ki plis anplwayer i reste an konformite dan Lalwa Lanplwa. Mersi Mr Speaker.

MR SPEAKER

Thank you. Onorab Bastienne.

HON DESHEILA BASTIENNE

Mersi Mr Chair. Bonzour Mr Chair. Bonzour Minis avek ou delegasyon. Bonzour tou lezot Onorab. Minis mon kestyon i annan en pe keksoz parey Mr Baker fek dir la, anplwayer i sipoze an konformite li osi ler nou pe koz *training* - ler nou pe get bann *training* parske dan alokasyon i annan *training fees*.

Nou war ki bann travayer Lanplwa i konn bann *training outside* dan bann landrwa travay. E mon war zot, zot target plis bann *employees*. Be ler mon la mon pou tous anplwayer li menm, kot parfwa zot pa pare pou zot *let go* e sa i vin en legzanp kot en enn ou travayer in fer keksoz e ganny *dismiss* ou'n demann li pou *resign*.

Demen letan li i leve i al rod en lot plas travay dan en lot landrwa, konmsi son anplwayer i toulstan tant pou ser li donn bann move rapor lo li.

Wi en dimoun i fer en fot i tonbe demen i pou realize i pou releve - i pou tir en leson ladan. E mwan, mon pe demande letan zot fer sa bann *training* eski bann anplwayer osi i kapab ganny *include*, pou zot konpran ki fot i arive partou;- donn en sans en dimoun aret ser li ler i al rod en travay parske demen i pou al fini lo *welfare*. I pou al demann *welfare* ler i pa pe anploye, anploye.

I pou al rod lo *welfare* pou li viv so mon ti ava kontan konnen anba sa *training* anba sa bann *training fees* si zot pe reorganiz zot fason *conduct* bann *training* - bann *training outside* kot bann kot zot anmenn plis sansibilizasyon anver bann anplwayer osi. Mersi.

MR SPEAKER

Wi nou en pe an deor Bidze. Minis annou donn en repons ase bref.

MINISTER PATRICIA FRANCOURT

Mersi Mr Chair. Mersi Onorab pou ou kestyon. *Very briefly* mon kontan ki ou pe dir ki ou *aware* bann *training programs*. En kantite ki nou fer e wi nou annan bann *executive leadership training* ki nou fer 1000 partisipan;- en lot *mindset* pou *21st Century Leadership* ki nou annan 145 -sa i o nivo - 145 partisipan.

Workers Productivity, Education program 700, Ethics and Productivity, nou annan *the target* bann *youth* osi. E sa *youth forum on productivity*, savedir nou pe konmans vreman zenn osi avek bann *training programs* ki nou annan.

Ou dezyenm pwen ki ou'n dir *in regards to* donn sans travayer i en keksoz ki mon pou s vreman for dan mon departman, akoz

mon ganny piblik enn de piblik ki vin kot mwan se zisteman akoz zot in fer en fot *somewhere* ki ler zot *pick up* referans, referans i toultan negatif.

Mwan, mon pa krwar sa i devret arive e mon, mon konnen poudir i annan en serten bout dan referans ki *you should not give a reference* ki ou pou *impede* sa dimoun i ganny en louvraz, *it's not right, it's not correct.*

Tou dimoun i fer fot dan lavi parey nou dir e nou bezwen donn li en sans pou rekonmanse. E mon ler bann *cases* i vin kot mon *individually, I do pick up on that.* La *recently just last week* ki mon'n *pick up, went back to the employer* poudir non *you can't do that.*

Sa dimoun i pare pou li refer son lavi, in fer fot donn li en loportinite. Koz lo son fonksyon ki i ti fer. Sa fot ki in fer in fer, me selman an mezir nou pe regarde si in fer en fot ki ti pou fer avek zanfan; - *for example sustainability, then of course* sa dimoun pa pou al travay avek zanfan ankor.

So sa en bann ka en pe serye. Me selman en keksoz ki mwan, mon pran *very seriously, is bad references.* E mon pou annan en konversasyon ek *AG's Office* pou nou regarde ki mannyer nou kapab *formalise* sa ki *it should not be the case.* Mersi.

MR SPEAKER

Thank you. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon. Mr Speaker mon annan 2 kestyon pou Lanplwa 2 kestyon pou Sosyal. Mon ti ava kontan konnen letan mon pe regarde Minis anba lo latab 3 anba '*new spending initiative*' i annan alokasyon 812mil pou anploy 9 nouveau *social worker.*

Mon ti ava kontan konnen si zot satisfe ki avek sa Bidze ki zot pe gannyen la pou anploy sa 9 *social worker*, zot pou kapab konmsi amelyor louvraz ki bann *social worker* pe fer dan distrik.

Parske an se moman mon konnen poudir en *social worker* pe ganny *allocate* en rezyon e i annan en kantite defayans dan bann travay, ki annan pou fer avek distrik li menm li, eski zot satisfe ki sa i pou kouver sa?

Epi mon pe war anba deskripsiyon e '*motivation*' la in dir zot pe fer anploy sa 9 *social worker* pou kapab donn sa sipor avek lentrodiksyon dan *Domestic Violence Act work load* ki pou *increase.* E mon ti ava zis kontan klarifye si *Domestic Violence Act* in ganny

en *commencement date*, ziska dapre dernyen lenformasyon pa ti ankor ganny en *commencement date* pou sa?

Pou Lanplwa mon ti ava kontan konbyen pos dan Gouvernman ki ti annan en Seselwa ki ti pe *understudy* en etranze, ki zot in reisir plas en Seselwa dan bann Minister sirtou.

MR SPEAKER

Ou'n annan 3 kestyon lo Lanplwa Onorab.

HON REGINA ESPARON

Non Mr Speaker sa 2 ti pou Sosyal sa. La preznan mon pe al lo Lanplwa.

MR SPEAKER

Anr tre byen.

HON REGINA ESPARON

Wi e ki zefor ki Minister pe fer pou redwir kantite GOP ki zot pe donnent? E eski zot pe ganny sa korperasyon avek bann etranze avek bann lakonpannyen, pou met sa konsern devan pou donn sans plis Seselwa ganny en lanplwa.

E sirtou sa i konsern parey dan bann laboutik, dan bann laboutik kot ou war bokou etranze ki pe travay, ki zot pe kontinyen demann GOPe zot pa pe donn sans Seselwa pou ganny en lanplwa.

MR SPEAKER

Thank you Onorab. Minis diriz ou delegasyon *please*. *PS Social Affairs*.

PS LINDA WILLIAM-MELANIE

Mersi Mr Chair. Mersi Onorab pou kestyon. Onorab wi letan nou bann *statistics*, nou'n war poudir i annan en nesesite pou ogmant bann travayer sosyal sirtou lo nivo distrik.

E ankor nou, nou pe met lanfaz ki i annan plis travay ki fer lo nivo kominate ansanm avek lezot *partners* pou nou kapab vreman *tackle* sa bann problem ki'n ganny idantifye.

Pou le moman mon kapab dir poudir lo kote distrik Glacis, sa ki nou pe war nou *social worker* son *case load* i 29. Petet i aepre *the range* ki nou devret pe kapab annan en *social worker* pou travay avek, me si i annan bann lezot aktivite ki bezwen ganny fer, sa i bann keksoz ki nou bezwen *take onboard*.

Me i annan lezot distrik ki *case load* i vreman o e parey nou'n zistifye bann *social worker* adisyonnel i bezwen pe ale pou al travay pou ed sa bann distrik, kot i annan *case load* ki o.

Kot i konsern *Domestic Violence Act*, sa ki mwan, mon okouran i pankor vin an operasyonnel me nou konnen i annan en gran parti dan sa *Act*, ki bann ka i bezwen ganny refer kot Departman Zafer Sosyal, enn fwa ki si i annan ka ki raport kot Lapolis ki sa konplenan pa pe kontinyen avek, nou bezwen *beef up* sa *unit*.

Akoz enn fwa ki sa Lalwa i vin anfors nou pou agree ki i pou annan bokou ka ki pou ganny refer e deza kot sa *unit* ki pe *deal* avek bann ka parey, zot osi zot annan zot *case load* ki *very high*.

So i annan nou i annan zistifikasyon pou nou annan sa kantite *social worker* ki nou'n ganny met dan Bidze e ki nou remersi Minister Finans. Mersi Mr Chair.

MR SPEAKER

Mersi. Kestyon yes Minis.

MINISTER PATRICIA FRANCOURT

Mersi Mr Chairman. Mersi Onorab pou ou kestyon. Mon a pran zis en pti bout lo kestyon zefor ki Departman Lanplwa pe fer pou kapab redwir *GOP workers*. Onorab nou annan parey ou konnen *localization plan* mon konnen ou'n demann pou Minister. Nou napa sa avek nou pou *provide* sa, sa *figures for you*, me selman nou annan pou an deor *private* nou annan.

Apre nou annan nou *succession plan* osi ki nou pe fer sir ki ler dimoun i antre i *always* annan en *succession plan* ki sa dimoun in vin lo *GOP* 2an - nou donn 2an *GOP*.

And the idea is that sa dimoun i ganny en dimoun pou li *train*, pou li kapab pran sa pozisyon. Ou'n nonm magazen tou dimoun i konnen poudir Departman Lanplwa in pran en *stand very firm on that*, akoz bann keksoz ki ti pe arrive *in the past in terms of dimoun zis i vini*, dimoun i vini.

Nou'n ankouraze pou nou dir i *ok* nou'n donn ou enn, me selman nou pa pou donn ou 4, nou pa pou donn ou 5. E nou war poudir *gradually* pe zot pe konpran sa. E bann *employers* osi pe konpran poudir si ou'n demann 3, mon pa pou kapab donn ou 3.

Mon pou donn ou 1 - *at least* i a kit ou *business going*. Nou pa oule ser lanmen bizines nou, me selman i annan *reliability* e ou konnen poudir sa dimoun i la, i pou kontinyen, me selman pran en lot.

E sa nou fer vreman byen dan nou *Employment Services* pou kapab plas dimoun. Akoz avan ler nou donn en *GOP* i annan en Komite ki asize ki deside. *GOP approval* pa fer par en dimoun. I annan en Komite sak seksyon dan Departman Lanplwa *whether it is Employment Services, whether it is Migration Section whether it is the Labor Relation section.*

Zot asize e zot diskite pou war *suitability* pou nou *approve* en *GOP*. I pa en task fasil, me selman *at the same time* nou pa le anmar lanmen biznes, nou fer sir poudir nou donn zot balanse.

Mr Chairman PS i a pran en pti bout ki ou'n demann en lot kestyon lo la Onorab. Mersi.

MR SPEAKER

Mersi.

PS JULES BAKER

Mersi Mr Speaker. Mersi Onorab. Vitman, annefe Departman Lanplwa i reste angaze an sa ki konsern *localization* e nou programm lokalizasyon. E nou grandi nou zefor depi ler sa programm in konmanse, nou'n *earmark* 490 pos dan sekter paraetatik e prive.

E nou'n reisir *localize* 178 pos e nou ankor annan bann travay ki nou pe fer avek sekter prive. E nou kapab dir ki i annan zefor par sekter prive pou *bring onboard Employment Department* pou *successful operations of the program*. Mersi Mr Speaker.

MR SPEAKER

Mersi. Onorab Ernesta.

HON PAUL ERNESTA

Mersi Mr Chair. Mr Chair, Minis, SS, delegasyon, bann koleg Onorab e tou dimoun a lekout, bonzour. Mr Chair mon kestyon an premye i vize lo *SP1* ek *SP2*, ki mon'n war mon pe obzerv en logmantasyon dan zot kou elektrisite.

Petet Minis i a kapab eksplik nou, akoz sa si zot napa en lot mwayen petet pou fer desann, akoz sa logmantasyon i ase sibstansyel.

Apre dezyenmman nou konnen i annan sa se kot in dir kot dezormen pou annan logmantasyon dan sekter publik, eski Minis ansanm avek Minister Finans zot in diskite pou war ki mannyer zot kapab fer, swa ankouraz sekter prive pou zot osi kapab donn sa 10poursan logmantasyon? Mersi Mr Chair.

MR SPEAKER

Mersi. Onorab mon krwar kestyon logmantasyon pou sekter prive in ganny adrese longman par Minis Finans. Minis ou a reponn son premye kestyon silvouple - delegasyon savedir lo logmantasyon dan elektrisite. *PS Baker yeah?*

PS JULES BAKER

Wi mersi Mr Speaker. Mersi Onorab pou kestyon. *Basically* ki nou'n war se ki nou *actual expenditure for last year* e nou'n konstate ki kou elektrisite ek delo i kontinyelman ogmante, menm si nou kot Departman Lanplwa, nou fer sa zefor pou nou tenny nou lalimyer, tenny nou *aircon* apre travay.

Me selman nou *still* war ki i annan en logmantasyon *of course* dan *bill* elektrisite. E vwala akoz ki nou'n war nou bezwen demann avek Minister Finans pou fer logmantasyon.

Fodore fer resorti ki sa logmantasyon dan elektrisite, i pa neseserman en logmantasyon ki'n vin an plis sorti kot Minister Finans. I plito *reassignment reallocation* dan landrwa kot nou'n kapab fer en *savings during the year*, nou'n zis pran li dan elektrisite.

Akoz ler nou get nou *actuals*, nou krwar nou kapab servi li pli byen e par lo la ankor, nou annan plis *staff* ki nou pe *recruit* plis *staff*, plis kouran, plis delo. Mersi Mr Speaker.

MR SPEAKER

Mersi. Onorab Gabriel ou kestyon?

HON CONRAD GABRIEL

Mersi Mr Chair. *Welcome* Minis ek ou delegasyon, *panel*. E mon a dir bonzour tou dimoun a lekout. Minis mwan premyerman ti annan en lager mon ti konmanse depi ler mon'n antre dan Lasanble.

I konsern desantralizasyon sa servis *employment*. Mon ti koz lo la ou ti dir mon *a very good idea*. Kot nou anmenn *employment officer* petet dan distrik, mon krwar tou bann *MNA* ki la zot konnen ki difikilte ki nou pe gannyen, pou travay e nou bann zenn lavi i en pe dir, bis pou peye i en pti pe *tough* - ou konnen ou menm.

So Minis mon kestyon pou zot, dan sa Bidze 44milyon ki 8milyon plis ki 2022 mon pe regarde, eski zot kapab fer retourne sa programm kot dan distrik nou atas en *employment officer* kot dan distrik li menm ki'n fini etablir?

I annan *welfare officer*, i annan *social worker*, kot zot a kapab *link*, *link* ansanm travay ansanm an kolaborasyon pou kapab ed nou pei bouz devan.

Mon panse petet sa i posib zot in ganny logmantasyon 8milyon, so tou sa bann keksoz i egziste deza an distrik. Mon ti a kontan petet ou elabor en pe lo la.

Apre i konsern pou *link data* ansanm petet dan ou Minister dan sa Bidze 45milyon, eski i annan provizyon pou *upgrade* en pe zot bann *IT system*, pou zot kapab konekte ek kanmarad?

Par egzanp ler enn i dan distrik lenformasyon i ganny tape - ou konnen? Pou nou al en pe *speed up* ek sa *process*? Sa i mon pwen.

Lo kote *employment* li menm *P1 - SP3* ou annan ou 447mil pou anba *other goods and services honorarium and awards*, mon ti a zis konnen petet kisia ki bann *awards* sa lannen? Donn nou en pti pe plis detay lo la?

E mon dernyen pwen Mr Chair, i petet Sosyal - Madanm Sosyal i konn tre byen dan mon distrik Pointe Larue pa'n ganny eparnye avek bann sityasyon so, ki zot pe fer an plis?

Mon'n tann ou dir zot travay apre ler lot, lot, dir nou en pti pe lekel bann antite ki zot met *onboard* pou kapab *tackle* sa problemm sosyal li menm, ki pe vin vreman alarman dan tou kous nou- Dan tou distrik i alarman, me selman Pointe Larue i en pti pe *out of limit*.

Akoz nou annan en lekol segonder - i annan segonder Pointe Larue ki pe pas pa mal difikilte, e bann lezot zenn ki'n fini kit lekol, pe pas dan en serten difikilte enorm la deor? Mersi.

MR SPEAKER

Thank you. Bon Minis?

MINISTER PATRICIA FRANCOURT

Mersi Mr Chair. Mersi Onorab pou ou kestyon. Onorab ou kestyon vizavi *employment officers in the district it is a wishful thinking*. Mon konnen ou koz lo la, ou *feel very strong about it*.

Pou nou kapab fer sa, savedir nou bezwen annan bokou plis *staff* ki Bidze pa permet. Akoz letan nou koz lo Bidze, nou bezwen realize sa Bidze i pou tou Minister e nou'n travay konman en lekip nou. Nou travay konman lekip poudir pran en bout kot mwan donn en lot bout.

E nou'n fer sa korperasyon pran bann priyorite pli pertinan. Zis pou mon fer ou konnen ki kot *Ocean Gate House building* nou

annan zis 12 *employment officers* ki travay, e i toultan plen, i toultan plen.

Savedir dimoun ki le *search* pou louvraz, i fer sa zefor i pey son bis oubyen i desann i vin kot lofis. E *they do that very well*. Pou mwan kapab met *employment officer* dan sak distrik 23 *districts* mon pou napa, *right?*

So i vreman difisil. Nou'n nobou fer li avek *ASP*, nou kapab fer li avek *social worker*, me selman mon pa enn ki pou al egziz en Bidze, pou met en realite - en i pa en realite ki posib.

Me selman nou fer en kantite *sensitization* pou dimoun ganny akse avek sa servis ki nou donnen. *Whether it's on TV whether, it's open days, whether it's bann fairs* ki nou fer.

Enn bann keksoz *actually* ki nou pe mazin pou fer, nou ti konmans fer avek La Digue avek Praslin - Onorab Uranie i konnen - ki nou anmenn nou lekor konman en *Fair Day to the district*. E sa nou le met li lo nou azanda.

So sa mon krwar i a plito mars pli byen; - *less cost effective* e i pa pou kout nou bokou, me selman nou vini nou kapab *set it in the district*. *Actually* mon krwar nou ti pe mazin fer li *regional to begin with, right?* So, sa i en solisyon *to what you are proposing*. Parey mon dir i en *wishful thinking*, selman nou realistik osi *at the same time*. I annan en kestyon pou PS Baker pran, mersi Mr Chair.

MR SPEAKER

Yes PS.

PS JULES BAKER

Mersi Mr Speaker. Mersi Onorab pou ou kestyon. Dezyenm kestyon i konsern *the role of IT* - wi Mr Speaker parey mon mazinen kekfwa en dimoun en Onorab parey ava demande, nou pou war poudir prezantasyon dan nou alokasyon pou devlopman *LMIS*, i vreman progre. E se sa rezon ki nou santi ki sistem ki pli enportan olye ki dimoun, Onorab.

Letan nou'n war ki poudir - letan nou get dan sak distrik - parey Minis in dir nou taler nou annan nou apepre en 467 *active job seekers* dan Sesel an antye 467. So *basically*, si ou pe met en zofisyen lanplwa dan sak distrik pou al deservi 467 dimoun *does it make sense?*

Plito ki nou fer letan nou itiliz sa larzan pou nou kout plis dimoun dan devlopman e *IT*, kot letan bann dimoun i anrezistre nou kapab fer *matching proper*. E se pou sa rezon ki nou'n demann

Minister Finans e in aprouve pou donn nou en pe larzan pou lannen prosenn, pou nou kapab *upgrade* nou sistèm.

Parey Minis in dir nou - wi sa prosesis rezyonal kekfa i en keksoz ki nou kapab konsidere, pou anmenn plis vizibilite, wi, me sa i ankor an diskisyon.

Ou trwazyenm kestyon *regarding honorary award* pou bann anplwayer ki fer byen dan devlopman resours imen, sa ti en fonksyon anba *ANHRD ex ANHRD* ki'n la, in ganny aboli e prezan parti sa fonksyon, in ganny transfer anba Departman Lanplwa.

Savedir sa i en Bidze ki ganny *allocate* avek ki pou ganny *allocate* avek Departman Lanplwa tou le 2an - pa tou le lannen - tou le 2an pou ki en legzersis i ganny fer parey ou war. E parey ou konstate Onorab i kapab konstate ki sa fonksyon *HR*, in ganny transfer anba Departman Lanplwa.

E nou annan en responsabilite, pou nou asire ki nou *meet* bann *challenges* ki nou fer fas avek devlopman resours imen dan Sesel. E si nou kapab rekompans bann anplwayer ki pe envestir dan devlopman zot prop dimoun, nou ti ava apresye osi donn zot en pti *award*. Mersi Mr Chair.

MR SPEAKER

Mersi. Minis mon sipoze *PS Social Affairs* pou pran sa katriyem kestyon Onorab, ki en kestyon *vast*. Ou a realize *tackling social affairs* ou pou pran plis ki 1erdtan pou reponn li, me alor mon demann ou pou *summaries*. Yes *PS* ou annan laparol.

PS LINDA WILLIAM-MELANIE

Mersi Mr Chair. Wi mon krwar sa kestyon pou vin par mon mazinen ki tou Onorab pou annan menm konsern, se sa rezon ki nou pe demann sipor pou ganny plis travayer. Nou travay avek tou partner nou.

E nou annan bann diferans lenstans travay kot nou bezwen fer bann travay apre ler en *spot check*. *Parenting* nou fek pe fini annan diskisyon avek Minister ki responsab pou Lafanmir, ki mannyer nou pou anmenn plis programm lannen prosenn.

E Onorab ou distrik i enn parmi sa 10 premye distrik, ki annan bokou plis *case*, kot nou bezwen travayer sosyal adisyonnell pou donn koudmen. So nou konnen sa bann distrik i annan tou sa bann eleman lalkol, drog, delenkans, e se sa ki fer i annan bokou problem sosyal. E nou bezwen travay an partenarya pou nou kapab *tackle* sa bann problem ansanm.

Travayer Sosyal li tousel pa pou kapab fer tou. Mersi.

MR SPEAKER

Mersi bokou. Onorab ou'n poz 4 kestyon deza. Klarifikasyon 1 kestyon silvouple. Mersi.

HON CONRAD GABRIEL

Ya Mr Chair, mersi. Madanm eskiz mwan petet nou konman *MNA how do we get onboard* letan zot pe fer zot *spot check* en keksoz *we don't know*. Nou pa okouran. Petet ti a bon akoz nou ki dan sa distrik. En lide *to go forward* ti a bon zot lyez ek nou *as DA, MNA we get onboard* e sa ti ava ed zot petet dan zot travay. Mersi.

MR SPEAKER

Mersi. Ou kapab pran sa rekomandasyon? *PS?*

PS LINDA WILLIAM-MELANIE

Mr Chairman, mersi. Mersi Onorab pou sa sizesyon. Me selman mon ti pou anvi dir konman *leader* dan bann distrik nou travay byen mon pou donn en legzanp Praslin, apre Perseverance kot *MNA* ansanm avek *DA*, i inisyé serten travay - mon krwar Anse Royale osi nou inisyé serten travay ek travayer sosyal.

I la dan zot distrik servi li dan fason pozitiv, pou donn sipor pou nou kapab travay ansanm, pou konnen pou nou kapab rezourd sa bann problem ki zot pe idantifye. Mersi.

MR SPEAKER

Thank you. Onorab Vidot.

HON AUDREY VIDOT

Mersi Mr Chair. Bonzour tou dimoun ki a lekout. E bonzour tou dimoun ki prezan. Mr Chair mon kestyon pou *panel* mon pou sipor sa 2 distrik dan mon rezyon - distrik Pointe Larue avek distrik Cascade, akoz nou partaz menm konsern lo sa size lanplwa.

Desantralizasyon i enportan, i tir sa presyon santral e i donn sa sipor bann distrik, pou nou kapab ed nou bann zenn e osi nou bann dimoun ki ler Lalwa pou vini la pou 65an la, nou annan dimoun.

Mwan dan mon distrik ki annan 58an pe *struggle* la plis ki 3mwan, pou kapab ganny en louvraz, pe monte desann kot Lanplwa. *Please* desantralizasyon zot pa kapab met dan sak distrik, me omwen lo baz rezyonal, sipor nou bann distrik. Sa i enn.

Dezyenm, nou pe koz lo sa Bidze konsernan proteksyon travayer, nou ankor annan en konsern dan pei lo zil, nou bann zil kot i annan bann dimoun dan lotelri, dan *casino*. Nou bann travayer Seselwa pe *struggle* dan avek bann etranze ki par lao zot.

Pou donn zot sa respe komunikasyon e i annan ki komunik avek Lanplwa pou rapporte, me i annan ki annan defi pou zot war sa respe zot drwa avek zot kondisyon travay dan lorganizasyon.

Alors Bidze ki zot pe gannyen pou 2023, eski zot pe ranforsi pou war pou adres sa bann defi, pou fer li redwir e war osi ki kondisyon parfwa Gouvernman ler zot al lo sa bann zil, pa kree li difisil pou prezan ler i koze i pa ganny sipor avek zot lo Departman Lanplwa?

Trwazyenm pwen, mon le konnen eski dan sa Bidze zot in annan revi pou war ki mannyer zot kapab osi soulaz sa bann zenn ki lo *skill development program*.

Zot *allowance* ki zot gannyen, mon konnen i annan landrwa ki ganny atraver sa ek lorganizasyon travay, me i annan ki *at times* i kouver. Zot pe rewwar akoz sa bann zenn i annan zot pa zot tou ki ganny facilite transpor ek lorganizasyon travay zot bezwen pey dan zot pos fanmir i ankor deza dan difikilte zot bezwen siport zot ankor.

Please dir nou poudir sa Bidze ki roz la, zot pou adres sa bann konsern ki 2023 travayer Seselwa i a ganny byen valorize? Mersi.

MR SPEAKER

Mersi Onorab. Minis?

MINISTER PATRICIA FRANCOURT

Mersi Mr Chair. Mersi Onorab. Onorab mon krwar enn ler ou pa tande ki nou dir letan nou vin dan Lasanble. Akoz ki mon'n dir, mon'n dir i annan zis 467 dimoun ki pe rod louvraz dan pei *what is 467 people?* Nou ti annan nou pres 1800 dimoun letan mon ti vin Lasanble dernyen fwa, la nou 467.

Nou fer bann *survey* - nou *call* tou sa bann travayer tou le *quarter*, pou regarde si zot dan lanplwa zot pa dan lanplwa. Si zot anrezistre kot nou e zot pa dir nou zot in ganny en lanplwa zot *call* pou regarde. Apre la nou fek fer en *survey* Novanm. I montre nou ki nou'n fer 903 *phone calls*. Ou pe *call* dimoun son telefond pa, pa, pa sonnen.

Ou pe *call* dimoun i pe dir ou "be mwan lontan mon'n ganny mon louvraz mwan. Zot ki pa konnen."

So i annan tou sa bann keksoz ki nou fer konman en lekip, pou fer sir poudir nou bann dimoun annou aret fer leskiz pou dimoun letan i pe rod louvraz.

Tou le Mardi, tou le Zedi nou lo *Facebook*, lo nou *website*, nou anvoy kot zot tou *MNAs* dan sa lasal, pa konnen ki pou fer ek louvraz Sesel.

Mon krwar sel pei dan lemonn ki annan plis travay ki dimoun. Mon krwar nou'n *clock in* si mon pa tronpe 4mil, 4mil500 louvraz *just this year!*

Savedir i annan plis louvraz ki dimoun. Annou aret *spoonfeed* dimoun. Tou sa bann programm, *skills development program*, *My First Job* ki mon'n koz lo la, si sa zenn i deside i le dormi ziska 12midi, i pa leve pou vin rod louvraz lekel ki pou al tay deryer li? Non, nou pa pou tay deryer li. I a bezwen leve marse vin kot Biro Lanplwa vin anrezistre vin rod louvraz.

Skills Development Program R1900 -15 a 17an manage son Bidze. Ler i fini i ganny li 18an antre dan en lanplwa - i annan louvraz. R2800 nou donnen pou bann 18an an montan.

Again nou pe ed ou nou, nou donn ou sa bout, prezan ou fer sa lot bout si oule ganny R7mil, R8mil, vin rod en lanplwa ou ava antre ladan.

So get bann *statistics* Onorab ki nou pe donnen, *it speaks for itself*. Mersi.

(APPLAUSE)

MR SPEAKER

Mersi. Tre byen Onorab William, ou kestyon?

HON WAVEN WILLIAM

Mersi Mr Chairman. Bonzour Minis avek ou lekip. Mr Chairman, mon annan en kestyon pou Lanplwa, apre 2 kestyon pou Sosyal. Mon premye kestyon se ki mon anvi konnen avek Minis lo kote lanplwa, akoz mon war anba *bullet point 2 current challenges* "*reduction in the local labor skills supply in reliance of foreign workers.*"

Mon rapel dan bann mwan ki'n pase nou'n koz lo la, e nou santi poudir i mank sa sinerzi ant *ANHRD*, Minister Ledikasyon ek *Unisey*. E i annan en legzanp ki ti'n monte se ki ozordi nou napa ekonomis dan pei, so mon anvi konnen si i annan en *interagency* avek tou sa bann partner konsernen pou zot adres sa problem.

Akoz si nou pa fer li byento, nou pou kontinyelman annan sa difikilte. So mon anvi konnen si zot annan sa? E Mr Chairman lo kote Sosyal mon war poudir zot pe anvi anploy 9 *social worker* ki mon krwar i byen, me eski ozordi dan pei baze lo pwen ki mon'n fek koz lo la, eski zot santi poudir nou annan ase dimoun kalifye ozordi la, pou pran sa bann, sa bann pozisyon?

Akoz pa blye poudir dan *Mid-term Review* nou war ki en bonpe bann *new initiatives* in ganny retire, akoz ti napa. So ki demars pe ganny fer pou fer sir ki enn, nou kapab *recruit* sa bann dimoun? Mersi.

MR SPEAKER

Thank you. Minis?

MINISTER PATRICIA FRANCOURT

Mersi Mr Chair. Mersi Onorab pou ou kestyon. *On the subject of the national HR plan*, mon kontan ki ou'n fer sa monte. Parey zot konnen mon'n dir dan mon stetment i pou tonm anba nou e sa mon konnen poudir nou'n kree nou'n deza konmans en kantite louvraz lo la.

E i fer sans pou nou konn sa *manpower planning for the country that is needed*. So lo nou *Steering Committee* ki'n fini ganny kree, i annan *myself*, Minister Hassan ek Minister Valentin Ledikasyon, Finans ek Lanplwa ki *oversee* en pti pe donn gidans e byen ofe.

So dan nou *Steering Committee* i byen son kompozisyon i *very good*; nou annan Lanplwa, nou annan *National Planning*, nou annan dimoun ki pe sorti kot *Agency* li menm. I annan *Chief Secretary* ki lo la so tou bann *partners* ki nou konnen i kle nou annan *Deputy Governor Central Bank*, ki *again* ler zot pou anmenn zot lenformasyon tousala pou ed nou.

Nou annan Direkter Zeneral *National Planning*; nou annan *Department of DICT* lo la, Imigrasyon i asiz lo la, *National Bureau of Statistics* lo la, *Foreign Affairs* i lo la, Ledikasyon parey mon'n dir, *SIB* i asiz lo la, *University of Seychelles* osi son *Dean* i asiz lo la.

So nou'n fer sir *Tourism Department*, *SCCI* - *this is the composition of the Committee that is already met 3 times already*, depi ler sa demars pou nou *take over*. So, nou'n fer 3 *meeting* - nou'n fini diskite nou *terms of reference* e konsiltan in fini drafte sa, e nou *HR plan* ek nou *HR Strategy and Policy* is already in circulation.

Nou'n drafte nou *action plan* lo bann *short term actions*, ki nou bezwen fer pou adres *the HR planning ek HRD issues*. Nou'n pe drafte en *analysis* lo bann *labor shortage* parey ou pe dir avek bann *skills gap* ki nou annan e *labor demand in the country*.

E ou war poudir avek sa konpozisyon dimoun ki nou annan, *you can't go wrong*, akoz tou sekter la pou kapab annan en *input*. E *the 3 Ministers* nou *very proactive* lo la.

E nou pe donn nou sipor *all the time*, pou regarde pou anmenn sa lot lizye *what is missing what can we do*. So sa mon konnen poudir i pou marse dan konpozisyon dimoun ki nou annan. E nou pare pou nou fer sa *task* ki devan nou i en gro *task*, me selman mon konnen poudir nou pou ganny bokou sipor *and we will make sure it works very well*. Mersi.

MR SPEAKER

Mersi. Mon krwar dezyenm kestyon ti lo *Social Affairs* si ou annan lakantite - si i annan lakantite dan pei. *PS Melanie* ki pou adrese. Yes *PS*.

PS LINDA WILLIAM-MELANIE

Mersi Mr Chair. Mersi Onorab pou ou kestyon. Onorab wi mon kapab konfirmen avek ou ki bann travayer sosyal ki nou anploye, laplipar zot in pas atraver *NIHSS* kot zot ganny zot *diploma*.

Me parey nou kapab mon kapab fer resorti, nou pou bezwen aksepte ki leksperyans i pa pou parey, parske tou le sa lannen nou'n anploy anviron 5 a 7 *social worker* ki sorti *NIHSS*, nou bezwen fer plas pou bann zenn.

Me an menm tan nou bezwen ede pou donn zot sa leksperyans, pou zot kapab travay lo teren ansanm avek lezot partner. So zot bezwen ganny *mentor* par en *senior social worker*, pou zot kapab delivre zot travay lo teren.

Me i pa en travay fasil parey mon'n dir. I bezwen en kolaborasyon sak kliyan, sa dimoun ki nou pe travay avek e osi bann lezot partner ki nou bezwen zot sipor, dapre bezwen ganny assess pou sa bann fanmir lo nivo distrik. Mersi Mr Chair.

MR SPEAKER

Onorab, mon pa tro an faver kestyon siplemanter - en stetment - en fraz silvouple.

HON WAVEN WILLIAM

Mr Chairman mersi pou *your indulgence*. Sa leklersisman ki mon pe al demande mon krwar i vreman enportan ki Minis i donn sa leklersisman. Minis Gouvernman i annan kontrol lo *civil service only with regards to the employment*.

Me kot i konsern sekter prive, mon anvi ou ekliersi sa akoz piblik deor la, i bezwen konpran sa byen.

Par egzanp en lenvestiser letan i envestir dan en lotel, eski Gouvernman i dan en pozisyon pou fors li an *localize* ki poursantaz pozisyon dan son lakonpannyen?

Akoz i annan dimoun petet i annan *false expectation* deor la, so mon ti a kontan ou ekliersi sa pou nou bann dimoun pa ganny *false expectation*.

Akoz si sa i pa dan son Kontra son kondisyon, so nou pa kapab dir Gouvernman i bezwen ale fors li.

MR SPEAKER

Ok wi, nou'n al dan en lot kestyon la. Minis ou a adres li silvouple. PS ki pou adrese. Wi PS fer li vit silvouple.

PS JULES BAKER

Wi vitman Mr Speaker. Mersi Onorab pou ou kestyon. Annefe parey ou kapab konstate Onorab i annan en sistem an plas lafason ki *GOP* i ganny *allocate*, ki nou apel en *quota system* ki an plas depi 2016.

E nou'n *review* li 2020 baze lo sa menm keksoz ki ou'n fer resorti, lo en mank demann resours imen, sorti dan sistem ledikasyon li menm.

Sesel zanmen nou pou reisir ranplas tou sa travayer etranze ki annan dan Sesel. E mon kapab dir ou *unless* ki annan en sanzman enorm dan lafason ki nou prodwir bann dimoun ki sorti dan lekol ki pa pou egziste, nou pa pou kapab Onorab. Nou pou kontinyelman bezwen sa ki pli enportan se ki nou pa trangle envestiser, pou anpes zot antre Sesel pou zot vin devlope.

Sanmenm sa ki nou annan en *quota system* baze lo sekter. E annefe kan nou pe koze la i annan en travay aktiv pou nou revwar, pou nou revwar sa *quota system* - dan *tourism* par egzanp kot nou annan bann *Inner Islands* ki zot pe demann nou pou ogmante.

Outer Islands pe demann nou pou ogmante, konstriksyon ki nou'n fer en legzersis fondamantal avek zot, ki zot vreman *happy* ozordi. So tousala i bann keksoz ki nou fer Onorab pou fer sir ki nou pa trangle envestiser, me *at the same time* i nou responsabilite,

i nou manda anba Konstitisyon Sesel Lartik 35, ki priyорite pou travay Sesel i reste pou Seselwa. Mersi.

MR SPEAKER

Thank you. Onorab Henrie ou kestyon.

HON GERVAIS HENRIE

Mersi Mr Chair. Bonzour tou dimoun. Mon premye kestyon mon le konnen sa Bidze 2023, eski i annan en konponan ladan pou adres sekter enformel, pou asire ki nou adres nou kapab anmas en pe plis taks, dimoun i vin en pe pli responsab e mazin son demen, pou sorti dan sekter enformel e antre dan sekter formel. Premye kestyon?

Dezyenm kestyon pou Lanplwa i konsern kad legal nou Lasanble 7enm Lasanble nou anvi war bann lamannman neseser, dan Lalwa Lanplwa. E menm *Occupational Safety and Health Act*.

Resaman nou'n fer prezantasyon isi kot en dimoun in demann Lasanble Nasyonal pou *lobby for amendment* neseser dan sa Lalwa - sa i konsern lanplwa.

Sa ki konsern *social affairs* mon regrete ennler nou met tro lanfaz lo bann keksoz;- konmsi nou bezwen rezourd problem sosyal. Konmsi nou konmans lo bout negativ. Apel li negativ - pa telman negativ me selman apel li koumsa.

Selman nou konnen poudir i annan bann problem ki nou bezwen *deal* avek. Be selman ki mannyer nou adres dan sa Bidze partikilyerman pou travay avek bann lezot Minister, parey Minister Lafanmir, Ledikasyon ki nou vin en Nasyon ki ere, e ki nou selebre bann keksoz ki bon dan nou sisyete, bann fanmir bann endividé bann kominate ki pe fer byen, i ganny regarde konman legzant e ki alor nou swiv so ki nou vin.

Akoz nou telman pti, pti nou ti merit pli ere ki nou ete ozordi. Mersi Mr Chair.

MR SPEAKER

Mersi. PS Baker i a konmanse.

PS JULES BAKER

Mersi. Premye kestyon. Mersi Onorab pou ou kestyon. Premye kestyon i konsern *informal sector* wi Onorab annefe *informal sector* i enn nou pli gran konsern, akoz dernyen statistik ki nou annan sorti kot NBS nou *informal rate* i 16poursan nou popilasyon, ki apepre 8mil dimoun dan lekonomi enformel.

E savedir 8mil dimoun pa neseserman pe kontribye atraver taks ouswa sekirite sosyal, pou zot *long term benefit* letan zot *retire*. Sa en legzersis ki nou'n konmans travay lo la e i dan Bidze e mon kapab konfirmen, ki en proze konzwent avek *ILO* ki'n pare pou donn nou lasistans pou *fund*.

Nou ti'n konmans inisyalman idantifye en konsiltan Seselwa, pou kapab ed nou lo la. Me malerezman poudir ki nou pa'n reisir kapab ariv lo sa standar. E finalman *ILO* pe ed nou pou donn en konsiltan etranze me selman zot pou donn nou enpe lasistans finans e osi enpe lasistans teknik, pou nou kapab finaliz sa proze.

I tre enportan Onorab sa kestyon ki ou'n fer sorti, akoz nou, nou pe dir se ki, taler ti annan en Onorab ti demann nou en kestyon lo kote *youth unemployment*.

Bokou fwa sa bann zenn pa antre dan lekonomi formel zot plito al dan enformel, akoz zot anvi *cash* zot larzan vitman. E preznan zot pe anvi pey taks. So alors sa i en legzersis ki nou bezwen fer primordyal pou nou fer li nou priyorite lannen prosen e lannen 2024 pou nou kapab *achieve* sa, sa lentervansyon ki Gouvernman i bezwen fer.

Lo kote *legal framework* parey nou kapab konstate wi *Employment Act* i neseser pou nou kapab amande baze depi date depi 1995, e in annan plizyer konsiltasyon nasyonal avek tou partner enternasyonal osi, ki zot pa asiste nou.

E annefe nou pe prezimen ki en premye Prozedlwa propozisyon, i kapab vin devan *Cabinet*, premye term lannen prosen e ki kekfwa letan nou travay avek *AG's Office* nou a kapab ganny en draft en *proper draft Bill* pou vin devan Lasanble Nasyonal, apartir dezyenm *quarter* lannen prosen.

Fodore kapab konstate wi nou annan en pe retar avek li akoz konsiltasyon lo *Employment Act* i annan lenpak lo biznes, lo lekonomi, lo travayer, lo *human rights* lo diferan laspe.

I pa en Lalwa ki aplikab pou zis en parti sekter, me i aplikab pou sekter lekonomi antye. Me nou bezwen fer sir ki nou ganny li byen *this time* dan sa prosesis modern ki nou pe viv ladan.

Lo kote 'OSH' i en keksoz ki i osi o fon nou leker, nou'n war ki li i date depi 1978. En legzersis i fini konmans fer avek *ILO* e i lo nou *Cabinet work plan* pou lannen prosen osi, pou nou kapab fer sir ki bann legzersis i a kapab fer.

Annefe dan nou *safety week* ki nou fek fer 2 semenn pase, sa in sorti tre for an term Minister Lasante, Minister Lanplwa e menm Minister pou Lenfrastriktir ki ti osi *attend* seremoni.

Kot ti fer resorti ki dan konstriksyon par egzant ki kantite risk e danze ki i annan. E osi i annan danze lo kote laferm. Par egzant bann *chemical exposures* ki en dimoun pe al kot *clinic* pa neseserman pe ganny *diagnose* avek *the cause of the problem*. Me plito i pe donn li plis son pilil ki i neseser. Akoz bann keksoz koumsa i enportan pou nou adrese e nou kapab garanti ki sa Bidze ki nou'n gannyen, nou kapab fer en pe travay pou konmanse pou 2023 o fir ki nou ariv 2025 pou konplete. Mersi Mr Speaker.

MR SPEAKER

Mersi. Wi nou annan en trwazyenm kestyon lo Sosyal. Minis wi.

MINISTER PATRICIA FRANCOURT

Mersi Mr Speaker. Mersi Onorab pou ou kestyon. Mon kontan ki mannyer ou'n fer ou lentrodiksyon lo Sosyal, akoz toultan i annan sa persepsyon *Social should* devret pe fer tou keksoz.

Non Sosyal pa pou kapab fer tou keksoz. Ankor mon dir tou dimoun dan Sesel i annan en responsabilite pou kapab donn en koudmen pou fer sir ki nou bann fleo lo nou annan konpri bann keksoz pou fer avek *disaffection* parey nou dir, *disfunctional families* ki pe *struggle*. Tou dimoun i annan en responsabilite pou li donn en koudmen

Onorab kot Departman *Social* annefe nou manda dan parey nou'n dir dan program 3, se pou fer sir ki nou donn sa servis.

E letan nou pe koz donn sa servis, nou pe fer sir ki nou pe *meet* ek nou bann *partners* kle, pou nou kapab lo menm paz sant menm sanson. Akoz si nou kontinyen sakenn fer keksoz an izolasyon, sa lamars pou vin pli difisil.

Be *the time is not right now* pou nou kapab fer sa la nou lo en *time ticking bomb* - sa bann keksoz ki pe arive dan Sesel sirtou avek nou bann zenn.

Me selman sa ki ankourazan, se bann *partners is coming together*. Nou'n deza fer 2 *main meetings* avek ledikasyon zanfan *children, children* 2, 2 Minister ki annan zanfan. Alor nou bezwen ansanm lo menm paz.

Nou fer en gran *meeting* ek tou zot tim pou regarde ki mannyer nou *move forward*. Nou'n fer en gran *meeting* avek Departman Lafanmir, e sa ti *very successful*. Again tou *High Level* met koze lo latab fran, annou koze, kote si zot si nou krwar nou pe mont lo lipye kanmarad *it's not a bad thing*, akoz plis nou mont lo lipye kanmarad plis nou kapab donne.

E nou'n war par egzanz letan nou ti pe koz lo bann *parenting programs*, si ou pou regarde NCC i fer *parenting programs* kot nou, nou fer *parenting programs*.

Mon mazinen Ledikasyon ler i a vin koze i annan son konponan li osi i fer, Lafanmir i fer *parenting programs*. Nou pe sey anmennen tou sa lapat ansanm, pou sey regarde bann ki'n e sape laba ki mannyer nou ganny li, ki mannyer nou fer li vini.

E sa travay i en travay enorm. Konmsi nou pa pou kapab dir ou pe mont lo mon lipye, ou pe mont lo mon lipye. Annou tire sa kalite *mindset and talk*. Ou konnen akoz *it's all about Seychelles*. E fer en diferans avek nou bann nou popilasyon nou bann zenn e bann dimoun ki vilnerab.

Si ou regarde nou *parenting program* ki nou'n konmanse, e sa i an partenarya avek Lasante, akoz kote nou pou ganny bann, bann paran ki *at risk for example*.

E sa nou pe konmans bann paran enpe pli zenn ki bann *teenage mothers* ki pa zis - *but mothers* ki pe al ganny zanfan konman sa ledikasyon, avek sa *nuturing* ek sa *empowering* ek zot byen boner.

Dan sa pti moman la nou annan en program ki'n *set up* avek *partnership with Health*, nou'n target nou'n fer 24 sesyon deza nou'n target 214 partisipan. *These are participants* ki usually si ti en zenn manman ou pa ti pou war li - i lo drog, i lo lalkol, me selman nou pe *equip* zot, nou pe *empower* zot, nou pe donn zot *the right skills* pou zot kapab *access* sa *support*.

And then met zot dan *training* pou al dan lanplwa. Ou war i en *process* ki nou, nou bezwen fer. E toulstan i sa bann *targeted group* ki *vulnerable*. E alor mon *chapeau* to bann travayer sosyal ek bann program ki zot fer.

Akoz *they're going out the extra mile*, pou kapab fer sir nou atrap tou sa keksoz, e nou pa les nanryen pase oubyen, oubyen tonbe. E nou pe konmans li pli zenn. Si nou *get it wrong because one generation* petet *we missed, we have got to go back and start it very early*. Mersi Onorab.

MR SPEAKER

Mersi Minis. Onorab Roucou ou *pass, ok*. Onorab Woodcock i *next*.

HON WAVEL WOODCOCK

Mersi Mr Chairman. Bonzour Minis ou lekip, tou Manm e tou dimoun a lekout. Minis zis pou konmanse, i annan sa lalis ki ou

ki ganny sirkile tou le Lendi la ki ganny anvoy kot bann *MNAs*, eski i ganny anvoy zis kot *MNAs LDS* sa ouswa i ganny anvoy kot *MNA US*? Petet i al dan zot *spam folder* akoz mon pa konnen.

Apre mon kestyon i baze lo sa *major achievement* - lo zot lalis *major achievement*. An 2021 ti annan 1837, 37 *job placement* konpare avek 852 *placement* an 2020 ler *Covid* ti lo son *peak*.

E pandan sa bann letan Departman Lanplwa ti pran desizyon, pou aret bann programm; bann programm parey *URS*, bann programm parey *SETS*.

Eski zot ti nobou plas tou sa bann zenn sa bann, sa bann dimoun ki ti lo sa 2 programm *SETS* ek *URS* dan lanplwa ozordi? Apre mon dezyenm kestyon i en kontrent, i en *issue* ki nou pe fer fas avek lo zil Praslin, La Digue osi, kot bokou bann dimoun ki otreman kapab pe ganny difikilte pou ganny travay.

Eski zot annan en programm pou sey ede plas nou bann dimoun ki otreman kapab dan lanplwa?

Finalman mon dernyen kestyon i byento i annan en *youth detention center* ki pou, ki pou ouver Praslin, sa i pou tonm anba Departman Prizon sa i pou bann zenn ki fer lofans i pou baze *ex Dove Center*, me mon kestyon i ziska prezan nou still pa ankor ganny en landrwa pou bann zanfan ki fer fas avek bann problem sosyal ki ganny abize, manrmay ki pe fer fas avek *neglect*, tou bann diferan form labi.

Mon kestyon i mon krwar dan Bidze i annan sa alokasyon sa R42.750milyon, avek en alokasyon R9milyon pou sa lannen. Mon kestyon akoz sa i en zafer ki i annan pa mal lannen sote 10an ki sipoze ganny fer.

Eski sa proze pou konmanse lannen 2023, e vi ki i zis en Bidze pou R9milyon, kan eski zot pou espekte, ki *timeframe* ki sa proze pou, pou konplete e en pti pe donn en pe detay lo facilite bann keksoz zot anvizaze annan kot sa facilite? Mersi.

MR SPEAKER

Mersi. Minis ou a konmanse.

MINISTER PATRICIA FRANCOURT

Mersi Mr Chair. Mersi Onorab. Pou reponn ou kestyon, wi Onorab tou *MNAs* dan sa lasal i ganny en lalis bann *vacancies* tou le semenn. E in *addition* avek sa nou anvoy kot *Judiciary*, nou anvoy kot Sosyal, nou anvoy kot tou landrwa ki sipoze kapab ed en zenn oubyen en adilt pou antre dan lanplwa tou dimoun i ganny sa lalis.

E on top of that i lo nou Facebook page;- on top of that nou met lo televizyon 2 fwa par semenn.

Ok pou URS ler URS ti fermen ki ti en bon desizyon Gouvernman. Nou ti realize poudir nou bezwen donn zot sipor pou zot kapab *reskill*, e nou ti donn en, en *timeframe* en dele letan pou zot vin anrezistre ki ti byen long.

Savedir *again empowering* nou dimoun oule en travay oule *reskill*, vin devan e zot ti annan en *timeline* ki zot ti konnen poudir *URS will come to an end*, nou ti war en kantite zot ki ti vin anrezistre.

E mon konnen mon'n vin dan Lasamble plizyer fwa mon'n donn zot *figures after figures*, pou montre poudir bann dimoun pran louvraz. E letan sa in fini sa *registration* ki nou ti konnen zot ti *URS*, ki *training* zot ti le, *then we treated them as a normal employee seeking for a job*.

Nenport ki dimoun ki pe rod en louvraz e letan nou fer nou bann *survey* ki nou *call, right now* ou pa pou dir ki ou ti *URS* ou pa ti *URS*. *You are a job seeker right? You are a job seeker looking for a job.*

So the fact ki parey mon'n dir nou annan nou zis 467, mon mazinen sa lalis ki ti annan bann *URS* ki ti lo la, *they are in jobs*.

And the good news i petet la zot a kapab ganny en 50poursan 13enm mwan saler, ki zot pa ti'n gannyen avan.

So i *good news* e mon fer lapel ankor la ki zot pe rod louvraz vini vin devan vin anrezistre e louvraz i annan 4500 louvraz pou nou plas 467 dimoun. Mersi.

MR SPEAKER

Tre byen. Mon, mon krwar mon ankor annan 2 pwen. Lekel ki pe al ... PS Melanie. Otreman kapab avek ...?

MINISTER PATRICIA FRANCOURT

Anr ok otreman kapab, *sorry*. Ou ti demande si nou pe plas zot - anr wi, wi, wi. *Training* se sa ki nou'n fer ki Onorab ti'n demande avan, so *we've done the training already* e nou pe al Praslin pou nou *target the group*.

I annan 20 ki nou pe al konmanse pou Praslin, *either December or in the new year* pou nou konmanse avek zot. E zot dan louvraz. Mersi.

MR SPEAKER

Mersi. PS Social Affairs pou adres dernyen.

PS LINDA WILLIAM-MELANIE

Mersi Mr Chair. Konsernan sa lot proze ki Onorab pe koz lo la, ki larzan in ganny mete dan *PSIP* parey Minis in dir, boner lannen prosen, akoz nou ti'n deza annan en plan pou Cap Ternay. E boner lannen prosen ansanm avek *CEO SIA* nou pou war sa plan ki'n annan, pou nou kapab refer travay lo la kot later ki nou ava ganny *allocate*, landrwa ki nou a ganny *allocate* pou nou kapab war si nou kapab *fit in* sa plan.

So nou kapab dir poudir bann diskisyon e bann demars pou nou kapab met sa plan an egzekisyon, pou ganny fer lannen prosen. Mersi Mr Chair.

MR SPEAKER

Thank you. Next is Onorab Samynadin.

HON KELLY SAMYNADIN

Mersi Mr Chair. Bonzour Minis avek ou delegasyon. Minis premyerman 2 eleman ki pe enpakte negativman lo lazennes pou ganny en lanplwa se mank leksperyans, avek talan spesifik. Mon ti a kontan ki mezir ou mekanizm, mekanizm ki ou Minister pe met an plas, pou reisir kapab akonplir bann target ki lo latab 8. ki koz lo sityasyon mank lanplwa parmi bann zenn Seselwa?

Dezyenmman nou konnen ki sa 2 group laz zenn 15an a 17an avek 18 a 20an, zot mazorite bann *school dropouts*. E sa i zeneralman lye avek bann sityasyon sosyal, oubyen swa zot pe angaz zot dan bann labi sibstans.

Apart devlop zot *employability skills*, eski sa programm *skills development* i fer provizyon pou okenn form reabilitasyon pou kapab ed zot vin bann pli bon sitwayen? E ki poursantaz zenn dan kategori 17an an montan ki'n *successfully* antre dan en lanplwa formel?

E mon kestyon pou Departman Sosyal, dan zot '*current challenges*' mon war ki zot pe rankontre difikilte pou antreprann bann programm disiplin dan en lanvironnman kontrole, pou adres logmantasyon lo lakantite zenn ki pe demonstre latitud anti sosyal dan la kominate.

So an vi bann konstrent ki pe kontinyelman ogmante dan Vilaz Prezidan spesifikman ki swa lo nivo bann orfelen oubyen lo nivo ankadrer li menm, ki kalite travay ek sinerzi ki zot pe antreprann ek Departman Lafanmir ensi ki bann lezot

stakeholders, pou kapab remedye sa sityasyon dan sa lenstitisyon? Mersi.

MR SPEAKER

Mersi. Bon nou annan 3, 2 pou Lanplwa 1 pou *Social, panel* pa blye gard kestyion *focused. PS?*

PS JULES BAKER

Mersi Mr Chair. Mersi Onorab pou ou kestyion. An term leksperyans Minis in fini koz lo bann programm ki nou deza annan *reskilling, My First Job* ki nou annan, mon pa pou elabor lo la plis ki sa.

Me ou kestyion spesifik an term 15 a 17 nou tou nou konnen ki bann *challenges* ki nou *face*, ki zot *dropout of school*. E normalman nou war ki i annan bann nesesite pou donn zot plis *employability* pou zot antre dan landrwa travay.

Sa i konsern sirtou bann *soft skills* ki nou war *they are very lacking*, akoz zot pa prepar zot pou al *attend* bann *interviews*, zot met diferan kalite resanz diferan lenz. Nou bezwen fer zot vin en pe pli rezilyan, pli konsyan responsabilite anver travay e ki mannyer zot pou kapab ganny en travay.

Annefe anba *skills development*, mon kapab donn ou en pe *figures* la; - *in term of placement* dan 213 zanfan - 213 zanfan in fini ganny plase anba *SDP*. Sa i reprezent 18poursan dan akomodasyon avek *food services*.

16poursan dan *public administration*; 14poursan dan konstriksyon; 12poursan dan *trade and other motor vehicles*. Par egzanp i annan bann zenn ki kontan fer mekanik, kontan fer bann pti, pti servis ki zot kapab osi devlope.

So nou war ki gradyelman nou fer en kantite progre lo programm *SDP* e nou fer bokou plis progre avek *My First Job*, akoz sa bann manrrmay zot in fini vin en *post graduate* - zot fini annan kalifikasyon.

E anplwayer ki kapab *accommodate* zot e li mon kapab dir *over 80percent of success rate* e bann dimoun i ganny employe. Sa ki pli enportan ankor, se ki anplwayer pa demann *refund*. Zot in fini war bann dimoun i deza annan konpetans e nou kapab fer *savings* lo nou larzan. Mersi.

MR SPEAKER

Mersi. Minis, wi?

MINISTER PATRICIA FRANCOURT

Mersi Onorab. Mersi Mr Chair. Zis pou azoute Onorab nou travay avek Minister Ledikasyon *in partnership*, akoz si ou regarde letan *Covid was at its peak*, nou ti fer en gran louvraz pou fer sir ki zanfan i reste dan lemonn letid. E zot ti fer sir ki zot in fer sa byen.

E zot kontinyen fer sir ki *don't let them drop out. Drop out should not be an option* ou konpran? Mon konnen ou konpran sa. E letan zot lo pos -segonder osi, pa les zot kit dan milye seme - *let them* - ki nou fer an plis pou fer sir sa zanfan i *succeed right through?* I pou zot *benefit at the end of the day*.

E Departman Lanplwa ankouraz zot osi lo sa bann programm ler zot CVs pou zot, i *nurturing* sa, ou pe *nurture* zot ou pa pe zis fer *employability skills*, ou pe fer *life skills* ki en programm byen detaye *in itself*.

Akoz ou pou donn zot sa bann kek *skills* ki zot pa'n gannyen, ki zot in deza manke ki zot pa pe gannyen dan lakour.

Mersi mon a les PS William Melanie koz lo sa bout sosyal Mr Chair. Mersi.

MR SPEAKER

Yes PS.

PS LINDA WILLIAM-MELANIE

Mersi Mr Chair. Mersi Onorab pou kestyon. Mon krwar sa kestyon ki ou'n souleve i en konsern ki Lasamble in deza debat lo la, in demann Minis bokou lo la. Nou kontinyen travay avek *Management Vilaz* Prezidan e Departman Lafanmir pou nou kapab vreman war ki solisyon, oubyen ki bann stratezi nou kapab pran pou adres sityasyon.

I plito en pti pe lo konportman, e osi avek bann *staff* vilaz. So travay i kontinyen e nou swete war en amelyorasyon avek bann stratezi ki nou anvi met an plas. Mersi.

MR SPEAKER

Thank you. Onorab Naidu.

HON SATHYA NAIDU

Bonzour. Mersi Mr Chair. Bonzour Minis ek ou delegasyon e tou koleg Onorab. Lo size bann *young job seekers*, parfwa bann zenn i soumet bann konsern poudir bann pozisyon ki ganny *advertise*, zot pe ganny demande 6an leksperyans serten leksperyans, malgre ki zot menm annan en *Masters*.

Alors ki mannyer eski Departman Lanplwa i anvizaze adres sa defi? Lo size lakantite *job seekers* ki'n ganny anrezistre - nou'n ganny dir par anba 500 - wi tou le semenn nou resevwar en lalis, wi.

Me nou pa resevwar lalis bann *job seekers* dan nou distrik akoz ler zot vin war nou zot in dir 'wi mon'n desann pou anrezistre, selman mon pa pe ganny okenn *feedback*'. E se la - pa totalman - me selman en poursantaz mon dakor avek Onorab Gabriel vizavi kestyon ki li in soumet, pou kapab desantraliz sa servis pa neseserman ki i bezwen annan en dimoun dan biro me selman lenformasyon lafason ki i ganny partaze.

An relasyon avek size sosyal, nou tou nou konsyan poudir *whether like it or not* sa ki mon war lo teren, i vreman enkyetan parfwa mon demann mon lekor eski nou pe fer fas avek en kriz sosyal? Wi.

me selman pou *counteract* mon poudir sa ki mon koleg Onorab Henrie in fer resorti nou bezwen senm bann mesaz ki pozitiv. Ler mon pe regard *the performance measures* mon pe war lo size *number of reporting cases* apepre 1400 e nou pe rezourd apepre 300.

Wi annan *approved spending* pou apepre en douzenn si mon pa tronpe mwens *social workers* savedir an tou mon panse nou kapab annan 25 *social workers*. Nou kapab planifye pou lefitir osi, me pou mwan personnelman baze lo sityasyon ki pei i ladan *social workers* pa pou zanmen ase.

Alors *what is the way forward*. Ki mannyer eski Departman Sosyal i anvizaze kolabore avek bann diferan Lazans pou adres bann kartel ki labi zanfan? Nou konnen lo nivo sisyete parfwa dan bann fanmir ou a krwar in vin en norm ozordi e i pa akseptab e nou bezwen rod en fason akoz nou pe koz lo zenerasyon ki pe al vin diriz nou pei demen.

E pou mwan ler mon war 1600 ka ler bann zanfan pe ganny abize i en keksoz ki vreman i fatig mon lespri e mon swe se ki nou kapab ganny *the way forward*. Mersi Mr Speaker.

MR SPEAKER

Mersi Onorab. E Onorab osi i a remarke sa dernyen kestyon i *vast* donk ankor enn fwa mon demann *panel* ler zot reponn pou *summaries* silvouple. So nou a konmans avek lanplwa. PS Baker i konmanse.

PS JULES BAKER

[Type here]

Mersi Mr Chair. Mersi Onorab pou ou kestyon. Mon pou repete ankor ki nou konstate ki i toultan en defi parey tou lezot pei o monn ki *youth unemployment* i reste o akoz i annan sa *issue* mank leksperyans akoz zot pa reisir tenir dan sistenm ledikasyon pou letan ki zot sipoze konplete.

E Gouvernman i annan de programm an plas nou annan SDP ki anplwayer i pey zis 30poursan saler, *allowance* e en Gouvernman i pey 70poursan ankor enn fwa avek bi pou donn anplwayer en *incentive* pou donn sa zenn sans pou antre dan lemonn travay aprann en metye e sa i pou ale ant 6mwan a 18mwan kot sa zenn i ganny en serten *allowance* e Gouvernman i *subsidies the allowance*.

Lo kote *My First Job* menm si sa i en *post secondary graduates* nou Gouvernman i pey 60poursan zot saler, e en anplwayer i pey 40poursan. Sa ankor ki menm si kontinyelman *argue* avek nou poudir sa bann dimoun napa leksperyans, me ki nou fer osi se ki nou ankouraz zot avan nou donn zot en *GOP* pou plas sa bann zenn vizavi sa *GOP holders*;

So plas sa bann zenn vizavi en, en Seselwa ki pli eksperyanse avek bi ki *over a period of 1 year to 2 years* sa zenn in fini ganny sa potansyel.

Sanmenm sa ki ou war nou bann *success rate* bann partisipan, zot reisir ganny en lanplwa vitman apre zot formasyon. Mersi Mr Chair.

MR SPEAKER

Mersi. Minis wi?

MINISTER PATRICIA FRANCOURT

Mersi Mr Chair. Pou mwan pa repet en pti pe lo kote Sosyal Onorab, mon santi ou, ou pasyon ki ou pe dir; mon santi osi sa lapenn ki bann sityasyon ki sa ki nou annan dan nou pei. I *very sad*.

Letan nou koz bann *cases* ki nou pe dir numbers la i bann *cumulative cases*. Ou konnen lannen pase mon ti la ti annan en dimoun i ti demann ek mon fanmir pa sorti ki mannyer i *exit, families do not exit* lo nou database akoz letan ou'n fini travay avek sa zanfan ki 8an, *then* ou pran sa enn ki 14an *then* ou pran manman ki *vulnerable then o upran papa ki vulnerable*.

Zot, zot reste la zot so zot *situation is always very hard in terms of the social issues*, akoz sa bann fleo *whether it's drugs, whether it's lalkol ki nou annan, oubyen breakdown families*.

Yer swar mon pe regard bann *data* bann *family conflict* ki arive dan fanmir, *is one of the highest figures that we have on a monthly basis.* *What is family conflict family conflict is as if papa, manman, ser, frer pe fer konfli dan lakaz right so ler i annan konfli dan lakaz nou konnen nou sa bann issues ki fanmir pe diskit lo la.*

Lekel ki ganny afekte? Sa zanfan ki ganny afekte, be ler i vin lekol i pe plere toulezour; ler i vin lekol poudir *risk* ki in ganny abize *physical, emotional or whatever, it's part of the whole case.*

So bann case, bann cases but the numbers will always be accumulated and social services can continue to work with them.

Tou bann Lazans konsernen. ki ou kapab *imagine* Departman Sosyal pou kapab travay avek, nou pe travay avek.

Nou annan nou sa ki nou apel *NCCP* en *National Commission* pou *Child Protection Committee* ki asize e tou, tou sa Minister tou sa *Agency* tou sa Departman i asiz lo la, lo *very High-Level* e mwan, mon asiz lo la osi.

Pou nou kapab regarde ki mannyer nou kapab fer keksoz vin byen ansanm. En keksoz ki kekfwa mon ti a kontan petet dir zot bann Onorab, mon pou envit zot en zour pas en *few hours* kot Departman Sosyal.

So zot kapab konport zot vreman byen ki mannyer nou louvraz i fonksyonnen, akoz kekfwa nou pa pe fer *justice by speaking here.* So mon met en lapel, *please lannen prosen* vin war nou ler zot annan bann zour ki zot pa la mon ti a kontan fer zot en *tour.* Mersi.

MR SPEAKER

Mersi. Mon *remind* bann Manm nou'n pas letan ki nou ti'n mete pou sa. Mon pe zis fer zot realize ki nou pa kapab *afford* en deba konplet lo problem sosyal dan sa travay ki nou annan la.

So silvouple annou sey fer li mon annan ankor 7 Manm ki annan kestyon. Onorab ou pe demann kestyon oubyen *point of order* ou kwa? Onorab Loze, yes?

HON JOHAN LOZE

Mersi Mr Speaker. Mr Speaker mon pe *seek* ou gidans anba *Order 8* lo konportman e deroulman sesyon Lasamble. Mr Speaker kestyon ki Onorab Naidu in met devan Lasamble i pe eksprim konsern son zabitan dan distrik.

I esansyelman menm kestyon ki Onorab Vidot in met devan Lasamble kot i ti pe eksprim konsern son *constituent* li osi dan

distrik. *The Minister gave a very rude push back to Onorab Vidot, but at the same time in deklar Onorab Naidu konman passionate, i rekonnet son pasyon.*

Mr Speaker nou tou nou la pou travay. *United Seychelles* nou pe fer menm louvraz ki *LDS* pe fer. Nou rekonnet zot zefor, zot pasyon e zot travay *at that* menm enstan, *we are not going to sit here without protest and be treated lafason* ki Minis pe tret nou bann Manm! Mersi Mr Speaker.

MR SPEAKER

Mersi. Bon nou avanse lo kestyon. Silvouple gard kestyon *focus* lo Bidze. Onorab Arissol - Sandy.

HON SANDY ARISSOL

Mersi Mr Chair. Bonzour tou bann Manm. Bonzour tou dimoun. Mon krwar lafason ki nou adres Minis osi mon krwar i enportan - so -dan nou deliberasyon.

Mr Speaker mon ti a kontan premyerman felisit Minis avek ou bann zofisyen pou travay ki zot in fer. Parfwa i annan travay ki zot fer ki nou pa konnen. Mersi pou sa travay ki zot in fer.

Mon ti a kontan felisit osi Madam Linda William dan son kapasite konman *PS* an relasyon avek Sosyal, kantite problem nou annan e parey ou'n dir ek nou, nou pa pou kapab *deal* avek, me selman nou apresye travay ki zot pe fer kot Sosyal.

Mon *social worker* i apel Marie Antoinette Labiche - *lovely girl* pe fer travay ekselan pou Bel Ombre. Mon kestyon i lo *program 2* Mr Chair lo *labor protection* mon annan mwan 3 kestyon.

Mon premye kestyon mon ti a kontan demann Minis parske mon'n tann mazorite bann Manm in koz lo la, se an relasyon avek bann *HR* dan bann landrwa travay. Bidze pe fer provizyon ki mon pe donn zot se - parske bann zenn i vin kot ou letan zot desann zot al fer zot *interview* - pa blyie zot pa travay zot, - zot bezwen anmenn portre paspor, zot bezwen fer *photocopy* serten dokiman.

E letan zot in fer tou sa demars zot arriv laba zot vin fer zot interview napa larepons ki ganny donnen, pou dir ek li aret espere fer en lot demars parske nou pa pe pran ou.

I kontinyen espere, i espere ziska *amen*, e li i pa bouze dan son lavi. Alor eski sa Bidze pe permet ki i annan en travay ant ou Minister ek tou bann *HR*, pou zot annan sa komunikasyon avek bann zenn, oubyen nenport ki dimoun menm sa dimoun 58an dan distrik Onorab Audrey - pou li kapab ganny en plas travay?

Mon dezyenm kestyon Mr Chair, mon aprann Minis ou ti dan, ou ti dan enn lotel dan distrik Bel Ombre ou avek ou zofisyé, an relasyon avek rapor ki zot ti gannyen oubyen i annan vizit ki zot in fer *in regards to* bann lotel par egzanp kot zot in vizit bann lotel an relasyon ek bann lensidan ki pase.

Ou konnen nou annan bann gran lotel dan pei ozordi e Bel Ombre nou annan nou, nou en distrik ki annan kantite lotel, e bann travayer Seselwa anvi ki *program 2* i koz *labor protection*, zot konplent an relasyon avek lensilt.

Kalite tretman ki zot gannyen avek bann travayer etranze, sirtou lo nivo *Management*, alor mon kestyon ki mon ti a kontan demann ou, eski Bidze i fer provizyon pou ki bann zofisyé - bann gro *high official* dan sa bann gro lotel la, ki penalti ki annan pou zot dan sa Bidze anba ou Minister?

Parske souvandfwa sa penalti i al pou sa travayer, me napa nanryen pou sa bann gro etranze ki antre dan nou pei e zot kontinyen maltret nou Seselwa lo nivo lotelri. Mon trwazyenm e mon dernyen kestyon Mr Chair, mon ti a kontan demann Minis eski Minister Lanplwa ek Minister Imigrasyon i annan en travay ki zot pe fer an kolaborasyon zot 2 pou asire ki bann etranze ki antre dan nou pei pou travay, zot pe vreman fer sa travay ki zot in antre dan pei pou fer?

Pa 8er 4er i pe fer, i pe fer gardyen en lot landrwa, apre ou war li dan en *take away* aswar pe fer lot louvraz. Eski i annan en travay ki pe ganny fer pou asire ki kalite e kantite etranze ki pe antre dan nou pei pe ganny *monitor* e pe ganny fer en travay byen? Mersi bokou Mr Chair.

MR SPEAKER

Minis wi.

MINISTER PATRICIA FRANCOURT

Mersi Mr Chair. Mersi Onorab. Onorab mon a pran sa bout ki ou pe koz lo bann *Managers* dan bann lotel bann *expatriat Managers* dan bann lotel ki nou bann travayer annan de fwa pe ganny pa mal problem avek.

Wi mon ti fer vizit *recently* e mon manda se pou fer vizit dan tou landrwa travay, e zisteman akoz nou ti pe ganny bokou konplent, ki ou war mon pe deplase mon al lo teren pou mwan regarde ki pe pase.

Mon kontan ler mon al fer sa bann vizit, mon pa mars ek *Management* mwan, mon mars ek travayer *so that I can listen to*

what they are saying. E tou le de sa landrwa ki mon ti ale travayer ti asiz avek mon pou met keksoz lo latab.

Me toultan mon dir ek zot e mon toultan dir dan Lasanble osi, zot dir mon *verbally* sa ki donn mon *weight* pou mon kapab fer en keksoz lo la, si mon bezwen en keksoz an ekrir. E mon kontan la aprezan ki mon ganny plis.

E zisteman sa bann lotel ki mon pe koz lo la *other establishments*, nou pe ganny dimoun ki pe met keksoz an ekrir. La mon *generate* nou *inspection team right*, nou annan plis ki 400 *inspection visits* ki nou'n fer ziska la.

I *manpower in itself*, pou ou tir dimoun zis pou al fer vizit lo tou konstriksyon, lagrikiltir, lotel lo bann zil *we don't have that kind of manpower* me selman nou travay *as much as nou can*.

Be bann ki vin priyорite e bann ki vin *urgency* nou prioritiz nou fer sir bann dimoun i ale. Mon *hold to task* sa bann *expatriats* ki vin Sesel ki pa pe travay oubyen konpran nou kiltir oubyen travay avek nou dimoun byen.

I *hold them to task by asking them to come in*, akoz mwan, mon fini mon louvraz pou mwan met keksoz devan zot. E zot *GOP is always unstable* - ou konnen i pa vedir akoz ou'n vini la 2an ou pa pou sanz ou, ou fason travay pou fer li vin pli byen, adapte en pti pe kiltir.

I annan keksoz ki nou, nou ti war dan bann vizit nou ti dir non, non, non sa pa normal *has to stop*. E mon war letan nou ale oubyen *inspection team* i ale, zot arete.

Be selman toultan nou pa tandé nou pa war, i pa fasil pou nou zis travay lo la. So again mon *plea* avek piblik *out there is* rapporte, rapporte, rapporte, rapporte! Mon war piblik tou le semenn, met ou apwentman, vin war mwan, fer mon konnen met an ekrir *call we will act on it*.

Nou - mon pa dir nou fer tou, me selman nou bi se pou fer tou. E mon krwar bann etranze ki vin travay dan nou pei, zot bezwen annan en respe total pou nou bann travayer. Zot bezwen konpran nou kiltir, zot bezwen konpran osi *what they can do and cannot do*.

So pou zot annan sa fason pou zot adapte, se sa ki letan zot vini nou, nou demande pou fer en *meeting* avek zot - en *courtesy meeting* ou en *induction meeting*. Kot mon asiz avek tou mon seksyon dan departman e mon fer zot konpran poudir Lalwa Lanplwa i dir sa, sa i ava vin dan *labor relations*, sa i a vin dan *welfare section* ki nou edik zot pou zot konpran.

Akoz i annan de fwa kot zot sorti *it doesn't work like that*. So mon pou kontinyelman dir poudir si en travayer i pe santi i pe ganny *mistreated*, oubyen i annan keksoz ki pe arive pa devret arive, *bring it to our attention* i enportan. Mersi.

MR SPEAKER

Mersi. Bon i reste mon en bonpe entervenan nou pou pran en poz la e nou a repran travay 11er10. Mersi.

(BREAK)

MR SPEAKER

Nou a repran kestyon avek Onorab Lemiel.

HON SYLVANNE LEMIEL

Mersi Mr Chair. Bonzour Minis avek delegasyon, tou dimoun a lekout. Mr Chair enn mon kestyon Minis in tous en pti pe lo la akoz mwan, mon pe mazin dan enn zot bann priyorite stratezik, kot zot in dir zot le *increase* lo lakantite Seselwa, li menm ki pa pe travay parey mon bann lezot koleg in koz lo la.

Me selman Minis ler ou'n tou lo la dan larepons Onorab Gabriel, ou'n nonmen ki wi zot ti pe mazin pou fer *decentralise* par egzanp *job fairs*.

Mwan, mon pou met en lanfaz lo la sa i enportan i devret ganny fer e mwan, mon ti le konnen mon kestyon dan Bidze 2023, eski ou annan en konponan ki petet la zot pe, zot pe diskite.

Me eski ou annan en konponan larzan dan Bidze 2023 ki *at least 1 - 1* lo en nivo rezyon petet i ganny fer, e ler i ganny fer petet kot zot envit bann biznes ki *around* dan sa rezyon dan sa distrik ki zot osi zot vini zot fer en pti pe promosyon.

E ankouraz zot pou anploy Seselwa *instead of* al rod etranze pou zot met dan zot landrwa travay.

Mon lot kestyon i ti pou Departman Sosyal;- Departman Sosyal mon war enn zot priyorite stratezik se ki zot ti le met an plas en *family service facility*.

Mon kestyon la i se ki i ti pou parey en *sort of a one-stop shop*. Dan Bidze 2023 Minis, eski pou annan larzan dan Bidze ki pou dedye a sa servis ki zot pe mazin donnen ?

E si wi mon pe mazinen ki konponan sonm larzan dan Bidze ki zot pe mazin met dan sa servis, eski i en servis kot zot pou bezwen met li dan en lokasyon prive? Pou annan *rent* pou sa

alokasyon, petet ti a bon nou ganny en pti pe plis detay an term bidzeter ki kantite zot pe pran pou zot kapab fer sa *one-stop shop* servis? Mersi.

MR SPEAKER

Thank you. Minis.

MINISTER PATRICIA FRANCOURT

Mersi Mr Chairman. Mersi Onorab pou ou kestyon. Wi mon krwar dernyen fwa osi ler mon ti vin dan Lasanble mon ti dir poudir sa bann *job fairs* ki nou ti fer lo Praslin apre nou'n fer lo La Digue, nou pou repete dan bann *regional districts*. So definitely sa i lo nou azanda.

E wi mon krwar nou pou konmans kot ou menm laba premye, because mon konnen demann i for - sirtou dan sid. I en *good model* sa *it's inviting tou stakeholders, partners but also bann ki pou advertise zot bann vacancies* sirtou dan sid, pou zot kapab fer sa.

So this is the model that has worked. Nou ti annan plis sikse lo Praslin, akoz La Digue mon krwar tou dimoun ti pe travay. So nou pa ti'n ganny bokou dimoun – *whereas* - Apre nou'n anmenn Lazans antye Minister antye. I pa zis Lanplwa, i Sosyal i ASP all together, so that's the model that we are going to do. Mersi.

MR SPEAKER

Dezyenm pwen PS Social Affairs.

PS LINDA WILLIAM MELANIE

Mersi Mr Chair. Mersi Onorab pou sa kestyon. I donn nou sa loportinite pou nou eksplike ki nou pe *mean by* sa stratezi. Parey nou konnen problem i partou li e i annan diferan partner, antite ki pe travay avek bann problem ki tous lafanmir.

Me selman sa ki nou, nou konstate dan Departman Zafer Sosyal akoz nou deza annan nou travayer ki fer *On-call*, ler nou annan *children's helpline* oubyen annan bann lezot demann ki Lapolis pe *call* nou ki annan bann sityasyon fanmir.

E parey nou konnen *domestic violence* i ariv aswar li. Sa bann konfli dan lafanmir i ariv aswar, ler tou dimoun i dan lakour. E nou, nou pe revwar nou fason travay, akoz in ariv en pwen pou met nou lo menm nivo parey enternasyonalman, kot i annan landrwa kot dimoun i kapab ale pou ganny sa servis, letan i bezwen.

Ler nou'n koz sa *family crisis intervention center* i wi pou en *one-stop center* akoz nou bezwen reponn lo labi zanfan, nou bezwen reponn lo kad vyolans domestik. E nou pe war apre ler travay, en *social worker* - mon kontan donn sa legzanp dan landrwa pli lwen i reste Morne Blanc i *On-call* i bezwen sorti aswar kot li, pou li al asiste lapolis avek en zanfan.

So nou dan nou stratezi se ki i bezwen annan en landrwa ki ase santralize pou Sesel, i pa pou Departman Zafer Sosyal mon'n dir. Ki nou kapab annan Lapolis, travayer Sosyal akoz nou'n fini konmans sansibiliz nou travayer nou bezwen osi pe antre konman en *shift system*. Ki nou annan sa bann travayer ki *On-call* apre ler ki zot konnen zot pa bezwen al dan lakour apre 8er 4er, apre reste *on call*.

Nou ava annan en group ki pou travay dan sa fasilite ki nou ankor an diskisyon avek nou bann *partners*. Parey Minis in dir nou'n diskit ek Lapolis.

Nou'n diskit avek Ledikasyon nou'n zwenn avek Minister Lafanmir Lendi la nou annan Minister Lasante ki bann partner kle ki *deal* avek tou sa bann sityasyon kot nou travayer ansanm ek Lapolis, zofisyen Lasante, kot i a neseser i ava annan sa landrwa kot nou kapab pli byen reponn bezwen nou bann piblik.

Nou bann dimoun ki dan detres, me parkont i napa en Bidze spesifik pou lannen 2023, akoz nou deza annan serten larzan *rent* ki par egzanp nou pe travay avek Lapolis, *the Child Protection Unit* ki son Bidze i anba pou nou.

Kot nou pey *rent* koz zot ete *Unity House*, so nou ler *SIA* nou'n travay avek zot nou war si i annan en lokasyon santral ki nou kapab gannyen alternativ, ki nou kapab *convert* i ava deza annan en pe larzan.

Me tou bann zofisyen bann travayer i la dan tou bann lezot antite, Lapolis i la travayer Sosyal i la, zis pou nou anmenn sa servis anba en sel twa. Ou konpran? So vwala en pti pe nou stratezi pou nou si oule vreman reponn bezwen, nouvo bezwen ki nou war dan sosyete atraver bann diferan problem ki lafanmir pe fer fas avek. Mersi Mr Chair.

MR SPEAKER

Mersi PS. Onorab Cosgrow.

HON WALLACE COSGROW

Mersi Mr Chairman. Bonzour Mr Chairman. Mr Chairman mon premye kestyion an se ki konsern *program 2 labor protection* dan

Bidze Minister Lanplwa. Annefe sa, sa program in ganny li 8milyon 222, 228milyon R8milyon 228mil.

Anvi bann differan *issues* ki'n leve dan Lasanble Onorab Arissol in koz lo bann *issues*, dan landrwa travay bokou Manm in koz lo *issues* dan landrwa travay i en keksoz ki sorti bokou parmi bann Manm piblik, en.

Prezan mon pe gete mon war en logmantasyon dan *wages and salaries*, eski sa logmantasyon i zis logmantasyon pou sa 10poursan ki, ki Gouvernman pe donnent?

Or eski zot annan plan pou rod plis *labor inspectors* pou kapab *deal* avek sa *magnitude of problem* ki deor sirtou dan landrwa touristik bann landrwa konstriksyon lagrikiltir. Kot i annan bann *issues* ki dimoun pe leve bann problem travay?

E eski zot pe osi mazin met novo larzan pou revwar en pti pe *Scheme* sa bann manrmay ouswa revwar *package* sa bann travayer ki dan sa seksyon?

Akoz ou'n dir Minis ou menm ki zot fer over 400 *labor inspection* e posibleman si nou pou entansifye pou fer plis, so eski ou pe revwar zot *remuneration package* or eski ou pe azout plis *staff* avek zot, pou zot kapab *tackle* sa bann *issues* dan landrwa travay.

Mon dezyenm kestyon i enn ki konsern – (les mwan zis met mon zafer en pti kou on) - enn ki konsern *Labor Force survey*. Now due to 2022 *labor force survey result* ki ti sorti i montre ki i annan en gran disparite dan saler sekter Gouvernman e parastatal an konparezon avek sekter prive?

La mon pou donn ou 2 *figures* Minis *average earnings* saler dan sekter prive i 13mil625 e *average earnings* dan sekter Gouvernman i 18mil044. So i annan en disparite aepre R4mil419 to be exact ant lapey Gouvernman avek lapey sekter prive.

E sa mon ti fer sorti dan mon ladres Bidze avek Minis *is this not enough proof* - nou pe koz statistik ki ozordi travayer sekter prive i merit en serten logmantasyon pou tir sa disparite ant zot avek sekter parastatal ek piblik.

E ki pli bon fason se pou revwar *minimum wage regulations*. Eski zot pe anvizaze met devan Gouvernman konman sa Minister ki fer Polisi lo *wages*.

Esaki zot anvizaze met sa devan Gouvernman, pou zisteman ferm sa *gap* ant sekter prive ek sekter Gouvernman. E dan menm laliny mon trwazyenm kestyon Mr Speaker baze lo sa statistik ki devan nou la, eski zot konman Minister ki *deal* avek *wages*, ki *deal*

avek Polisi Lanplwa, zot pare pou met devan Gouvernman ki tou travayer Seselwa i ganny zot 13enm mwan saler plen?

E ki osi sa *increase* 10poursan i ganny fer *effective* depi Zanvye non pa Avril parey in ganny anonse pou ki nou kapab tir sa bann disparate, e fer sir ki travayer Seselwa i kapab benefisyé an 2023. Mersi Mr Speaker.

MR SPEAKER

Mersi. Onorab i ensiste retourn lo pwen 13enm mwan saler e kestyon in ganny demande plizyer fwa, in ganny reponn plizyer fwa. Minis kestyon in ganny demande, mon pou zis demann nou pa pas bokou letan lo la si zot annan en keksoz pou azoute me selman annou fini ek sa size. Mersi Minis pou konmanse.

MINISTER PATRICIA FRANCOURT

Mersi Mr Chair. Pou fer li vreman kourt, mon napa nanryen pou azoute lo la? Mersi.

MR SPEAKER

Thank you. PS ou annan lezot kestyon - lezot pwen dan sa kestyon.

PS JULES BAKER

Mersi Mr Speaker. Mersi Onorab pou ou kestyon. Onorab mon pou repet ankor parey ou konnen ou'n travay dan Departman Lanplwa, diferan pozisyon ou konn byen bann defi ki Departman Lanplwa i fer.

Ki pa neseserman i annan zis pou fer ek mankman *staff*, me i annan pou fer avek *the general* lendistri lekonomi li menm. Pou reponn ou kestyon an term Bidze, wi sa bann logmantasyon i annan pou fer avek logmantasyon 10poursan pou travayer aparti Avril.

E osi i annan pou fer avek mandatwar 50poursan 13enm mwan e osi *bonus* pou ganny peye. Sa akoz sa logmantasyon dan sa i pa i napa okenn rekonmandasyon dan sa ki konsern *extra staff* dan sa pou sa departman an se moman.

Akoz an 2019 nou ti ganny nou 19 pos avek Minister Finans ki ti ganny aprouve, pou nou *tackle* nou bann problem ki annan. Onorab sa *issue challenge* ki annan lo *labor market* ozordi an term bann anplwayer ek travayer, i reste en defi parey nou'n mete dan nou, dan nou *strategic* Polisi e i bann defi ki nou pou adrese dan nou *strategic plan* ant 2023-2027 baze lo Bidze ki'n ganny *allocate* avek nou.

Scheme of Service pou bann travayer, sa i en size mon krwar ki dan Lasanble in ganny debat lo la Minister Finans in *regarding Scheme of Service*. E mon krwar Gouvernman pe reget total saler dan Gouvernman an zeneral, e mon pa pou krwar i en moman la ki mon pou koz *Scheme of Service* la apropriye pou *Employment Department*. A en moman mon mazinen ki Minister Finans i ava komunik lo la.

Sa ki pli enportan pou nou se ki nou rod pli bon fason pou nou kapab travay. Fodre dir Onorab se ki nou travayer lenspeksyon i travay en kantite. E i travay dir menm apre ler travay. I annan de fwa kot nou ale ziska 12minwi, 1er bomaten pou al rezourd problem lanplwa dan pei. E sa bokou fwa parey ou konnen *Employment Department* i anploy bokou madanm.

E nou eksposz nou madanm dan sa bann ler koumsa pou al kapab ed bann sityasyon. Tou resaman nou'n annan en sityasyon vreman difisil kot nou'n bezwen deplway nou bann madanm Imigrasyon, nou bann madanm Sosyal pou al rezourd problem.

Zis pou azout en pe lo *case* Onorab Arissol ki nou pa ti ganny sans reponn, i annan en travay ki nou pe fer lo sa sityasyon *GOP* pou travayer Seselwa avek travayer etranze dan Sesel.

Me sa i bann lenformasyon ki nou pa kapab devwale pou le moman, me a en moman donnen nou kapab *brief* Lasanble lo sikse sa. Lo kote *HR* wi nou annan en *HR forum* an egzistans, me i vre ki nou pa'n reisir *meet* pandan sa dernyen lannen, akoz pou plizyer rezon *challenge* ki nou pe fer fas avek e lannen prosen i dan Bidze.

Nou annan en provizyon dan Bidze ki premye kar lannen prosen, i annan en demann ki bann *HR* pe demann nou pou nou rezourd sa problem *referrals*. Nou konnen nou i annan en problem *referrals* - wi. Nou kapab dir ou wi nou annan *referrals* pou 5 fwa par personn ki nou refer kot landrwa travay, ki pa neseserman nou ganny *feedback* ek bann anplwayer. Sa bann sansibilizasyon ki nou pe met lanfaz lo la avanler ki nou *issue* okenn *GOP*.

Lo kote *Labor Market Force survey* Onorab *earnings* dan nivo nasyonal pa al ganny kontrole par Departman Lanplwa. I ganny bann lenspeksyon ki pe al ganny fer par *NBS*. E i vre ki i montre ki dan sekter Gouvernman i plis ki sekter prive.

Ou'n koz lo *minimum wage, salary structure* e sa i en konversasyon ki kapab ganny met devan. Me pou le moman napa okenn lentansyon pou ki i annan okenn revizyon dan *minimum wage* a sa moman donnen.

Me sa ki kler ki nou, nou pe fer se ki esey nou mye atraver nou lokalizasyon atraver nou programm *mentorship*, ki nou annan avek nou bann *Shannon graduate*, e menm atraver bann *GOP* ki nou gannyen bokou fwa bann anplwayer zot pa oule menm, zot pa oule onor zot lobligasyon.

E nou refize donn zot *GOP*, toultan zot pa reviz saler bann Seselwa ki pe *understudy* zot e sa i mars tre byen parey Minister in dir. Kot nou met nou lipye ater, nou dir “sa i pa enplimante nou pa pou donn ou.”

So basically i annan sa konprenezon k nou pe fer, e en legzesis pou reviz saler dan pei, sa i ava ganny fer a en moman donneen lannen prosen. Mersi.

MR SPEAKER

Mersi. Onorab tou ou kestyon in ganny reponn mon pa pe pran siplemanter. Mon a pran kestyon Onorab Aglae. Onorab Aglae ou annan kestyon? Onorab mon'n ekout ou kestyon - mon'n ekout repons ou'n ganny tou repons ki annan. Onorab Aglae ou kestyon.

HON EGBERT AGLAE

Mersi Mr Speaker. Bonzour Minis ek le 2 PS e lezot Manm ou *panel* e tou Manm ki a lekout. Mr Speaker mon swete ki Minis i reponn mwan dan en fason ase kalm, pa bezwen agresiv.

Minis premye kestyon mon ti a kontan petet demann ou kot i konsern *Social Affair* kot i konsern travayer Sosyal. E mon war dan Bidze i annan Bidze pou *training*, mon ti a kontan petet demann ou kot i konsern *welfare* bann travayer Sosyal, angiz ki ozordi la kalite travay kalite defi kalite *challenges* ki bann travayer Sosyal i fer fas avek, i double ouswa triple.

Eski dan sa laliny Minis, ou pe mazin osi war bann *incentive* ki atase ki donn bann travayer Sosyal, akoz mon santi poudir travayer Sosyal osi pe ganny gete parey ozordi nou pe get ners, nou pe get dokter nou pe get bann zofisyen *teachers*, Ledikasyon.

Baze lo travay ki zot annan pou fer i bokou, eski zot pe mazin war bann *incentive* ki bann travayer i gannyen? Sa i enn.

Dezyenmman, osi i annan sa *training* ki ti pe konmanse, mon pa konnen si i egziste en programm kot bann ki anvi pran en karyer dan travayer Sosyal avek *Unisey*, ti annan en programm.

Eski i annan sa *course*, ki ti pe egziste ki ti pe ganny ofer pou bann ki anvi al en karyer dan Sosyal? Dezyenm kot i konsern, trwazyenm kot Lanplwa Minis ou'n nonmen ki ou annan bann defi kote *recruitment*.

E mon santi mwan en pti pe konsernen, akoz dan *Mid-year Review supplementary* Departman Lanplwa ek Sosyal ti annan en kopo R2.5milyon baze lo pa'n kapab fer *recruitment*.

So deside la konman en Minister ki ou osi angaze, pou annan bann *recruitment* partou, ki travay ekstra ki petet ou pe fer pou ou kapab *at least* lannen prosen, nou pa war koupir dan *recruitment* ki ou kapab ganny sa bann *staff* ki ou dir ou manke.

Ki ou kapab anploye, pou zot kapab fer travay pou ed bann lezot departman prive konman Gouvernman, pou osi kapab ganny travayer *recruit* ki zot merite? Mersi.

MR SPEAKER

Mersi Onorab. Minis bann premye kestyon i pou Sosyal apre enn pou *Employment*. Mon a pas kot *PS* wi. *PS*.

PS LINDA WILLIAM MELANIE

Mersi Mr Chair. Mersi Onorab pou kestyon. E mersi pou rekonnet valer travayer Sosyal ek sa kantite defi ki zot fer fas avek, parey egalman ki lezot Onorab i santi.

Kot i konsern nou bann travayer otan ki posib nou fer sa ki nou kapab parey ou dir get dan zot *welfare*. Me parkont nou konnen i annan bokou lekspektasyon lo *incentive package* ki konsern avek saler.

E parey zot konnen Lasanble i konnen nouvo stratezi *PSB*, se ki zot osi a lavenir pou get en pti pe bann *Scheme of Service* ki annan.

E byensir letan sa legzersis i arive pou nou departman nou ava war egzakteman ki mannyer e ki Minister Finans i kapab anmennen, pou nou kapab revwar *package Scheme of Service Social Worker*.

Me selman parkont an term bann sipor - sipor ki nou bann *social worker* i gannyen mon kapab dir avek Lasanble poudir, nou annan ase lankadreman ki nou kapab donn *social worker* nou bann sipor kot nou kapab *mentor* zot.

E kot ou pe koz lo formasyon nou fer bann formasyon *in-house* apre osi i annan formasyon ki nou pe fer avek *NIHSS* sa *continuous professional development* e osi bann nouvo *course* pou nou met nou bann *social worker*, ki annan *Diploma* pou zot kapab al *Unisey* pou zot kapab fer zot *Degre*, oubyen bann *Masters*.

So sa bann programm *in-house* dan nou Bidze, i annan me kot i konsern *training*, ki i tonm anba Minister Ledikasyon vizavi avek Lasante pou *NIHSS*.

Sa course i ankor *ongoing* pou bann zenn ki anvi fer sa profesyon. Mersi Mr Chair.

MR SPEAKER

Mersi. Dernyen pwen Minis, wi.

MINISTER PATRICIA FRANCOURT

Mersi Mr Chair. Mersi Onorab. Ou'n koz ek mon vreman dous, vreman kalm, so mon pou reponn ou vreman kalm. So, pou *recruitment* pou lanplwa, ou'n byen dir Onorab mon krwar ou avek mon nou'n *have discussions* dan plizyer rankont ki nou'n zwenn *about* bann difikilte, e ki nou annan pou *recruitment* e travayer.

E nou *advertise* parey tou Minister i fer - zot *advertise* e nou depan lo *response* ki dimoun pou fer letan pou *apply*. Me selman realize ki bann louvraz ki demande kot Departman Lanplwa i *quite technical*. E *competencies* osi i zwe en gran rol *in the sense of quality* sa dimoun pou gannyen.

Mon pa tro *believe* ki nou zis *recruit for the sake of recruiting*. You have to have the right people that you recruit and make well. Nou pe al dan *productivity*, nou pe al dan *performance* otherwise nou pou annan zis *dead weight* parey nou dir. Sa i enn.

Where the people apply kekfa ler zot war sa *job description* oubyen *duties they don't*. So si zot *apply* e nou war i annan potansyel, *of course we will give training*.

Annan de fwa osi nou war mouvman dan bann Minister ki ou'n *recruit* apre i sorti i al dan en lot. Ou konnen *for many reasons* - nou napa *control* lo la. I annan i kommanse parey mon dir apre i pa fini.

So tousala i bann kontrent e mazinen osi *again it's the same group of people* ki nou pe travay avek. So *again* i montre sa *shortage of skills, competencies* ki nou bezwen *we still have a shortage*.

Me selman vre se ki tou bann pos ki nou demande, nou kapab ranpli pou fer en gran diferans. Mersi Onorab.

MR SPEAKER

Mersi. Onorab reste lo klarifikasyon silvouple, annou al vitman.

HON EGBERT AGLAE

Yes Minis. Mon a demann ou mersi pou ou larepons. E mon a demann lo sa Minis, mon konnen poudir i annan en kantite travay ou bann *staff* tou le 2 departman in fer dan lepase sirtou dan letan

Covid e mwan, mon plede ki donn zot, zot full 13enm mwan saler.
Mersi.

MR SPEAKER

Mersi Onorab. Minis in tann sa rekommandasyon. Onorab Adelaide ou kestyon.

HON FRANCOIS ADELAIDE

Mersi Mr Chair. Bon bonzour Minis avek ou delegasyon. Dabor Minis mon zwenn avek mon koleg Onorab Arissol, pou felisit ou avek ou departman pou sa bon travay ki ou pe fer. Sa ki pa war ou pe fer travay i pa war, i pa war kler ouswa mon pa konnen. Be selman mwan, mon trouve ki ou pe fer e nou felisit ou pou sa.

Dezyenmman, mon oule felisit Madam William mersi pou sa bann kolaborasyon ki nou annan dan distrik. Ou'n vreman ed mwan e esperon ki lot lannen nou a kontinyen dan sa lo sa laliny.

De pti kestyon Minis, '*equal work equal pay*', eski i ankor lo zot azanda petet pou nou kapab promote? Dezyenm mon oule en leklersisman korek *in regards to sa minimum wage*.

Mon santi ki Seselwa par ler - bann Seselwa sirtou ki bann sirtou ki lo *minimum wage*, i ganny en pti gin, afekte akoz ler ou anploy en etranze, ou donn li petet ou pey son lasante, manze, landrwa reste, *airline ticket*, transpor.

E li sa Seselwa li ki lo *minimum wage*, i pa pe gannyen tousala li be selman li osi i pe travay pou preski menm saler. Eski petet ou kapab eksplik sa Lasanble, eski i obligatwar pou ler ou pey travayer etranze *minimum wage*, ki ou *exceed* ou donn li tou sa bann soz i form parti dan son *minimum wage*, tou an prezervan dinyite sa travayer? Mersi.

MR SPEAKER

Mersi. PS Baker?

PS JULES BAKER

Mersi Mr Chair. Mersi Onorab pou ou kestyon. Vitman wi '*equal pay for all equal value*' i reste lo azanda Departman Lanplwa, Minister an zeneral. E osi ki Sesel i en Manm konvansyon *ILO*, ki gouvern diskriminasyon dan travay e lokipasyon.

E sa i en size ki ankor i dan nou *strategic plan*, ki nou pou ki dan Bidze osi pou nou fer sir ki *the maximum* ki en travayer ki annan menm kalifikasyon, menm leksperyans, menm *expertise* ki i kapab ganny menm saler avek sa travayer etranze.

Ouswa avek sa menm travayer Seselwa, ki menm nivo avek li. Ouswa son *gender* osi i zwe en gran rol. Parfwa nou zonm avek madanm i annan sa diferans ki nou pou kontinyelman, *pursue* pou nou elimin posibilite diskriminasyon.

E sa i en size ki pe ki pou tonm osi anba revizyon Lalwa Lanplwa lannen prosen, ki ou pou war en diferans ladan Onorab.

Lo kote *minimum wage* wi *minimum wage*, i aplikab pou tou travayer dan Sesel, enkli travayer etranze travayer Seselwa. Wi i annan depans ki anplwayer i fer plis pou travayer etranze, akoz ou bezwen donn li lozman, akomodasyon, donn li lozman, elektrisite, delo e tou sa.

E me se ki pli enportan se ki *minimum wage is paid for number of hours worked per day or per week*. Ki i pa devret enkli lezot benefis an adisyon. Wi sa i bann size ki'n ganny leve e anba nou *National Migration Labor Policy*, i annan en stratezi ki nou pou bezwen rod en fason ki mannyer nou pou *deal* avek sa sityasyon.

E nou ava enform Lasamble *by next. Next year* dan nou proze stratezi ki mannyer nou pou rezourd sa *issue*. *Thank you Mr Chair.*

MR SPEAKER

Thank you PS. Konmsi mon'n sot Onorab Gill ankor enn fwa Onorab pa bokou selman en. Onorab ou kestyion.

HON CHURCHILL GILL

Mersi Mr Chair. Non, mon napa bokou, mon annan zis 2. Bonzour Minis ek ou delegasyon. Mon premye kestyion, Minis parey nou konnen dan ou manda 1 fwa par semen ou war dimoun piblik i ganny loportinite pou war ou.

E an menm tan dan ou Bidze i annan *domestic airfares* ki mon konnen ler ou vin ou bann vizit ou servi. E mon pe demande lo *behalf* bann dimoun Praslin ek La Digue, ki zot ganny sa posibilite pou, pou zot osi kapab ganny sans war ou me selman pa menm *frequency*.

Ou a deside lo ou *schedule* si en keksoz i kapab ganny fer 1 fwa par mwan oubyen 2, 1 fwa tou le 2 mwan. Me selman mon pe demande ki dimoun Praslin, La Digue a ganny akord menm keksoz.

Rezon pou sa se si zot, zot pou rod apwentman pou vin war ou isi Mahe, zot, zot pou bezwen pey bato ale retour pey transport ler zot in ariv isi pou ariv kot ou lofis, apre ler in fini war ou menm, menm prosedir.

Whereas si mete zot ganny sa loportinite dan sa sityasyon kot nou ete, i ava ed zot pou zot koup sa depans. Mon dezyenm kestyon, ler nou ti pe pas Lalwa 13enm mwan lapey, ti annan en bout osi ladan ki ti dir, si en landrwa travay napa sa sistenm appraisal then otomatikman i bezwen peye.

Mon kestyon se lekel ki pou *monitor* sa, ki ler i pou annan sityasyon ki en landrwa travay pa fer sa, *then* sa bann dimoun ki ganny ekspoze ek sa ki dan zot dezavantaz ki mannyer sa pou ganny adrese? Mersi.

MR SPEAKER

Thank you. Minis, wi?

MINISTER PATRICIA FRANCOURT

Mersi Mr Chair. Mersi Onorab. Onorab mon bezwen felisit ou pou ou distrik osi. Letan mon get mon lalis nou'n fer *survey* ti annan 113 dimoun ki ti pe *look* pou louvraz la konmela nou annan zis 33.

So this is great for Praslin pou tou le de Onorab osi Woodcock. I montre poudir zot pe fer en gran zefor to push people into jobs. Felisitasyon. So wi, mon kapab konsidere sa ki ou pe dir mon krwar i mon believe dan inclusivity;- mon believe in inclusion why not? I think it's a very good idea. Petet mon a monte mon ava al fer sa survey osi laba.

Selman mon gannyen dimoun ki vin Mahe osi pou war mwan *but I can consider in* mon bann vizit ki mon fer ler mon fer sirtou Praslin e La Digue. E petet fer li en pti pe pli souvan, *but that's very good, thank you.*

Si pou sa bout ki ou'n dir si they don't have the system in place and they have to pay. If they don't pay then they have to lodge a grievance kot Departman Lanplwa. Mersi.

MR SPEAKER

Mersi. Onorab Pillay.

HON SEBASTIEN PILLAY

Mersi Mr Chairman. Bonzour Minis ek ou delegasyon. E bonzour tou dimoun ki a lekout. Bonzour tou koleg Onorab. Mr Chairman avan mon demann mon kestyon mon le prefas mon kestyon avek 2 pwen ki mon ti a kontan klarifikasyon lo la.

Nou pe diskit Bidze Minister Lanplwa, korek? La e Minister Lanplwa ki ansarz tou Polisi Lanplwa dan nou pei e li ki fer sir ki bann Polisi Lanplwa i ganny enplimante. 2 Polisi ki Gouvernman

in anonse mezir;- enn, se 10poursan logmantasyon saler e lot Polisi ki Gouvernman in anonse se an relasyon avek 13enm mwan saler.

13enm mwan saler, se zot menm antite ki ansarz sa Lalwa. So premye kestyon ki mon annan pou demann zot an relasyon avek 13enm mwan saler se, konbyen landrwa travay ki zot, zot in lyez avek ziska la?

Oubyen konbyen landrwa travay ki bann landrwa travay sirtou dan sekter prive, pou war ki zistans zot ete avek preparasyon peyman pou 13enm mwan saler pou zot travayer? Eski zot in fer sa travay oubyen, eski zot pa ankor fer sa travay?

Mon dezyenm kestyon, prezan an sa ki konsern sa 10poursan logmantasyon, i ankor enn fwa zot rol e zot manda, pou akte lo *behalf* travayer Seselwa enkli bann ki dan Gouvernman enkli bann ki dan sekter prive.

So ankor enn fwa mon ti a kontan demann ou an relasyon avek en Bidze R44.7milyon ki nou pe donn zot, konbyen landrwa travay dan sekter prive ki zot in lyez avek? Oubyen ki kantite travay ki zot in fer ziska la avek sekter prive oubyen avek bann Linyon Travayer, pou determinen si bann travayer ki dan sekter prive zot landrwa travay pou kapab *afford* pou pey zot sa 10poursan logmantasyon?

E mon dernyen kestyon - ou'n dir 3 pwen Mr Chairman, mon trwazyenm kestyon konbyen *appraisal* ki zot, zot in fer dan Departman Lanplwa, an relasyon avek *performance appraisal* pou donn bann travayer zot 13enm mwan saler? Mersi.

MR SPEAKER

Mersi. Minis, PS lekel ki pran laparol? Minis? Yes PS.

PS JULES BAKER

Mersi Mr Speaker. Mersi Onorab pou ou kestyon. 3 pwen lo kote 13enm mwan saler, mon pou restrikte mon repons lo 13enm mwan saler, akoz Departman Lanplwa pa responsab pou logmantasyon 10poursan lo saler dan sekter piblik.

So lo kote 13enm mwan saler, ou ava konstate Onorab ki nou'n fer plizyer diskisyon avek bann anplwayer, bann *HR Managers*, *MOP* plen, plen, plen tou bann *HR*, anplwayer ti ganny envite pou vin *attend*.

Menm nou'n ti'n fer propozisyon - nou ti'n met piblikasyon lo televizyon lo radyo, pou envit bann ki lo difikilte pou vin *training*, kot *TGMI* ansanm avek *SEnPA* e pou zot apros nou - *sorry* avek

ESA, pou zot apros nou pou nou konnen ki pli meyer fason pou nou kapab ed zot.

E nou kapab dir, ki pou le moman sa ki nou kapab konstate napa bokou anplwayer dan sekter prive ki'n eksprimen, ki zot pou annan difikilte pou zot onor zot lobligasyon legal anba sa Lalwa ki'n ganny pase par Lasamble.

E nou toultan reste ouver ankor enn fwa ziska le 31 Desanm, pou tou bann ki santi ki zot bezwen lasistans ptipti ouswa gro, pou lesplikasyon. Nou ankor nou laport i ankor ouver pou don plis sansibilizasyon lo lenplikasyon sa Lalwa Trezyenm Mwan Saler.

E sa i aplikab osi pou kestyon 2, an sa ki konsern lakonpannyen sekter prive ki pare pou peye ouswa ki pe ganny difikilte menm lapros nou pe pran pou ki bann ki annan difikilte nou kapab asiste zot o firanmezir, ki akoz nou annan ziska le 31 Zanyye 2023 pou zot kapab fer zot bann *appraisal*.

Lo 3 pwen vitman, mon kapab garanti ou Onorab, ki tou bann dimoun dan Minister, dan Departman Lanplwa depi mwan menm mon konman PS, ziska sa dimoun bann dimoun en pe pli ba dan *échelon* zot in fini zot *plan*, zot in fini fer zot target, zot in fini set zot bann obzektif.

Mwan personnelman ki responsab anba sa prose apre osi bann *appraisal* ki'n ganny fer tou dimoun in ganny fer - *unless* ki en dimoun ki pa ti dan konze ouswa i *overseas*, me mon garanti ou ki tou bann *appraisal* ki'n fini ganny fer.

E nou pou espekte prezan ki letan milye Desanm i ava arrive, nou ava aprezan evalyasyon zot bann *appraisal* pou nou konnen ki mannyer ki poursantaz *bonus*, pou ganny - ki poursantaz *performance-based* pou ganny *allocate* avek sak staff endividyle.

Mon pa responsab pou mon fer *appraisal*, me i annan en fason fer. PS pou fer Direkter Zeneral, Direkter Zeneral i fer pou Direkter, Direkter i fer pou *senior Employment Officer*, *Senior Employment Officer* i fer pou ziska dernyen, dernyen propozisyon. So apre tousala i vin lo nou nivo e nou kapab fer. So nou kapab konfirmen avek ou de Departman Lanplwa i azour avek sa legzersis. Mersi Onorab.

MR SPEAKER

Mersi. Onorab klarifikasiyon silvouple.

HON SEBASTIEN PILLAY

Definitivman nou pou reste lo klarifikasiyon Mr Speaker, nou pa pou al okenn par. Premyerman mon ti a kontan klarifye an sa ki

konsern travayer e bann anplwayer ki dan sekter prive. Ou'n mansyonn avek mon poudir nou annan diskisyon ki zot in fer e ziska la enn bann anplwayer pa pe eksprim okenn konsern pou pey zot travayer 13enm mwan.

Kestyon ki mon annan pou ou, se ou lobligasyon anba Lalwa ki zot pey 50poursan apre zot *performance appraised* sa lot 50poursan. Eski ou travayer anba, anba ki *deal* avek *labor force*, eski zot in kapab etablir si bann diferan landrwa travay i annan sa *performance appraisal system* ki pe ganny servi?

E eski sa bann *performance appraisal system* ki pe ganny servi, i pa bann *performance appraisal system* ki defavoriz bann travayer dan serten sirkonstans?

Prezan mon dezyenm klarifikasiyon lo sa ki ou'n dir mon *regarding performance appraisal* dan Minister Lanplwa;- mon apresye ki zot in fer sa bann *appraisal*. So mon krwar bann *staff* pe tande si i annan okenn ki pa'n ganny sans fer, i ava vin devan i ava vin dir nou e nou ava, nou ava koz lo zot *account* ki zot pe dir nou la.

Me selman mon kestyon prezan pou Minister Lanplwa, lefe ki zot ki *deal* ek bann Kontra Lanplwa e zot konn tre byen bann Lalwa Lanplwa, eski dapre zot i normal pou en travayer apre ki ou'n *set* en kondisyon travay depi konmansman lannen avek li, pou *appraise* li lo en lot kondisyon lafen lannen e met sa kondisyon konman en kalifikasyon, pou li kapab ganny en benefis ki ti'n kapab *appraise* anba Lalwa pou li? Sa mon ti a kontan ou klarifye pou mon.

Prezan mon dernyen pwen Mr Chairman, mon ti annan 3 pwen so 3 klarifikasiyon, tre senp;- ou'n dir mwan poudir Departman Lanplwa napa nanryen pou fer ek 10poursan.

Me ou, ou Departman Lanplwa dan pei, ou Departman Lanplwa ki sipoze get dan lentere tou travayer. Petet mon ti ava envit ou pou reviz ou larepons e dir avek mwan si ou konman Departman Lanplwa, ou pe antanm serten diskisyon avek sekter prive vizavi posibilite donn serten logmantasyon travayer ki dan sekter prive?

Mon ti ava envit ou pou konsider sa mod larepons ki nou kapab travay ansanm pou nou ariv a en solisyon. Mersi Mr Chairman.

MR SPEAKER

Mersi. PS pa bezwen reponn reviz son larepons lo dernyen sa in ganny reponn kler. PS si ou kapab adres son 2 premye pwen.

PS JULES BAKER

Mr Chair zis pou mon remersi Onorab pou son pwen klarifikasyon, premye. Mon le fer resorti ki Minister Lanplwa pa antre dan sa prosesis pou *micro manage* sekter prive an term zot Polisi lo *Appraisal*.

Mon pa krwar e Gouvernman pa krwar lantervansyon direk dan ki mannyer sekter prive pou fer zot bann *appraisal*. E se pou sa rezon akoz ki nou ti met a dispozisyon sa bann pti lorganizasyon dan sekter prive menm bann ki gran ki annan difikilte ki zot a kapab ganny en format, lo ki bann mezir performans zot devret adopte dan zot lorganizasyon.

E nou pa la ankor pou nou al *micro manage* pou nou al gete si ou'n fer si ou pa'n fer, konmsi ou a krwar *teacher* ek manrmay lekol pou gete si in fer *homework*.

Non, non nou pa kapab bouz dan sa direksyon. Lalwa i la nou bezwen ankouraz bann dimoun, pou zot obzerv Lalwa e si zot pa obzerv Lalwa i annan - parey Onorab Gill in demande - i annan en formalite i met son *grievance* an plas i dir 'mon pa'n ganny peye pou tel, tel rezon'.

Mon krwar fodre pa ki Gouvernman i reste angaze dan al dir avek sekter prive ki pou fer dan son fonksyonman loperasyon ek son saler.

Lo kote sa *issue* kot performans - zis pou mwan koriz en pti keksoz Onorab - wi mon'n dir ki sa prosesis performans in fini ganny fer par Departman Lanplwa, me son *appraisal* pou sa bann *staff* i pou ganny fer le 9 Desanm ki'n ganny *set par* - *starting* le 9 Desanm ki'n ganny fer par *PSB*.

Sa son bann alokasyon ki nou pou dir avek *staff* konbyen i pou gannyen. Lo kote - *ok* mon ava aret la Mr Speaker, mon krwar mon'n reponn son 2 klarifikasyon.

Me selman ankor lo kote 10poursan mon pa konnen si SS Payet i le koz lo la.

MR SPEAKER

Mersi. Bon nou'n terminen avek kestyon. Onorab ou'n demann ou kestyon ou'n demann ou klarifikasyon, ou'n ganny repons ki ou *point of order* prezan?

HON SEBASTIEN PILLAY

Mersi Mr Chairman. Mon bezwen koriz en mis-apreansyon ki mon'n fer anba *Standing Order* petet. Gouvernman in vini in fer en prononsman lo en logmantasyon 10poursan, me prezan dan

Lasanble nou pe ganny *ban* pou nou nonm 10poursan. So si konmsi eksplik mwan kote nou pou diskit 10poursan, pou ki Seselwa i kapab tande si pa dan Lasanble ?

Onorab Cosgrow i demann en kestyon taler ou deside Minis i fini reponn son kestyon, ou pa pou donn li kestyon siplemanter.

Konmsi mon bezwen - nou bezwen ganny en konpran. Be mwan, mon pe fer li kler ek ou Mr Speaker nou pou kontinyen demande lo sa 10poursan! Nou pa pou arete demande lo sa 10poursan! Mersi.

(Interruption)

MR SPEAKER

En moman silvouple. Mon a reponn ou kestyon Onorab. Napa nanryen ki'n ganny *ban* dan Lasanble, me selman i annan size parey 10poursan e avek osi 13enm mwan saler ki'n ganny demande, ki'n ganny eksplike. Minis Finans in vini in eksplik lonterm.

Zot in demann kestyon plizyer Minis, zot in demann avek lo PSB tousala in gannyen. I annan en lareg dan *Standing Orders* Lasanble ki dir ou evit repetisyon.

E se sa ki pe pase. Prezan si ou pou konmans ou dir mon ou pou kontinyen demande, be ale kontinyen demande.

(APPLAUSE)

(laughter)

MR SPEAKER

Mersi, nou a pran Bidze. Nou a pran ...

(Off-Mic)

MR SPEAKER

Pardon?

(Off-Mic)

MR SPEAKER

Onorab, Onorab respekte mwan silvouple!

(Off-Mic)

MR SPEAKER

Onorab mersi pou reste trankil.

Nou a pran vot lo Bidze pou *Ministry of Employment and Social Affairs* pou en total R90milyon 710mil. Manm ki an faver lev lanmen silvouple? Mersi. Manm ki kont? Byen. Lo Bidze pou *Ministry of Employment and Social Affairs* 21 Manm in vot pour, 0 kont e 10 in *abstain*. Bidze in aprouve par Lasanble.

Mon remersye Minis e son bann zofisyé ki'n avek nou pou partisipasyon dan sa bout *Committee Stage* e mon swet zot bon depar.

Mersi. Nou pou pran poz e nou pou pas lo prosen antite ki lo *schedule*.

(BREAK)

AGENCY FOR SOCIAL PROTECTION INCLUDING BENEFITS AND APPROVED PROGRAMS OF ASP**MR SPEAKER**

Donk byenveni novo delegasyon dan Lasanble. Nou annan Ms Brenda Morin *CEO Agency for Social Protection*. Ms Chiara Cultreri *Financial Controller*. Ms Marie-France Souris *Principal Benefit Welfare Officer*.

Nou la pou Bidze lo *Agency for Social Protection* ki enkli *Benefits and Approved Programs of ASP*. E tousala i lo paz 511 ziska 516. Mon annan 2 laliny Bidze. Bidze pou *Agency for Social Protection* i pou R27milyon 487mil.

Tandis ki *Approved Programs* i pou R1bilyon 202milyon 876mil. Mon krwar avek sa i neseser ki nou pran 2 vot laliny separe, me selman pou diskisyon travay *Committee Stage*, mon krwar nou a prosede parey ou'n fer bomaten e nou a pran le 2 laliny ansanm kekfwa i a sov nou en pe letan. Minis ou lentrodiksyon silvouple.

MINISTER PATRICIA FRANCOURT

Mersi Mr Chairman. Mr Chairman Lazans Proteksyon Sosyal pou ozordi prezant 2 Bidze pou lannen 2023-2025. Sa i Bidze Benefis e Bidze *Recurrent*. Mr Chairman parey Lasanble i konnen anba Bidze Benefis tou bann benefis ki tonm anba Lalwa Sekirite Sosyal i ganny peye.

Osi i pran kont lasistans *welfare*. Parkont Bidze *Recurrent* i pran ka avek tou bann depans administratif. Bidze pou bann

Benefis i environ R1.2bilyon, sa i en rediksyon en pti pe plis ki R241milyon lo Bidze 2022.

Sa i akoz parey zot deza okouran, anba reform Labank Mondyal e byensir sa *Bill* pou vin devan Lasanble Nasyonal pou laprouvasyon apartir 2023, pou annan en nouveau Lazans swen kot lakour - *Home Care Agency*.

Alor depans pou sa servis, pou nepli anba Lazans Proteksyon Sosyal. Gouvernman in resaman ogmant bann pwa e mezir pou lasistans *welfare*, e dan sa Bidze ki pe ganny prezante zot pou remarke en logmantasyon dan alokasyon Bidze pou *welfare*.

Sa i sorti environ R40milyon pou al environ R60milyon. Gouvernman i rekonn e pe prevwar ki avek lenflasyon e bann fakter eksteryer, ki pou annan plis fanmir, pou nesesit lasistans *welfare*.

Lasistans tanporer ki Gouvernman ti met an plas boner an Zilyet 2022 pou kontinyen anba Bidze ASP apartir Avril 2023. Parey ti pe deza ganny fer, lasistans tanporer pou kontinyen anba benefis retret, benefis envalidite e benefis dezabilite.

Tandis ki pou Bidze *Recurrent* pou lannen 2023, sa Bidze i environ R277.48milyon e sa i plizoumwen ekivalan ek Bidze 2022.

Lazans i osi antisipe devlop en nouveau programm ki pou permet bann laplikasyon ki ganny soumet pou ganny travay lo la dan en dele letan pli kourt posib.

Osi i pou permet en koneksyon direk avek bann diferan Departman ek Minister, ki pou fasilit prosedir bann laplikasyon. Sa pou osi anmenn modernizasyon dan loperasyon Lazans e redwir dan en fason konsiderableman bann prosedir *manual*. Lazans i espekte ki en tel modernizasyon i ed amelyor son servis.

Dan sa Bidze i osi enkorpor en programm sansibilizasyon, konsernan servis Lazans. Sa pe ganny fer avek bi ankouraz popilasyon pou akse bann diferan led e servis dan zot dispozisyon.

Ankor enn fwa Mr Speaker, mon profite pou remersye tou mon *staff* kot ASP. Zot travay vreman for kanmenm i annan bann difikilte parler. So mersi. Mr Chairman avek ou permisyon mon ti a kontan nou konmans diskisyon Bidze avek Bidze *Recurrent*. Mersi Mr Chairman.

MR SPEAKER

Mersi. Nou a pran kestyon bann Manm e mon annan serten non lo lalis. Premye Onorab Samynadin.

HON KELLY SAMYNADIN

Mersi Mr Chair. Bonzour Minis ankor avek ou nouveau delegasyon ASP.

HON WALLACE COSGROW

(Off-Mic)

MR SPEAKER

Eskiz mwan. Onorab ou ti pe fer en pwen lo prosedir Onorab Cosgrow. Minis eski ou'n entrodwir tou le de Bidze?

MINISTER PATRICIA FRANCOURT

Wi selman mon ti'n demande Mr Chair si mon ti kapab pran *Recurrent avan please*. Mersi.

MR SPEAKER

Ok si i pou fasilit larepons e pou fer ...

MINISTER PATRICIA FRANCOURT

Non SS i dir mwan i ok.

MR SPEAKER

Sorry?

MINISTER PATRICIA FRANCOURT

SS i dir mwan tou le de.

MR SPEAKER

SS nou a fer koumsa? Ok tou le de ansanm? Annou swiv direksyon SS, li i abitye avek sa bann prosedir. E Minis mwan, mon prefere koumsa, akoz toulstan kanmenm nou fer sa 2 separe nou al lo enn apre nou tourn lo lot, e i vin menm zafer prensipalman.

Onorab Pillay, kestyon oubyen kwa?

HON SEBASTIEN PILLAY

Zis lo sa pwen mon dakor ek sa nou fer, nou fer tou le de. Me selman mon bezwen ganny en gidans. Par egzanp lo, lo size son *Approved Programs*, ou pou annan probableman kestyon ki pou al dan diferan eleman programm.

So petet ou pou bezwen zize 3 pwen - 4 pwen ki en Manm pe fer. Manm pou bezwen sey fer zot kestyon *as succinct as possible*.

E zis pou klarifye Mr Chairman, *up to* keler ki nou pe anvizaze pou nou pran sa Bidze pou mwan annan en lide?

MR SPEAKER

Wi bon kestyon mon krwar *Bills Committee* i annan *meeting* 12midi edmi. Mon pou gete ler nou'n ariv mon annan 8 Manm ki lo lalis la pou le moman, mon pou gete ler nou pou ariv 12midi edmi kote nou ete. Mon konnen zot *meeting* i avek SS Payet.

Si i reste nou 1 Manm oubyen 2 Manm nou a pran. Si i reste nou plis ki nou pou al pli lontan, nou ava *adjourn* e nou ava soz e nou ava pran nou a repran 1er. *Ok? Ok, i kler? Thank you.* Nou a regarde ki mannyer nou ete 12midi edmi.

Nou a konmans avek Onorab Samynadin ou kestyon.

HON KELLY SAMYNADIN

Mersi Mr Chair. Bonzour Minis avek ou, avek ou nouveau delegasyon ASP. Minis mon premye kestyon i baze lo zot priyорite stratezik, kot zot in dir ki zot pou antreprann bann *outreach programs*, pou sensibiliz piblik e pou promot bann *statutory benefits* ek *Schemes* ki'n ganny aprouve?

Mon ti a kontan ganny en leksplikasyon lo ki mannyer sa pou ganny fer lo nivo distrik? E osi mon ti a kontan ganny konnen ki kantite letan bann prosedir laplikasyon i ganny pran, akoz i paret i annan enpe konfizyon sirtou dan distrik. Lo ki kantite letan ki bann diferan aplikasyon i i ganny fer?

Apre mon trwazyenm i zis en rekondasyon mon ti a kontan ki en pe plis konsiltasyon avek Lotorite Distrik; - letan mon pe dir lotorite distrik savedir mon pe dir MNA ek DA i ganny fer par bann *welfare officers*.

Akoz nou, nou konn nou dimoun e souvandfwa se nou ki fer bann *cases* kot zot. E laplipar letan nou refer sa bann *cases* kot zot, nou pa ganny en *feedback* se nou ki bezwen al rod sa *feedback* avek zot.

So mon ti a kontan si zot get en pe dan sa direksyon, pou kapab ranforsi servis ki zot donnen? Mersi.

MR SPEAKER

Mersi. Minis zis endik mwan lekel ki pou. Yes Miss Morin.

CEO BRENTA MORIN

Bonzour Mr Chairman. Bonzour tou bann Manm e piblik. Mersi Onorab pou ou kestyon. *Regarding* bann sa stratezi ki nou annan

in terms pou nou *increase awareness* pou bann programm ki pe vini, se sa ki nou war i annan en kantite kliyan deor la ki zot pa konnen tou sa benefis ki nou annan. E se sa lannen prosen nou le konmans fer bann *advert* fer bann sansibilizasyon dan diferan parey dan distrik, menm dan bann lekol.

Pou fer dimoun *aware* ki bann benefis Gouvernman i annan an plas e pou dimoun kapab pran - konmsi pou zot kapab ganny sa bann benefis pou zot santi zot bezwen. Mersi.

MR SPEAKER

Minis kontinyen.

MINISTER PATRICIA FRANCOURT

Mersi Mr Chair. Mersi Onorab. Pou *regards to consultation* avek MNAs ek DAs wi nou *welcome* sa. E mwan, mon ti ava ankouraze ki letan bann resipyen i bann dimoun i fer zot aplikasyon, *be part of the process*.

Akoz kot nou, nou annan bout distrik ki fer parey ou dir kekfwa pou zis menm ed sa dimoun, i annan lenformasyon pou li rode. Akoz i en *process* sa - i en prosedir. I annan verifikasyon ki nou fer lo nou kote.

So nou pou *welcome* sa akoz i pou, i pou *bridge the gap* pou *as long as* nou ganny tou lenformasyon, *the process can start*. E plizer fwa i ganny retar akoz bann dokimantasyon pa an plas.

E zot bezwen realize tou dimoun letan mon pe koze la, i pa zis dokimantasyon i vin kot nou, nou deside pou donne pa pou donne - *you have to go through a criteria process*.

E retar *most of the time* i vini akoz dokimantasyon *is not sufficient*, oubyen pa'n ganny anmennen *in the first place*. mon *welcome* sa *partnership* avek MNAs ek DAs. Mersi.

MR SPEAKER

Onorab reste lo klarifikasiyon *please*.

HON KELLY SAMYNADIN

Wi mon ti ava i en kestyon ki mon'n demande ki pa'n reponn, normalman ki kantite letan normalman i pran pou en aplikasyon ganny *process*, pou en resipyen ganny son larepons? Mersi.

MR SPEAKER

Thank you.

MINISTER PATRICIA FRANCOURT

Normalman i pran 2 semenn sa ki nou limit. Me selman nou konnen poudir i pa'n toultan mars 2 semenn. Enn bann kontrent ki nou annan, par egzanz nou annan aepre 15 nou travayer ki pe *study 6 weeks they were out*, pou zot al fer *placement*.

Mon pa oule fer leskiz, me selman i bann realite ki nou annan. Apre mon'n dir ou poudir osi ki bann dokimantasyon ki an retar. *Visits* ennler nou bezwen fer pou al fer verifikasyon ou al kot lakour sa dimoun pa la - i anvoy ou en.

En kantite keksoz i *out of nou control*, me selman nou, nou *aim* se pou fer li dan 2 semenn. Mersi.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Mr Chair mon kestyon i zisteman pou ranforsi lo sa pwen ki Onorab Samynadin in fer resorti. Akoz menm si depi lannen 2022 la mon'n deza anmenn kestyon zisteman lo prosedir.

Nou kontinyen ganny dir 2 semenn, me pa plis ki zot asiste. La zot pe ganny ankor Bidze anba gouvernans pou mannye bann programm. I annan de fwa ki annan dimoun ASP mwan personnelman mon'n *call* kot Lazans - 2mwan.

Mon demann zot si zot annan problemm *staff*, zot dir mwan non. 2 mwan. Kominikasyon i enportan zot ti kapab si zot pa pe ganny sa kliyan oubyen lyez avek DA ek MNA, parey nou kapab ganny kontak avek sa dimoun.

Nou dan distrik parey Onorab Samynadin in dir, si i annan dokiman ki manke nou gid sa dimoun pou kapab fer li ganny son lasistans o pli vit posib, si in kalifye. Me pa les 2mwan Minis - 2mwan. I pa akseptab.

E nou pe vot ankor pou en Bidze la pe demann nou pou vot lo en Bidze 2023, nou pa kapab kontinyelman dimoun i vin kot zot pou esper plis ki 2mwan pou li ganny en lasistans - i pa akseptab? Mersi.

MR SPEAKER

Thank you. Minis ou le fer konmanter? Ms Morin?

CEO BRENDAA MORIN

Wi Onorab, mersi pou ou kestyon. Definitivman nou pa oule ki en dimoun i esper 2 mwan pou ganny son benefis. En keksoz ki nou

dir nou deza dan distrik pe eksplike, ki mannyer ki dokiman ki nou bezwen.

Me selman i annan menm avek *DA* nou lyez avek e ler nou pran ler dimoun i fer son aplikasyon la pou li donn tou son detay, ki mannyer nou kontakte li. Zis parey en labank osi ou al kot li pou ou kapab demann en *loan*, sa dimoun i bezwen kapab ganny kontak avek ou.

Ou pa kapab donn en limero telefonn, apre landmen i pa marse. So tousala ki vin sa bann dele. E si nou'n demann ou en dokiman se ou bezwen donn nou sa dokiman, e osi pa bezwen al enlot landrwa pou sey pa donn sa dokiman. Akoz sa dokiman i neseser. E parfwa osi i annan *case* akoz i annan sa *case* i *unique*, e i annan diferan nesesite i annan lezot sityasyon ki nou bezwen lezot Minister pou travay avek nou.

So definitivman nou pe travay for pou redwir en dimoun ki son *case* i pas dan 2 mwan oubyen i pe espere. Me korperasyon osi ki nou bezwen e se sa osi lannen prosen ki nou pe *look into* pou annan en sistenm ki pou arete sa mannyel.

Akoz tou keksoz i *manual at ASP* e nou bezwen *automate*. E dan *automation* ki nou pou kapab al enpe pli vit ki nou kapab *link up*. Mersi.

MR SPEAKER

Mersi. Minis oule azoute?

MINISTER PATRICIA FRANCOURT

En pti bout zis pou mon azoute. E Mr Chair, mersi. Onorab apre osi - mon konnen poudir nou fer enta *liaisons* avek bann *DA* dan distrik, pou ganny en *background*.

Me selman osi nou bezwen *aware* ler en dimoun i fer son aplikasyon, si mon pa tronpe dan *Data Protection Act*, nou pa kapab zis demann dimoun lenformasyon lo en lot dimoun. I bezwen annan en permisyon ki in donn nou pou nou al demann lenformasyon. So i en pti pe *sensitive*.

So sa dimoun ki'n fer sa laplikasyon - mon mazinen poudir avek zot sipor *whether it's coming with a person* - menm *DA* lo kote nivo sa i a ed nou en kantite. Mersi.

MR SPEAKER

Mersi. Onorab Bistoquet?

HON ROSIE BISTOQUET

Mersi Mr Speaker. Bonzour Minis avek ou delegasyon. Bonzour tou bann Onorab. Minis mon pe get anba ou stratezi, se ki ou pou bezwen spesifikman konmdir ou bezwen *strive*, pou kontinyen konpar pou zot kapab konpran bezwen bann kliyan an partenarya avek lezot Lazans.

E prezan pou mwan, i annan enn de dimoun dan distrik ki par egzanp mon konnen, in ganny kontak avek zot ki ti annan pou fer avek zot *needs*. Sirtou zot pe demann, demann lasistans, swa pou *carer*, swa pou *welfare* bann lezot.

E nou santi petet i annan serten sityasyon kot tou kliyan i ganny gete parey - sa ki bann kliyan pe dir. *Whereas* konmsi bann si zot bezwen bann endividé *intimate* i diferan. So ki *monitoring*, ouswa ki stratezi ou pou met an plas, ki par egzanp pou fer sir ki sa kliyan i ganny gete diferaman, malgre i annan serten kondisyon ki enpe relye ek kanmarad?

Akoz sa ki par egzanp bann dimoun dan distrik pe dir ki zot tou zot ganny met dan menm pannyen, e zot ganny sekwe, me selman zot pa pe ganny get zot bezwen *special needs* ki zot annan.

Apre anba *PSP 1*, mon war ou, ou'n met en *consultancy fee* ki en bon pti sonm i arriv R2.6milyon petet donn nou en lesplikasyon lo la? Mersi.

MR SPEAKER

Mersi. Minis nou pas kot *CEO*, wi? Byen.

CEO BRENDA MORIN

Onorab mersi pou ou kestyon. *Regarding* ki i annan sa *feeling* deor ki nou pe get tou dimoun parey. Non parey depi taler mon'n dir sa sanmenm sa ki ennler mon pe dir *case* i long akoz sakenn i *unique*.

I annan letan ki nou bezwen – nou annan diferan *partners* ki nou travay avek, se nou annan *APDAR*, i annan ki tar i annan kot *Ministry of Family*, i annan *Employment, Social*, tousala.

Se sa sak *case* i diferan e i annan diferan lezot lenstitisyon ki bezwen ganny enkli dan sa bann diskisyon pou nou ganny bann dokiman.

Si en dimoun i annan keksoz medikal, nou bezwen kot *Health*. So non napa okenn ki ganny trete parey, akoz definitivman sak dimoun son sityasyon i diferan.

Si i annan kot lakaz i annan diferan sityasyon. so definitivman ki nou'n dir ladan se *build up partnership* kot lezot pou dekouver lezot keksoz ki nou kapab fer. E ler nou dir bann partner ki nou bezwen fer, se anmenn bann keksoz ki kot nou kot

ASP nou war, e fer pou get bann lezot landrwa ki zot kapab fer pou ed sa dimoun.

Parey mon en legzanp ki nou deza war avan, en dimoun ki ganny bebelouka en dimoun wi i ava ganny son benefis kot ASP anba la. Me selman nou, nou plis nou pe sey get ek lafanmir ki kalite *inclusion* ki kapab ganny fer dan lasosyete, ki pa zis asize dan lakour? Oubyen en lot dimoun ki ganny en keksoz en dezabilite.

So these are the things ki nou bezwen. I pa kot nou ASP ki nou kapab fer sa, me nou anmennen ki pou war wi zot kot son lasistans kot ASP, me ki ankor i kapab fer pou ed li pou kontribye dan pei. E ed li personnelman osi pou li *feel included*.

Akoz bann dimoun osi ler i vini la, i koz ek nou i dir nou sa bann ki sey al rod en louvraz i dir ‘non i pa ganny aksepte’ akoz i annan son dezabilite oubyen son maladi.

Be nou war osi ki nou pei nou pa devret aksepte sa. Sa dimoun i annan son par ki kapab fer dan lasosyete. *So we bring these forward to the other Ministries* pou war ki lot fason adisyonnal sa dimoun i kapab ganny ede dan Gouvernman. Mersi.

Lo *consultancy* wi sa bout ki nou’n mete se sanmenm sa ki pou *automate the system at ASP*, akoz nou tro mannyel. E ganny tou keksoz entegre *this is what* ki pou redwir risk frod, fer laplikasyon pli vit, pou nou kapab donn en *better service* pou tir bann konplent ki nou gannyen.

E menm resaman la nou’n *update* nou sistenm telefonni dousman, dousman i pe amelyor li - ki i pou vin en leta *level*, kot en dimoun i kapab telefonnen poudir ou *press 1 for this Department* *press 2 for the other Department*. Ki bann keksoz modern ki menm mon drol pou mwan war ki tou sa letan ASP pa’n zanmen modernize dan teknolozi. Mersi.

MR SPEAKER

Mersi. Mon pou retourne kot Onorab Esparon ki mon krwar ti’n lev lanmen premye. Onorab. Pardon? Ou annan leklersisman? Wi Onorab reste lo leklersisman *please*.

HON ROSIE BISTOQUET

Mersi pou sa larepons. Akoz mon ti demann sa kestyon se akoz i annan, i annan en madam 82 years old - mon konnen *carer* pa ankor sorti direk anba zot - 82 years old i reste li tousel in ganny aprouve by all the different Agencies, Lazans, Lasante poudir wi i

pou kapab ganny en *carer*, akoz i menm pa kapab kwi en pe manze.

E letan in aprouv sa laplikasyon in dir li koumsa poudir in *meet* dan kriter me selman akoz i annan serten bout propriete ki pou li, me sa propriete pou son fiy, son fiy pa Sesel sa pti larzan ki i anmase i pou son fiy i pa pou li.

E preznan mwan, mon pe regarde si dan sa sityasyon koumsa i pa pe kapab fer nanryen e i napa dimoun ki pe reste ek li, lekel ki pou *monitor* li? Apre lekel ki pe pase pou regarde *if it is* sa dimoun i *ok* si i pa *ok*, ki mannyer i pe ale? Mon pa konnen *this is* konmsi en sityasyon ki mon krwar petet sa kestyion mon krwar i en merit. Mersi.

MR SPEAKER

Mersi. CEO ou a kapab eklersi sa *please*?

CEO BRENDA MORIN

Yes mersi Mr Speaker. Mersi Onorab pou ou kestyion e klarifikasyon. Wi Onorab pa zis sa premye ka ki nou ganny sa bann *exception*. E definitivman *this is a case* ki devret anmenn kot nou ankor pou get ladan.

Akoz parey nou ganny partou e kanmenm kot zot la sa bann *cases*, ki nou al *dig deeper* e mon pa pou kapab donn ou en repons lo sa *specific person*.

Me definitivman sa en ka pou nou kapab donn ou en repons spesifik lo la. E menm sa bann keksoz ki *elderly* i sa bann dimoun i koumsa, i tonm osi kot *Elderly Department* kot Lafanmir apre Sosyal osi. I pa *ASP* ki *involve* ladan, *ok*? Mersi.

MR SPEAKER

Mersi. Mon a retourne kot Onorab Esparon.

HON REGINA ESPARON

Mersi Mr Chairman. Mr Chairman zis en pti pwen lo sa alokasyon anba *SP1* parey Onorab Bistoquet in demande, i sa 2milyon 480mil ki 487mil ki pou *foreign consultancy*. Eski zot satisfe ek rezulta ki zot in gannyen? Enn. Sa en pti remark.

E mon kestyion i ki demars anba sa Bidze mon konnen ou'n dir ou pe sey fer en mannyer pou zot bouz *digital*.

Ki demars zot pe fer pou *improve* sistem lo nivo distrik mon pe koze, parske letan en kliyan i vin kot distrik i bezwen ranpli en

kantite papye. Epi ou tann sa *social worker* i dir ek ou koumsa i bezwen anmenn sa bann papye anvil.

Ki demars zot pe fer anba sa Bidze pou ki lo kote distrik osi keksoz i ganny fer *digitally*, ki i pe ranpli apre i kapab *send* li atraver en *email* - konmsi i bezwen annan sa *network* avek direkteman avek biro?

Pou ankor la pou anpese ki sa dele letan ki sa kliyan pe espere pou ganny sa larepons i bouz en pe pli vit. Parske mon menm war la dan enn zot bann target zot in mete poudir 2023 zot pe zot target, se pou en kliyan fer zis 7 zour olye 14 zour.

Mon war an menm tan i annan en alokasyon 110mil anba *minor capitals* pou zesyon of *IT equipment*, eski zot satisfe ki sa pou solve sa problem, sa i mon kestyon? Mersi.

MR SPEAKER

Mersi. CEO.

CEO BRENDA MORIN

Sorry mersi Mr Speaker. Mersi Onorab pou ou kestyon. Lo, se sa, sa bout ki ou pe demande la lo zafer *consultancy* lo *going digital* sa ki ou pe war 2.4 ki dan Bidze la, pou nou rod nou pe al *bid*, pou nou ganny en sistèm *digital* ki pou se sa konmans dan distrik ler ou fer laplikasyon.

Ki nou pou arete *input* sepa konbyen fwa dan detay lanmenm la kot *errors* i ganny mete. Akoz tou nou sistèm i separe depi avan nou'n vin koz sa plen fwa dan Lasanble.

E se sa la ki nou pe al konmanse lannen prosenn, pou kapab *hopefully* redwir tou bann konplent, *speed up* laplikasyon e pou tir tou bann potansyel pou frod dan nou sistèm.

E parey mon'n dir osi nou'n al *digital* osi, nou pe avek fason ki nou *deal* avek *customer service*, nou telefond *is one* ki ti *many years ago* ki *the old fashion way* ki ti itilize.

So *hopefully* avek tousala nou kapab *give out a better service*. Mersi.

MR SPEAKER

Mersi. Yes Onorab?

HON REGINA ESPARON

Mersi en pti klarifikasyon, CEO letan ou pe dir mon ki ou pe donn *better service* sa lyezon, parey letan ou annan bann kliyan ki al

lopital letan ou pe ganny asiste lo kote medikal, eski sa osi eski zot pe *link* e pou annan *network* ki pou osi ed zot dan sa?

Olye ki en kliyan in koup en kote lipye, i war li bezwen ale tou le 6mwan tou le 1mwan pou al Lopital pou ganny sa *medical certificate* pou prouve poudir sa lipye pa'n pouse li – ou konpran mwan?

Eski sa osi i pou annan sa *network* avek zot pou ki, pou ki i fasilit bann keksoz? Mersi.

MR SPEAKER

Onorab. CEO wi, klarifikasyon vitman.

CEO BRENTA MORIN

Mersi Mr Speaker. Mersi Onorab. La ou pe koz lo *invalidity* ek *disability* ki en sistenm ki fason ki sa pe ganny fer e i bezwen pe ganny revize e i form par dan sa *World Bank reform* ki pe vini.

E en pwen osi ki ou'n dir se sa, ler nou, nou modernize *we are hoping* ki bann lezot Departman dan Gouvernman osi pe modernize, pou nou kapab ganny sa *social register* ki pei *has a need for* e ki sanmenm sa ki *World Bank* pe demande.

This work in progress ki ansanm avek SS Finans pe travay lo la. So this is why nou pe aim ki nou kapab ganny lenformasyon kont en Departman tandis parey la ki is a matter osi.

Ale al rod sa rapor, al war sa dokter, pran en transpor, al anmas sa dokiman, ki tousala *it's the old fashion way of doing things* Sesel pa ankor modernize. Mersi.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Chairman. Mon kestyon i baze lo ‘use of goods and services’ – ‘other use of goods and services’ an 2022 ti R6milyon la mon war en logmantasyon in ariv R8.1milyon pou 2023. Si ou kapab donn nou enpe detay akoz sa logmantasyon en pti pe plis ki R2milyon?

Apre Mr Chair i annan Minis i annan bann manigans politik - bann politik bonmarse ki ti pe deroule la deor. Annefe propagann kont zot ti pe sey met deor konm kwa bann benefis parey *funeral benefits, orphan benefits, semi orphans, Day Care Scheme* tousala ti pe ganny arete anba ou Minister.

Me mon war li dan Bidze so si ou kapab konfirmen poudir sa bann benefis i ankor egziste - i ankor la, menm si i annan sa bann benefis ki ganny transfer anba bann lezot, lezot Departman anba Minister?

Apre i annan en *issue* lo en konsern deor, i pran bokou letan ennler parey ler en dimoun ki annan en problem medikal parey lo *Medical Board*; - ennler i tarde avanler i ganny *validated* ki vre i annan en problem lasante, bezwen lasistans *ASP*.

Eski i annan en sinerzi en fason travay avek *Medical Board* pou fer sir ki sa bann *case*, sa bann dimoun ki annan problem medikal pa tarde pou zot ganny konfirmen konm kwa zot bezwen, zot pa pou kapab travay ki zot bezwen ganny sa bann lasistans? E finalman ...

MR SPEAKER

Ou'n fer 3 deza Onorab.

HON WAVEL WOODCOCK

... ou *office rent* i *very high* i R3.1milyon mwan, mon annan en gro konsern akoz *ASP* son servis i pe lwe bann plas avek en antite, en parti politik *Horizon Complex* i *belong to United Seychelles* e zot *rent* i vreman eleve - vreman i vreman o.

E mon pa krwar ki en antite Gouvernman i merit pe lwe lofis avek en *building* ki pou en parti politik. E sa in kout bokou. E mwan, mon santi poudir zot bezwen rod en lot landrwa olye ki zot kontinyen lwe plas avek en *building* ki pou *United Seychelles* lo Praslin. Mersi bokou.

MR SPEAKER

Mersi annou sey gard 3 pwen silvouple. *CEO* ou'n ganny 4 pwen la pou adrese. Minis mon pas kestyon ek *CEO*. *Yes carry on*.

CEO BRENDA MORIN

Mersi Mr Speaker. Mersi Onorab pou ou kestyon. *Regarding* sa bann benefis ki ou'n koz lo la, non zot reste. Zot reste kot *ASP* i pa sanze. E ou'n demann lo *medical* an relasyon avek *Medical Board* ka ki pe al lo la. I annan osi bann reform ki pe ganny fer - parey *WHO* ki pe vin an plas ki pe *reassess* ki pou annan sa bann *reassessment* bann dimoun ki lo *disability* avek *invalidity in the future*.

E sa i bann prosedir ki pe vini dan, dan sa bann reform lannen prosen la, e bann ki pe konmanse deza.

Mersi. Lo *rental* ya sa i ankor nou *rent* i ankor parey *please*. Ok?

MR SPEAKER

Eski nou'n adres tou ou pwen Onorab?

HON WAVEL WOODCOCK

I annan 'other uses of goods and services' sa logmantasyon 2milyon. Apre *rent Horizon Complex* Praslin pa'n ...

MR SPEAKER

Yes lekel ki pou adrese. Yes Madanm *financial controller*.

FINANCIAL CONTROLLER CHIARA CULTERI

Mersi Mr Chair. *Thank you Onorab.* Sa *increase* anba *other uses of goods* i akoz *foreign consultancy* ki ASP i anvizaze antre ladan *next year* pou amelyor son servis.

MR SPEAKER

Yeah ok, satisfe.

HON WAVEL WOODCOCK

Zis ankor enn fwa *Minister* wi *rental Horizon Complex* pou Parti *United Seychelles* kan nou pou sorti laba? Akoz mon pa krwar i en bon lide pou nou kontinyen lwe avek.

MR SPEAKER

Ok. Minis?

HON WAVEL WOODCOCK

Mersi Mr Speaker.

MR SPEAKER

Minis zis reponn li lo son kestyon *Horizon Complex*.

MINISTER PATRICIA FRANCOURT

Mersi Mr Chair. Sa i en kestyon mon kontan ou'n *raise* sa i en kestyon *internally* ki pe ganny *discuss*. Mersi.

MR SPEAKER

Mersi tre byen. Onorab Mondon.

HON TERENCE MONDON

Mersi Mr Chairman. Mr Chairman premyerman mon anvi SS Payet i klarifye en lenformasyon pou mwan. Anfet i pa ankor koze depi bomaten dan anba *ASP* anba *Approved Programs* lannen pase pou sa lannen 2022 ti annan sa *Home Care Scheme* ki son sonm ti R299milyon 399mil.

E dan *Home Care Agency* nou war en sonm R311milyon 636mil anba *other service allowances*. Eski sa sif anba *Home Care Agency*, i sa novo sif ki pou avan ti *Home Care Scheme* ki reprezent en logmantasyon 4poursan?

Mon dezyenm kestyon mon kestyon aprezan Mr Chairman dan menm latab *Approved Programs safety net* i ti pou sa lannen i ti R40milyon 680mil.

E in vin R61milyon 679mil ki reprezent 52poursan logmantasyon ki Minis in mansyonnen dan son lentrodiksyon. Ki mon anvi konnen Minis ou'n dir ki avek bann reazisteman ki pou ganny fer avek bann pwen e kriter zot pe espekte plis dimoun kapab kalifye pou en, en lasistans.

Eski zot in fer en lalis pou war baze lo sa Bidze konbyen ki poursantaz an plis bann dimoun pou kapab kalifye? E swa zot pou benefisy si oule lo en pli gro sonm bann dimoun ki deza kalifye zot pou benefisy avek en pli gro sonm ki zot pou gannyen ozordi?

Mon anvi konnen ki lo zot analiz kwa ki pe dir nou an term logmantasyon? Mersi Mr Chairman.

MR SPEAKER

Mersi. Nou annan 2 kestyon la. Premye ti'n adrese pou SS Payet mon a pas kot li. SS.

SS PATRICK PAYET

Mersi Onorab. Bonn apre midi Mr Chair. E bonn apre midi tou Manm Onorab e tou dimoun ki a lekout. Mr Chair zis pou konfirmen ki sa konponan ki nou'n eksklir anba benefis ek bann *Approved Program ASP Home Care Scheme*, i li menm li ki nou'n met anba *the Home Care* ki annan sa vot ki anba *Ministry of Family Affairs* ki zot ti pran semenn pase.

So sa konponan nou'n met li anba zot '*goods and services*', i pou saler bann *home carer*. E i annan en konponan ki nou ladan ki nou'n enkli sa R500 ki zot pe gannyen ozordi.

Dezyenm kestyon *regarding* sa konponan *social safety net*, parey zot war i annan sa logmantasyon. Dan nou prozeksyon kot

Minister Finans nou'n met sa *increase*, akoz nou'n war ki sityasyon lekonomi ki nou'n dir ki annan nou pe *forecast* en pli o lenflasyon lannen prosen.

E osi bann lensertitid ki ankor egziste avek lager *Ukraine* ki nou espekte i kapab annan plis bann dimoun ki pe demann lasistans avek *ASP*. So sanmenm sa ki nou'n *forecast* sa logmantasyon lo nou kote. Mersi.

MR SPEAKER

Mersi. Yes Onorab Mondon.

HON TERENCE MONDON

Mersi Mr Chairman. Mon *still* mon anvi klarifye mwan, par lefe ki Minis in koz lo reazisteman en'pe lo bann pwa ki abitye servi, eski sa logmantasyon i pou permet parey in dir plis dimoun? Se sa ki mon anvi konnen konmsi e ki lefe i pou annan vreman avek sa logmantasyon? Akoz i en gran logmantasyon ki byen.

Eski vreman nou pou ganny en bon pli gran group dimoun ki pou kapab benefisyne avek sa, sa logmantasyon? Mersi.

MR SPEAKER

Annefe mon krwar Minis pa ti ankor reponn nou dezyenm kestyon, si li ki pou reponn so i ava adres tou ansanm. SS Payet, wi?

SS PATRICK PAYET

Kekfwa Mr Chair, zis pou azoute ki zis pou donn en'pe statistik avan revizyon *weights* ki'n ganny fer an Me sa lannen, ti annan - apepre an Avril ti annan zis 103 benefisyer e *as at Septanm* i annan 310.

So ou'n war ki plis dimoun in kapab kalifye pou ganny benefis, akoz sa logmantasyon dan *weight* ki ti ganny fer an Me. Mersi.

MR SPEAKER

Minis ti annan ankor keksoz oubyen ...?

MINISTER PATRICIA FRANCOURT

I ok Mr Chair SS in kouver tou.

MR SPEAKER

Ok Onorab pa pe demann lot kestyon bon nou'n ariv 12midi edmi. Mon bezwen pran lopinyon *Bills Committee*, akoz nou ti'n dir nou pou aret 12midi edmi.

So mon pe regarde, eski i en problem pou retard ou *meeting* oubyen ou annan lezot dimoun ki pe vini ki soz? Onorab Andre Chairman ou kapab adres mwan lo la.

HON CLIFFORD ANDRE

Wi Mr Chair. Ou pa'n dir nou konbyen, konbyen Manm i reste. Kekfwa si ti annan 2 Manm i kapab nou kapab retard li pou en 10minit, me selman akoz apre nou bezwen retournen.

Apre i annan pou nou osi pran nou manze, *staff* osi pou zot manze. I kree en pti pe, en pti pe problem pou nou.

MR SPEAKER

I kree en pti pe problem pou ou.

HON CLIFFORD ANDRE

Yes.

MR SPEAKER

Ok dan sa ka nou ava pran *break* la e nou a repran travay 2er. Mersi nou a revwar bann delegasyon.

(BREAK)

AGENCY FOR SOCIAL PROTECTION INCLUDING BENEFITS AND APPROVED PROGRAMS OF ASP (Cont)**MR DEPUTY SPEAKER**

Bonn apre midi tou Manm Onorab, nou bann *guests* ki avek nou dan Lasanble Nasional ozordi, sorti kot Minister Lanplwa e Zafer Sosyal e osi piblik ki a lekout.

Nou pou kontinyen nou deliberasyon dan Staz Komite lo *Appropriation Bill 2023* e nou pe regard *heading Agency for Social Protection including Benefits and Approved Programs of ASP*.

Nou'n dekal en pti pe avek letan *so let's be mindful* pou nou sey re atrap letan akoz i enportan nou fini a ler. So bann kestyon e larepons nou ava esey kaptir letan en pti pe kot nou'n arrive.

Prosen entervenan lo lalis se Onorab Bastienne.

HON DESHIELA BASTIENNE

Mersi Mr Chair. Bonn apre midi Mr Chair. Bonn apre midi ankor enn fwa Minis ek ou delegasyon. E bonn apre midi tou piblik a lekout. Minis mon kestyon i annan pou fer avek *welfare officer*. Vi ki Perseverance pou le moman i pe ganny konsidere konman en gran distrik.

I annan 2 Ladministrasyon Distrik, me i annan 1 *welfare officer* ek 1 *social officer* ki pou le moman zot, zot baze dan Perseverance 1.

Eski dan sa Bidze i pe fer provizyon pou ki ki zot *recruit* e *train* ankor enn de *staff*, ki pou kapab deservi nou distrik. E la mon pe koz lo *welfare officer*, akoz Perseverance nou war nou an retar avek nou bann demann ek nou bann konsern.

E sa *welfare officer* ki kommela i baze dan Perseverance, nou war li plizoumwen 2 zour selman pandan lasemenn. E nou aprann ki i bezwen al kouver lezot distrik.

Mon ti ava apresye si zot, zot annan provizyon pou *train* enn de *staff*, ki Perseverance konman en gran distrik i a war li annan son *full time welfare officer*? Mersi.

DEPUTY SPEAKER

Mersi Onorab. *Panel Minister.*

MINISTER PATRICIA FRANCOURT

Thank you Mr Chairman. Mersi Onorab pou ou kestyon. Wi nou okouran ki i en distrik ki *very needy* e i son demann i *very vast*. E letan nou pou fer nou *recruitment*, i en keksoz ki nou pe konsidere *to give full time one person and if need be then nou ava konsider lot osi.* Mersi.

MR DEPUTY SPEAKER

Mersi *Minister.* Prosen entervenan se Onorab Loze.

HON JOHAN LOZE

Mersi Mr Speaker. Mr Speaker *once again* mon kestyon i baze lo Polisi. Mon ti a kontan ganny en lesplikasyon lo Polisi ki pe gid bann Komite entern si i annan *if any*, kot ASP, spesifikman prosedir pou benefis envalidite ki Lalwa i fer provizyon pou *Board Medikal*. Mon ti a kontan ganny en lesplikasyon si zot annan lo mekanizm entern?

E dezyenmman okenn Komite entern ki zot annan ki konsern bann lezot benefis, ki bann aplikan i vini kot zot ki zot dir i pran 2

semenn pou donnen. So mon ti a kontan ganny en lesplikasyon lo zot bann *internal mechanism?* Mersi Mr Speaker.

MR DEPUTY SPEAKER

Mersi Onorab. Mon ava envit *panel* pou - ? CEO?

CEO BRENDA MORIN

Bonn apre midi Chairman. Bon apre midi tou Onorab. Onorab mersi pou ou kestyon. *Regarding invalidity* ek *disability* sa prosedir in la pou detrwa lannen in byen long.

E sa se *Medical Board* ki *deal* avek ki nou, nou'n avoye, me sa ansanm anba reform parey nou'n dir avan pou ganny revize. Mersi.

MR DEPUTY SPEAKER

Mersi CEO. I annan dimoun pe azout kek- ? Yes Onorab Loze.

HON JOHAN LOZE

Anba reform pe ganny revize, Lalwa i *provide* pou *Medical Board* li, mon le konnen an se moman ki mannyer i pe ganny *handled* - si zis *Medical Board*, ouswa si zot annan *Internal Committees* ki pe *re process* sa ki *Medical Board* pe avoy zot ?

Nou anvi konnen e pou bann benefis *welfare* osi ki mannyer i pe ganny *process*. Si zot annan bann Komite Entern ki pe asiz lo *file* dimoun, ki pe fer sa 2 semenn ki Minis i dir nou toulstan vin plis ki 2 semenn.

E ki petet ki Minis osi i ava ganny en lesplikasyon la, akoz li *she seems to be functioning* lo 2 semenn. E mon anvi ou dir nou, ou eksplik nou eksplik Minis tou akoz pe pran pli long? Mersi Mr Speaker.

MR DEPUTY SPEAKER

I le konn prosedir egzakt ki zot annan si zot get rapor medikal ki'n ganny avoye, ouswa si i annan en lot *internal vetting process*. *Straight question proceed* madanm.

PRINCIPAL BENEFIT WELFARE OFFICER MARIE-FRANCE SOURIS

Mersi Mr Chair. Bonn apre midi tou Onorab. Mersi Onorab pou ou kestyon. Pou *Social Security Medical Board*, sa i ganny kouver anba regilasyon *Social Security 2010*, i fer provizyon pou annan sa *Medical Board*.

E tou bann *case* ki ganny aprouve i bezwen pas atraver sa *Board*. E bann aplikan ki ganny met lo benefis pou envalidite ouswa dezabilite, sa bann *case* i ganny renouvre dapre kondisyon ki *Medical Board* i donnent dan zot rapor.

Mon mazinen in ekliersi ou en pti pe Onorab?

MR DEPUTY SPEAKER

Onorab ou'n konpran.

HON JOHAN LOZE

Mr Speaker ASP pe dir nou kategorikman ki zot pa'n *set up* okenn Komite Entern, ki pe *re process* dokiman ki sorti kot *Medical Board*, e zot napa okenn Komite Entern ki pe *re vet* laplikasyon ki pe antre kot zot pou bann aplikan benefis sosyal.

Si zot pe dir nou sa kategorikman *then* mon satisfe, e fotespere nou ava kontinyen koumsa, nou ava aret tann sa bann keksoz ki nou pe tandem. Mersi Mr Speaker.

MR DEPUTY SPEAKER

Mersi. Minister i le klarifye ?

MINISTER PATRICIA FRANCOURT

Mersi Mr Chair. Onorab ou konpran tre byen ki nou pe dir. So mon pou redir ou ankor, sa Komite napa en Komite Entern.

Welfare assistance i annan Komite Entern, se sa koumsa i marse. Nou espere ki letan i sorti kot *the Committee, the Medical, Medical Board* nou pou ganny lenformasyon e nou travay lo la. *The other one is internal for welfare.*

MR DEPUTY SPEAKER

Savedir, i pe dir i depant lekel *case* ki vini. I kler Onorab?

HON JOHAN LOZE

Mersi Mr Speaker. *Your rudeness aside Minister, so napa en Komite ki pe post vet Medical Board?* Zot napa *Internal Committee* zot ki'n dir la.

Zot annan zis en Komite ki pe *vet welfare applications*, ki pe fer li pran bokou plis letan ki 2 semenn ki Minis i asir nou. Mersi Mr Speaker.

MR DEPUTY SPEAKER

Ok Onorab in fer kler poudir napa. Prosen entervenan mon ava kriy Onorab Cosgrow.

HON WALLACE COSGROW

Mersi Mr Chair. Bonn apre midi tou dimoun. Mr Chair mon pou le met mon kestyon lo, lo pa lo Lazans li menm - pa lo Lazans, me selman lo *social safety net* dan *Approved Benefits and Programs of the ASP*.

2021 Bidze *social safety net* ti 21milyon apepre 22milyon. Apre 22 in mont 40milyon e la 2023 *going forward* ziska 2025 i pou apepre 61milyon, en.

Now ler mon fer en pti kalkil Mr Chair dapre lenformasyon ki SS in donn nou boner *between* Zanvye ziska Septanm ti annan apepre 103 dimoun lo benefis *welfare*.

Apre la zot in ganny zot apepre 330, 339 mon krwar ou'n dir apepre dan sa lanniy. Now ler mon kalkil - mon pe donn sak aplikan en maksimonm *benefit* en, maksimonm ki sipoze gannyen.

Ler mon kalkile *between* la avek Desanm, zot pa depanse plis ki R10milyon, ler mon kalkile zot pa depanse plis ki R10milyon.

Me selman zot annan zot en Bidze R40milyon, eski zot kapab dir nou konbyen larzan zot pou fini avek sa lannen? Akoz ozordi i annan dimoun pe konplent poudir zot ganny difikilte *access welfare*.

E dayer mazorite konversasyon ki nou'n gannyen la anndan mazorite zot bann Onorab, zot ateste ki difikilte ki dimoun i gannyen pou ganny lasistans sosyal.

So konbyen larzan nou pe reste avek apre lannen? e si napa larzan, si ou kapab dir nou si sanmenm sa larzan ki'n ganny servi pou aziste sa bann peyman R500 ki Gouvernman bann peyman tanporer ki Gouvernman pe donnen, si zot in tir *from* sa Bidze?

Apre si nou ankor dan 10milyon, ki nou pe al rode dan 21milyon? I annan keksoz an plis ki zot bezwen fer ouswa zot pe al revwar zot Polisi pou dimoun kapab ganny asiste ek lasistans dan larzan ki'n ganny mete?

Akoz i pa pe arive. Mon'n dir mon pou kontinyen dir e mon krwar zot pou dakor ek mwan, nou anvi war sa larzan kot i devret ale silvouple! Aret met *Board* isi aret met *Board* laba, aret fer evalyasyon lo *Board* isi, evalyasyon lo *Board* laba. Mersi bokou.

MR DEPUTY SPEAKER

Mersi Onorab. I annan 2 pwen konbyen pou reste avan lafen lannen. Apre si sa larzan ki pe pran pou fer lazisteman saler?

Bomaten PS, SS Payet ti reponn enpe dan sa lanniy mon pa konnen si i anvi repran pou eksplike? Mersi.

SS PATRICK PAYET

Mersi Mr Chair. Bonn apre midi tou Manm Onorab e tou dimoun ki a lekout. Mr Chair parey mon'n mansyonnen bomaten nou *forecast* ki Minister Finans in fer pou lannen 2023, nou'n pran an kont to lenflasyon.

So nou espekte avek to lenflasyon i kapab arive evantyelman ki annan plis aplikan, ki vin rod demann pou *social safety net*. Sa nou'n pran an kont.

E dezyenm konponan parey Minis Finans in anonse dan son adres Bidze, nou annan en travay ki nou pe fer *National Economic planning* avek bann Lazans konsernen ki enkli ASP nou pe fer *assessment* lo sa *socio-economic needs assessment*.

So i kapab arive osi baze lo sa *socio-economic needs assessment once* ki i konplete, i kapab annan plis aplikan osi ki antre dan prosedir. So nou, nou'n fer sir ki provizyon i la pou lannen prosen avek sityasyon to lenflasyon, lo sa *socio-economic assessment* sa i baze lo *forecast* ki nou'n fer. Mersi.

MR DEPUTY SPEAKER

Mersi. CEO i le azout keksoz.

CEO BRENDA MORIN

Mersi Chairman. Wi i annan keksoz ki mon le azoute. Se zis pou montre ki Zanvye ziska le 17 Novanm, nou'n asiste 2063 dimoun lo *welfare*. E mon le ankor montre ki i annan en prosedir an plas. Larzan pa ganny donnen zis koumsa parey avan ti ganny fer.

I annan en prosedir e osi ler mon'n asiste *the International Protection* Lasosyasyon ki ganny fer, kot tou pei i vini pou nou koz lo bann keksoz *social protection* dan pei, napa enn ki mon'n zwenn ki donn larzan pou nanryen.

So i annan ki ganny evalye -i baze lo merit akoz sa i larzan piblik. Mersi.

MR DEPUTY SPEAKER

Mersi. Me i annan 1 pwen eski sa larzan i larzan ki pe ganny servi pou azisteman saler? Wi ouswa non, SS Payet.

SS PATRICK PAYET

Mersi Mr Chair. Mersi Onorab. Lo sa kote R500 *financial assistance*, sa i dan en lot vot ki nou pou touse Vandredi prosen. I pa ganny enkli ladan. Mersi.

MR DEPUTY SPEAKER

Larepons i non pou sa kestyon. Oule ou annan klarifikasyon?

HON WALLACE COSGROW

Ya Mr Speaker zis en klarifikasyon. Mr Chair konbyen larzan ki aprezan zot in depanse anba *social safety net*, depi Zanvye ziska la? Mersi.

MR DEPUTY SPEAKER

Mersi. CEO.

CEO BRENTA MORIN

Mersi Mr Chairman. Larzan ki nou'n depanse la ziska 17 Novanm i 8.2milyon. Mersi.

MR DEPUTY SPEAKER

Mersi CEO. Mon ava apel aprezan Onorab Gabriel.

HON CONRAD GABRIEL

Mersi Mr Chair. Bonn apre midi Minis ek ou delegasyon ankor enn fwa. Bonn apre midi tou dimoun a lekout. Mr Chair atraver ou mon ti ava le partaz menm santiman avek bann lezot Onorab ki la.

Zot *internal procedures please*, sa i en pti pe bezwen regete, reget enpe ladan. Akoz konman *MNA* pou Pointe Larue, mon ganny bokou difikilte mwan osi pou kapab etabli bann benefis bann *case* ki dimoun *cases* i pas atraver bokou *bureaucracy* mon kapab dir.

So zis *ensure* dir nou poudir nou sa Bidze ki la, i pou annan serten *fairness* ladan kot tou dimoun pou benefisyé sa ki pa kapab vreman pa kapab. Akoz lasosyete, lasosyete i la pou ede sa bann larzan i la pou sa bann dimoun.

Mwan, mon ti a kontan konnen pou distrik Pointe Larue dan tou sa bann programm depi *retirement* an desandan *sickness*, *funeral* lot, lot si tou dimoun Pointe Larue petet si zot annan sa statistik, donn mwan *by district wise* kantite dimoun dan mon distrik ki'n ganny asiste avek *welfare so far* ziska la? Mersi.

MR DEPUTY SPEAKER

Ok reponn spesifikman lo distrik Pointe Larue. *Minister?*

MINISTER PATRICIA FRANCOURT

Mersi Mr Chair. Mersi Onorab. Pou sa dernyen nou napa sa *we can send the statistics to you* e bann leres Onorab si zot bezwen, nou ava anvoy sa.

Onorab parey nou'n deza eksplike *Agency for Social Protection* i la pou asiste dimoun, i nou manda sa e nou fer tou sa ki nou *Act* i demann nou fer *in accordance*.

Nou pa fer sa ki nou le nou *choose* pou donn en pe dimoun, pa donn enpe dimoun i pa mars koumsa. *We have to follow what the procedures are.* E mon kontan poudir kot Lazans i annan en prosedir ki marse e sa prosedir ki marse *there is fairness, because it's not one person who decides.* As oppose to before ki ou ganny en *phone call* ki dir ou donnen pa donnen – non! I annan en prosedir i annan kriter.

Mwan menm mon konman Minis mon pa kapab *reverse* sa akoz i ale i sorti kot zot premyerman si sa dimoun pa'n ganny sa lasistans i al lo en *Appeals Committee* ki endepandan e i annan diferan dimoun an deor ASP ki asiz lo la.

What we see is the majority of the times ler ASP in go through son criteria, e son ability to actually approve or not approve si i annan en appeal, most of the time sa Appeals Committee doesn't reverse sa sityasyon.

Savedir sa *preliminary* desizyon ki'n ganny fer i korek, e si i *reverse it's fine.* Mon pou mon bann *cases* pou vin devan mon *extreme cases*, ki ekstraordiner preznan ou pe asize ou pe get... Parey bomaten enn de *MNA* la in koz ek nou bann *extreme cases* preznan ou ale ou regard ladan.

Me selman mannyer sistèm i ete ki mannyer *SOPs* i ete in tire tou sa labi ki ti annan kot ASP. ASP i en Lazans ki pe travay drwat.

E mon lapel avek dimoun *out there, please come forward.* I parey letan ou *apply* en *loan* kot labank pa i dir ou anmenn tou ou dokiman? Be akoz kot ASP i en problem pou dimoun anmenn son dokiman?

You have to bring the documents pou nou fer verifikasiyon. Annou aret fer nou dimoun konmsi viktim. *People are not victims, they should know how things work and follow procedures.*

Follow procedures i dan tou keksoz;- zot *follow procedures* isi dan Lasanble. Nou, nou *follow procedures* dan travay, i en

prosedir an plas. So therefore annou empower nou dimoun pou zot kapab pran zot responsabilite. Come forward mon kontan zot pou donn en koudmen - sa dimoun kekfwia i bezwen en koudmen.

Be partou kot ou ale dan tou lofis i donn ou en dokimantasyon pou verifikasyon. So let's empower dimoun. Nou, nou pa ser dimoun nou. Nou vini i apply i approve i al lo son kriter. I approve oubyen i pa approve i annan en appeals process in place. Nou la pou nou soutenir dimoun. Mersi.

MR DEPUTY SPEAKER

Mersi Minister. Mon war ou pe rod klarifikasiyon. Me selman mon konman en Manm Elekte *my advice to the Assembly*, se letan nou pe deal avek sa bann Lazans Gouvernman ekrir zot, ekrir zot demann zot dokimant sa case.

Parske i fasil pou vin la anndan e eksprim nou drwa lekspresyon e zis dir i annan 2mwan i annan 2 semenn case pa marse.

Mwan I always write to Madam Tirant and I got proof whenever there is a case. So ki si demen i annan en case pou nou leve avek okenn antite Gouvernman, i annan rikord parey Minis pe dir bann clear procedure, ki nou a kapab backup nou stetment par proof of sa bann keksoz ki nou pe dir. Onorab oule fer klarifikasiyon? Mersi.

HON CONRAD GABRIEL

Mersi Minis pou ou well detail repons. Me selman avan ou ale mon pou met en case devan ou e we'll follow up from there - it's been 1 year. Mersi.

MR DEPUTY SPEAKER

Apre ki ou fini koz ek Minis, Onorab, osi anvoy en email pou Minis akoz telephon, en konversasyon napa laprev poudir nou ti'n deza met en konversasyon. Prosen entervenan Onorab Pillay.

HON SEBASTIEN PILLAY

Mersi.

MR DEPUTY SPEAKER

Non, mon ... Hold on. Mon'n note poudir i annan ler nou'n antre, i annan 3 Manm in lev lanmen 2 lo kote US e 1 lo kote LDS. Dezormen mon pou pran zis bann Manm ki ti lo lalis avan - yes Onorab Romain ou lo la ou ki lo lalis avan Speaker i ale akoz we

try to catch up with time, so I'm not opening possibilities for new question.

So Onorab Pillay *proceed, unless* Onorab Pillay dan son 5 kestyon ki i pe al demande i demann ou 2 li i pran 3. *Proceed* Onorab.

HON SEBASTIEN PILLAY

Non be la mon krwar Mr Chairman la mon krwar ou pa pe *fair* la. Si en Manm in lev son lanmen, in lev son lanmen ou pa kapab fer koumsa.

HON SYLVIANNE LEMIEL

(Off-Mic)

MR DEPUTY SPEAKER

Look I have la, la mon fek pe koz laprev avek zot la papye devan mon lekel bann dimoun ki zot non i lo la enkli Onorab Romain sorry mon pa ti'n war ou limero 12. So Onorab either ou proceed ouswa nou move on to the next.

HON SEBASTIEN PILLAY

Mersi ou pe pran son non, non?

MR DEPUTY SPEAKER

Non mon pa pou pran mon'n dir akoz we're *trying to catch up with time*. Ale.

HON SYLVIANNE LEMIEL

(Off-Mic)

Mr Speaker les mon a dir en pti keksoz.

MR DEPUTY SPEAKER

Ale.

HON SYLVIANNE LEMIEL

Mr Speaker mon pa konnen kwa ki'n arrive - mon pa konnen si i annan dimoun lo *panel* ti war ler mon ti lev mon lanmen oubyen, si lo lot kote ti war. Mon ti lev mon lanmen parmi bann premye ansanm avek Onorab Regina.

Nou ti lev nou lanmen, *ok?* Mon war i drol Mr Speaker in pas kot lezot apre in vin lo Onorab Regina apre in dir in bliy Onorab

Regina, be i drol ki mon non pa lo lalis. Mon krwar lezot i kapab ateste ki mon non ti lo lalis. Mon le mon ti lev mon lanmen.

MR DEPUTY SPEAKER

Lekel ki kapab ateste?

HON SYLVANNE LEMIEL

... so if LDS ti war zot war zot anfas mon zot kapab ateste, ateste ek Mr Speaker i a met mon non lo lalis. Mersi!

MR DEPUTY SPEAKER

Yes Onorab Esparon?

HON REGINA ESPARON

Mr Speaker bonn apre midi. Wi mon kapab konfirmen letan mon ti pe lev lanmen mon ti pe regard Onorab Lemiel e Speaker ti war nou. Nou ti parmi bann premye ki ti lev lanmen avan lezot.

MR DEPUTY SPEAKER

Ok very good. So akoz i annan sa 1 Manm ki'n dir i ateste, so nou ava donn ou sans selman Onorab Pillay savedir ou proceed.

HON SEBASTIEN PILLAY

Mersi Mr Speaker Mr Chairman. Mon *hope* ou pa, ou pa tro ankoler ek sa zafer yer sa zafer Lalmanny pa ti dan bon. *So ok* Mr Chairman mon bezwen demann en lesplikasyon kler lo sa bann sif ki devan nou.

Akoz nou bezwen ganny en konpran la en? I annan plizyer Manm mon'n tann Onorab Bastienne lo lot kote latab boner mon'n tann Onorab Naidu kot lo problem sosyal.

Plizyer Manm pe eksprim en konsern vizavi en keksoz kekfwa ki pa pe azoute ki pa pe marse. E nou ti a kontan ganny en konpran; dan Bidze anba *social safety net* pou 2022 i annan en sonm R40milyon 680mil.

Nou'n ganny dir poudir dan sa Bidze R40milyon 680mil, nou'n depans R8.2milyon. Savedir i annan en balans R32milyon 480mil. So premye kestyon kote sa balans R32milyon 480mil i ete e prezan si nou pe al donn ankor R61milyon 769mil, eski sa i enkli sa R32milyon 480mil oubyen i R61milyon *over and above* sa R32milyon 480mil? Rezon mon demann sa kestyon Mr Chairman, se akoz nou pa kapab vote met larzan dan en Bidze pou asiste

dimoun, me sa i vin zis konman en *book entry* e larzan pa ale ver lasistans dimoun.

No matter kantite prosedir ki nou oule mete, mon *issue* se ki larzan pa pe ganny depanse relativ avek *rate* ki Minister Finans pe etablir.

Prezan mon dezyenm kestyon, mon dezyenm kestyon i lir koumsa, ler mon regard *forecast* e mon konpar *forecast 2018 up to 2020*, *forecast* ki ti annan oparavan an relasyon avek *social safety, net* sete en sonm 54milyon ki ti son *actual* an 2019.

2020 ti *Budget* 47mil apre ti *revise* pou vin sa 27milyon akoz *Covid*. 2021 ler Gouvernman *LDS* ti pe pas son premye Bidze i ti desann pou li vin R21milyon. Alors mon kestyon i kwa ki in fer ki aprezan in retourne lo preski menm nivo ki nou ti annan an 2020;- savedir nou'n ariv R61milyon - kwa ki'n fer pou nou, pou nou retourne laba?

E mon trwazyenm kestyon prezan, si nou pe ganny dir ki napa *additional* prosedir entern, napa *additional* konplikasyon entern, me akoz alor ki nou pe demann *MNA* pou *call Lazans* pou rezourd problem *welfare*, kan prosedir li menm i devret adres sa bann problem? Savedir nou le retourne *back to* ki nou'n dir nou le tire kot *MNA* i enterfer dan *welfare* e la nou pe dir i vin zouti politik.

So akoz nou pe nou pe fer sa? Sey fer mon konpran kote ki annan en nen ki anmare ki anpes sa larzan sipoze ariv kot sa dimoun? Mersi Mr Chairman.

MR DEPUTY SPEAKER

Mersi Onorab. Mon'n not 3 pwen. SS premye, *proceed*.

SS PATRICK PAYET

Mersi Mr Chair. Mersi Onorab. Mr Chair parey tou Manm e popilasyon Sesel osi i okouran ki, letan en Bidze pa ganny depanse dan en alokasyon ki'n ganny fer, sa i retourne dan *Consolidated Fund*.

So si i annan evantyalite ki sa 40milyon ki nou pe *forecast* 2022 e parey *CEO* in mansyonnen ki ziska prezan apepre 8.2milyon ki'n ganny depanse, si *forecast* kekfwa i depans apepre 10milyon, 30milyon i retourne dan *Consolidated Fund*.

Me sepandan parey mon'n mansyonnen nou *forecast* pou Bidze 2023, nou'n prenan kont aktyalite ki pe arive sa lannen. E osi to lenflasyon lannen prosenn e parey mon'n mansyonnen ki

nou annan sa revizyon dan sa *socio-economic needs assessment based on non-income dimension of poverty*.

So i annan en travay ki pe ganny fer, ki nou war *once* ki zot pa pou pran zis *income*, zot pou pran lezot fakter, nou'n war ki i pou annan plis dimoun ki pou kalifye. So sa en travay ki Departman *National Planning* pe fer avek bann lezot lenstitisyon.

E osi parey Minis Finans in mansyonnen, ki *the financial assistance* i pou arete *by end of March*, so nou espekte ki si i annan bann endividé zot *feel* ki zot bezwen plis lasistans, e nou espekte tousala nou'n pran an kont dan *forecast* Bidze 2023.

So nou letan Minister Finans nou'n pran *forecast* pou lannen 2023, nou 'n prenan ankont travay ki fer avek bann Lazans, pou war ki mannyer nou kapab asiste plis bann endividé, si i annan ki vin devan.

I parey *financial assistance* - zis nou prenan kont the *private sector* - *the private sector* konpare ki nou ti espekte zis 791 endividé from *private sector* ki'n vin devan. Me nou letan nou ti pe fer nou'n fer *forecast* aepre 3mil a 4mil sekter prive.

So nou war menm si nou fer *forecast*, me selman i depan sa endividé pou zot al kot fer bann prosedir konsernen, pou zot kapab kalifye dan bann *Scheme* ki nou pe met, met an plas. Mersi Mr Chair.

MR DEPUTY SPEAKER

Mersi SS. *Minister*?

MINISTER PATRICIA FRANCOURT

Mersi Mr Chairman. Mersi Onorab. SS in donn en bon klarifikasyon, me selman les mon anmenn ou en pti pe sa voyaz an aryer. Ou pe koz lo *figures* annou get 2018 ti R71milyon.

2019 - R54milyon, 2020 - R123milyon, 2021 - R21milyon. Zis an Out 2020 Bidze ti arriv R14.8milyon *more than* 5mil800 ki ti ganny benefis. Eski sa ki nou oule pou Sesel? *I don't think so, right?*

Nou, nou pe travay pou *empower* dimoun pou pa vin dependent lo *welfare system* when they can wake up and go to work.

Nou'n dir bomaten 2020 nou pa ankor ganny - depi 2020 nou pa ankor ganny nou latest statistik on *unemployment* e mon asire ler nou, nou pou ganny statistik, i pou montre ki kantite dimoun in tann nou lapel e zot pe leve, zot pe debourye e zot pe fer *betterment* pou zot fanmir.

E zot pe fer zot fanmir fyer avek sa lafyerte travay. *So coming back to sa bann figures letan nou dir, i preski pe tonm menm parey normal, zis akoz in tonm dan eventualities ek bann sityasyon ki pe arive and uncertainties, right? So nou'n push li up.*

The budget is there. Nou, nou pa kapab fors dimoun pou vin devan pou vin apply. So they follow the procedures and they apply si zot merite zot pou ganny approval.

Me si letan in fer verifikasyon in fer tou keksoz, zot pa *qualify they don't qualify*, so annou aret zwe politik ek sa bann keksoz. Bidze i la. Bidze i la, dimoun *have to come forward and apply*.

Nou prosedir i kler nou. Zot ki evantyelman anmenn sa bann *case individual* la dan Lasamble. Mwan, mon dir en dimoun si oule poste son let poste dan bwat postal, pa poste 1a. Akoz *then* nou ava konnen egzakteman parey Mr Chairman in dir, lekel sa dimoun ki sa konplent e *we follow it through*.

Sak fwa mon vin Lasamble, ou tann dimoun in mesaz mwan, dimoun in - be sa bann dimoun vin devan vin kot nou, nou konnen *we follow you through*.

MR DEPUTY SPEAKER

Mersi Minister. I annan 1 pwen ki pankor klarifye tou in kouver. Onorab?

HON SEBASTIEN PILLAY

Mersi Mr Chairman. Premyerman mon le zis klarifye avek SS. 791 dimoun dan *private section* ki'n vin rod lasistans, sa ki nou'n tande se ki dimoun pe dir prosedir ki pe dekouraz zot.

Prezan mon le vin lo 1 pwen, petet mon ava adres Minis, *look mwan ou kapab mont lo ou seval. Dir sa ki ou anvi mon ...*

MR DEPUTY SPEAKER

Non, non, non Onorab! Onorab non, non, non! Tou dimoun ki la anndan nou bezwen egzers lakourtwazi, parske akoz, nou pa pe koz zis pou nou la anndan lemonn antye pe ekout nou.

E sertennman i pa sa kalite latitud ki nou anvi. Nou kapab *agree to disagree, but we do so dan en langaz ki akseptab pou tou dimoun, partikilyerman lazenes Seselwa. Proceed.*

HON SEBASTIEN PILLAY

Mon ava *rephrase* - mon pa ava servi mont lo ou seval. *Look oule kourtwazi donn kourtwazi a nou tou! Ou pa kapab ankoler sak*

fwa nou *raise* en *issue* ki konsern ou Minister, e pran li personnel as if nou pe koz personnelman lo ou.

Ou pe donn nou en bann *figures* ki pa korek. La mwan, mon annan *forecast* pou 2020 mon annan *budget* 2020 ti 44 *revised upwards* 77milyon par 33. *And then* akoz Covid, akoz Covid ti *increase*. Ok? Ou pa kapab pran sityasyon Covid pou dir nou.

So kestyon ki ou devret pe reponn, ozordi ou'n ganny ou en Bidze 30ekek milyon ou'n depans ou 8.2milyon. Ou pe rann *almost* 30milyon - dan sa 30milyon ki ou pe rann, pa zis mwan, ou bann prop *MNA* ki pe bat lanmen enn laba Perseverance fek pe konplent *case* i tarde, *case* i isi, *case* i laba.

Selman at the same time ou pe dir nou ki pe anmenn sa bann pwen dan Lasanble. So kestyon ki nou annan pou ou se, eski Bidze i vin en *book entry* kot nou dir nou pe met larzan pou ed dimoun?

Oubyen se Minister Finans ek tou son bann eksper ki mal, ki pe dir poudir bann endikater sosyoekonomik alors i bezwen met en pe plis larzan dan Bidze. Oubyen se ou ki byen ki pe dir dimoun ki devret isi pli laba, pli laba?

We have to know, akoz si nou pe donn ou Bidze pou depanse;- Bidze pe depanse e ou pa kapab e *still* i annan konplent. So *where is the problem?* Si problem pa avek prosedir, problem pa avek dimoun, *then* problem *has to be somewhere*. Pou le moman, pou le moman prezan ou Gouvernman i o pouvwar *it's not about* ou Gouvernman, *this is about* nou Lasanble nou pe vot en Bidze pou en *social safety net*.

So si nou pe retourne sa kantite larzan, *we need to know why*, nou pe retourne sa kantite larzan? E *whether* dimoun ki sipoze ganny asiste pe ganny asiste. *And then* Mr Chairman avan mon terminen, mon krwar i annan 1 pwen mon'n blyie e dan pe *focus* zis lo *welfare*, mon'n blyie *focus* lo sa bann dimoun.

Ou kapab deside pou pa *allow* sa pwen, me selman mon pou bezwen fer li, e sa i konsern *retirement benefits*, ok? An relasyon avek *retirement benefits*, nou'n tann bokou konsern eksprimen par serten dimoun - serten bann dimoun lo *retirement benefits*, an relasyon avek sa bann ki pe ganny en pansyon, *plus* en sekirite sosyal, zot pe dir ek ou menm ler zot pou azout ansanm pa zot tou premyerman ki zot pe benefisyek avek sa R500.

E dezyenmman, serten ki sipoze benefisyek avek sa R500 i annan en problem dan sistem, kot zot pa pe kapab ganny sa R500 akoz en sistem e sityasyon prosesis banker.

So eski ou kapab klarifye en pti pwen pou mwan otour *retirement benefits*. Eski Gouvernman oubyen Minister Finans, in konmans fer okenn diskisyon, lo pou ogmant pansyon retret, atraver ki nou donnen atraver - sa atraver ASP - atraver sekirite sosyal lapey sekirite sosyal, ki ozordi mon krwar i 5mil ekek.

Eski Gouvernman in fer okenn diskisyon pou ogmant sa pansyon retret? E si zot in fer li par konbyen ki Gouvernman pe deside ogmant li eski i pe al anver R7mil oubyen plis?

Akoz si mon swiv largiman SS Payet e mon servi poursantaz logmantasyon ki ou pe donnen dan *social safety net*, e mon *apply* logmantasyon menm poursantaz lo sak retrete, *it comes to around R7mil ler nou pe regard sa logmantasyon ki ou pe mete*. So eski ou kapab klarifye sa pou mwan?

Mersi Mr Chairman e mon demann leskiz bann zanfan ki'n tann mon dir Minis mont lo son seval. Me parfwa i enportan *respect given is also respect earned*. Mersi.

MR DEPUTY SPEAKER

Mersi Onorab. Avan ki *panel* i reponn e la mon pe koz konman en koleg Lasanble - nou bann Manm Lasanble nou bezwen konpran, aksepte e respekte poudir tou bann antite i annan bann prosedir ki i met an plas.

Setadir si *ASP* i met bann prosedir i kalifye son dimoun, sa dimoun i bezwen dir nou sa Manm Elekte dan distrik poudir ek sa dimoun ou bezwen fer sa, fer sa e obeir sa ki *ASP* in demann ou.

Ou pa kapab pa fer apre fors *ASP* zis donn larzan *right, left and center*. Mwan konman en Manm Elekte ki vot lo zot Bidze *I will never accept this!* Mon oule ki zot swiv prosedir e mon oule ki dimoun an deor dan distrik Mont Buxton i swiv prosedir.

Panel proceed with the answer, apre nou ava retourne lo ou si fodre. Non akoz Lasanble i bezwen en ledikasyon pou piblik nou bezwen fer nou dimoun respekte prosedir.

(Off-Mic)

MR DEPUTY SPEAKER

Onorab ou'n fini fer ou entrevansyon mon pe envit *panel* aprezan pou reponn ou klarifikasyon. Mersi.

SS PATRICK PAYET

Mersi Mr Chair. Mr Chair parey lanons Bidze in ganny fer, ozordi en pansyoner *retirement benefit through ASP social security*, i pe

ganny li R7mil 750 apre i pe ganny li sa lasistans avek bann ki *below* sa *threshold* R9mil, i pe ganny sa lasistans R500.

E sa parey nou'n mansyonnen dan Bidze, sa i pou kontinyen ziska lafen Mars. E tou bann dimoun ki'n deza kalifye ozordi otomatikman nou pou amann regilasyon, ki zot pou kontinyen ganny sa R500.

Me parey zot konnen, i annan bann dimoun osi ki pe ganny minimonm ki pe ganny pansyon avek Fon Pansyon e *the minimum pension* ki bann dimoun ki kalifye ki ganny pansyon i R3mil. So sanmenm sa ki nou letan nou'n regarde ki nou'n met sa baz R9mil.

Me *however* Mr Chair, i annan en travay zeneral nou pe fer ki sa Komite ki nou pe travay avek Labank Mondyal, ki nou pe evalye bann lezot senaryo. E sa travay pe kontinyen lannen 2023, avanler kekfwa Gouvernman i pronons lo sa reform ki nou pe fer.

So i en travay kontinyel ki nou pe fer, me parey mon'n dir sa R500 li i pou kontinyen ziskan lafen Mars. E otomatikman bann dimoun ki'n kalifye bann pansyoner ki'n kalifye, otomatikman sa pou ganny entegre dan zot *retirement benefit*. Mersi Mr Chair.

MR DEPUTY SPEAKER

Mersi SS. I annan dimoun lo panel pe azout kek keksoz avek. Non. Pwen klarifikasyon nou ava *proceed* pou nou terminen.

HON SEBASTIEN PILLAY

Mersi bokou. Mon bezwen ganny en pwen klarifikasyon la, en *ok*. Dan son adres devan Lasanble Prezidan Larepublik ti dir ki sa *emergency temporary assistance* pou kontinyen, *ok*?

La SS pe dir nou ki sa ki anliny avek Minis Finans i pou arete an Mars. So nou'n ganny 2 diferan stetment. Nou'n ganny 2 diferan stetment;- enn fer par Prezidan dan Lasanble enn fer par Minister Finans.

So mon ti a kontan nou konfirmen, eski apre Mars en retrete ki lo en *retirement benefit* R5mil 750 eski sa R500 pou kontinyen ganny azoute avek son larzan *indefinitely* ziska ler i mor? Nou kapab zis ekliersi sa?

E apre zot pou travay lo sa logmantasyon ki zot in dir *World Bank* pou travay lo la or eski i pa pou gannyen? Prezan pou bann ki atraver zot pansyon ki zot pe gannyen avek *Pension Fund*, an menm tan ki zot pansyon retrete ki nou gannyen ki zot Gouvernman i donn zot anba sekirite sosyal, ki ou dir mwan i pa tonm R9mil, eski ou'n konsidere pou ou fer en keksoz lo la?

Akoz baze lo plan analiz Minister Finans, ou'n fer en logmantasyon apepre 50poursan dan ou *social safety net*. So mon ti pou espekte ou pou fer logmantasyon apepre 50poursan pou *match* an relasyon avek ou *retirement benefit*.

Otherwise then ou pe envit bann dimoun en *retirement benefit*, pou vin rod larzan anba *social safety net*. Sa ki mon pe, mon pe sey klarifye. Mersi.

MR DEPUTY SPEAKER

Mersi. SS i le klarifye sa bann matematik.

SS PATRICK PAYET

Mersi Mr Chair. Mr Chair kekfwa mon a fer sir ki i kler, i pa konfiz okenn endividé. Parey mon'n mansyonnen ki sa R500 i kontinyen ziska Mars, sa bann dimoun, sa bann endividé ki pe ganny sa R500 *financial assistance*, sa i pou entegre dan sa *retirement pension* kontinyelman.

Savedir sa pou entegre. Nou pou fer sir ki letan lamannman regilasyon sa pou entegre. Sa benefis ki zot pe gannyen ozordi ki ti en lasistans tanporer i pou vin permanan, me selman zis sa bann dimoun ki'n kalifye, ok?

Dezyenm konponan Mr Chair, zis pou azoute ki bann dimoun ki ganny en panson avek Fon Panson, parey zot konnen tou endividé ki ganny en logmantasyon baze lo to lenflasyon. So i annan en *cap increase* - i annan en, en *percentage increase* ki *cap* apre Lalwa.

Me selman tou le lannen tou sa bann endividé, i ganny en *increase* - bann dimoun ki pe benefisyé avek Fon Panson, me osi sa i *cap* avek en maksimonm R75mil. So bann endividé ki'n deza sot sa R75mil zot, zot pa war sa logmantasyon dan zot panson kot Fon Panson.

E *secondly* kekfwa Mr Chair pou azoute ki kekfwa letan zot regard sa *increase* lo *social safety net*, ou pa pou war li kekfwa menm poursantaz avek *retirement benefits*, acoz *social safety net* nou pe koz sirtou bann dimoun ki pe travay, me selman ki bezwen en *further* lasistans.

So i pa parey en dimoun kekfwa li i pe ganny bann lezot benefis. So par egzanz nou tou nou okouran ki kantite travayer Seselwa, i *almost* annan 40mil. So definitivman letan pou regard logmantasyon, i pou i pa pou parey en *retirement benefit* letan nou pe fer *forecast* Bidze, konpare avek en *social safety net*. Mersi Mr Chair.

MR DEPUTY SPEAKER

Mersi SS. Nou pou pas laparol avek prosen entervenan. Onorab Romain.

HON GEORGES ROMAIN

Mersi Mr Chair. Bonn apre midi Mr Chair. Minis bonn apre midi avek ou delegasyon. Pou konmanse mon ti a kontan remersi Ms Morin ek Madanm Souris pou zot sipor ki zot in donn mwan dan Anse Etoile pou mon kapab deservi mon zabitan.

E mon kestyon lo Bidze si mon al lo zot *current challenges*, mon war ki zot in fer resorti ki popilasyon pa ase okouran, lo bann diferan benefis ki *ASP* i ofer. Alors mon kestyon - akoz sa osi pou ed nou konman *MNAs* dan distrik - akoz bokou dimoun ler i vin kot nou kekfwa ennler si zot ti ganny sa lenformasyon davans i ti pou kapab ed zot pli byen.

Kwa ki vreman *ASP* pe fer pou kapab rektifye sa bann problem dan 2023? Apre mon ti annan en lot mon kapab dir kestyon en pti leklersisman kekfwa fer nou eksplik nou lo la.

Mon annan en sityasyon ki parey mon annan en dimoun, ki pa war kler in ne pa war kler, e definitivman i ganny lasistans atraver *ASP* par egzanp son pas bis ;- i pa bezwen ganny bis pou nanryen.

E sa selman i pe ganny renouvre tou le 3mwan. Me i pe santi sa i en problem akoz i realize i pa pou zanmen war kler i ne koumsa. So mon pe regarde si sa sityasyon pa pe kapab ganny rektifye, ki sa i vin permanan ki pa bezwen war li tou lazournen pe renouvre sa, sa *bus pass*? Mersi Mr Chair.

MR DEPUTY SPEAKER

Mersi Onorab. *Minister.*

MINISTER PATRICIA FRANCOURT

Mersi Mr Chairman. Mersi Onorab. Onorab wi zisteman sa pti evalyasyon ki ou'n fer *about raising awareness e sensitisation*, nou kritik nou lekor nou *internally* letan nou konnen poudir keksoz pa pe marse.

So we sit down round the table avek *Management team* avek en *Board* osi, e nou regarde kwa ki pe mars mal oubyen kwa ki kapab vin pli byen.

E nou'n realize poudir nou bezwen fer en kantite *awareness e sensitisation*, lo bann *statutory benefits*, espesyalman ki bann dimoun i konnen, *what are their rights* e ki bann *benefits* ki annan.

E letan dimoun i konnen savedir i pli o fe e si sa i *part of the campaign of this Government* pou *empower* dimoun e fer dimoun *much more educated in the sense of knowing their rights*. E *knowing their rights in benefits is justified* alor nou bezwen fer sa.

So nou kanpanny se pou annan bokou plis *adverts*. Lo televizyon nou'n fer en kantite laparans lo televizyon *this year*. E nou pe mazinen poudir nou pou *increase* sa *next year* e nou travay vreman byen avek SBC pou fer sa. I annan bann *spots* nou oule fer.

Nou oule fer *series actually of lenformasyon*. You know parey en mon, mon'n dir parey en ekivalan kwen legal ou konnen.

So ki sa programm ki nou konnen i en sikse ki ou ganny en *series of awareness sessions*. Apre osi letan mon ti pe dir nou ti al dan distrik Praslin avek La Digue pou al fer *sensitisation* nou al Minister antye parey mon ti dir bomaten.

Sosyal i ale ASP, i ale Lanplwa i ale. Savedir letan nou la tou dimoun i kapab vini *for any questions that they want to know*, zot vin demande pou *leaflets* - en kantite. Nou'n *reprint* tou nou bann *leaflets* ki fodre an Kreol.

So tou dimoun i kapab ganny akse Semenn Kreol ki nou fek pas ladan, ti annan en, en *stall* zot ti donn mon Minister an antye Sosyal, Lanplwa avek ASP, nou'n fer sir nou'n remet tou nou bann lenformasyon an Kreol so dimoun i kapab *access*.

So sa i en travay ki nou konnen nou ti nou, nou'n fer me selman nou kapab fer pli byen. So *this is to come*. Mersi. Mon a pas avek Madanm Souris pou koz lo dezyenm bout. Mersi Onorab.

MR DEPUTY SPEAKER

Sertenman.

PRINCIPAL BENEFIT WELFARE OFFICER MARIE-FRANCE SOURIS

Mersi Onorab. Bann dimoun *disable* zot kalifye zot pou ganny en *bus pass* avek kot *Disabled Council* zot al laba, e zot anmenn zot bann dokiman pou zot kapab gannyen.

Annefe pa tou ki kalifye, akoz i annan dimoun ki kapab dan lanplwa zot pa ale zot menm pou al rod sa *bus pass*, me selman zot kapab kalifye pou gannyen.

MR DEPUTY SPEAKER

Mersi. Ou annan kalifikasyon? Vitman.

HON GEORGES ROMAIN

Mersi Mr Chair. Minis mersi. Madanm Souris mersi pou ou larepons. Me selman mon kestyon vreman ki mon ti pe demande mon'n ganny dir kekfwa i tonm kot Minis Lafanmir, me selman sa ki mon ti pe demande sa *bus pass*, akoz dapre konpran ou bezwen *renew every 3 months*. So si mon ti pe regarde si kapab *permanent definitely* akoz sa dimoun i ... Mersi Mr Chair.

MR DEPUTY SPEAKER

So *bus pass* lekel ki *renew ASP* ouswa -

PRINCIPAL BENEFIT WELFARE OFFICER MARIE-FRANCE SOURIS

Usually i *renew* tou le 2an i pa donnен pou *3 months*. I parey *retirement* zot ganny zot *pass* pou 1an, zot renouvel apre. Tou an se moman i pa kot *ASP* i kot *Family Affairs*, petet laba ki kapab klarifye pou sa ki kantite letan pe pran. Petet i en novo prosedir ki zot, zot in met an plas.

MR DEPUTY SPEAKER

Ok mersi Madanm Souris. *Minister?*

MINISTER PATRICIA FRANCOURT

Very quickly Mr Chair, mon konpran egzakteman ki Onorab pe dir. En dimoun i *blind*, en dimoun in *blind* sa ki ou pe dir pa bezwen ki i kontinyelman - mon a pran sa lenformasyon mon ava diskit avek mon koleg *Minister*. *Thank you*, mersi.

MR DEPUTY SPEAKER

Mersi pou sa *Minister*. Onorab Lemiel.

HON SYLVIANNE LEMIEL

Mersi Mr Chair. Mon ti a kontan remersi Onorab Esparon pou ateste ki mon'n lev mon lanmen e mersi Mr Chair pou konsidere. Bon apre midi ankor enn fwa Minis avek ou delegasyon *ASP*.

Bon i annan 3 logmantasyon ki mon war *invalidity benefit*, *disability benefit*, *supplementary benefit*. *Supplementary* mon krwar ki sanmenm sa ki bann dimoun ki'n ariv ka dife, petet ki ganny asiste anba la.

Petet ti a bon nou ganny en pti lenformasyon petet akoz sa *increase*, eski zot pe mazin pou reviz sonm ki zot pe donne aktyelman? SS in koz lo kou lavi, zot in revwar lakantite lasistans or sa in dir anba sa *social safety net* vot ki'n monte par R20milyon.

So mwan, mon konsern la i lo *semi orphans benefit or foster care*. *Semi orphans* mon war i mont en pti gin petet mon pe mazinen li sa logmantasyon li i dan menm laliny ki mon *supplementary* petet akoz?

Me *foster care - foster care* osi nou pe mazinen poudir kou lavi in monte ozordi. E sa bann paran ki pe *foster* sa bann zanfan petet zot osi zot pe war zot, zot pa pe kapab soutenir *or tenir if I'm not mistaken* i R1300 si mon pa tronpe.

So eski dan sa laliny li in desann li son Bidze, so mon pe mazinen li petet enn akoz in desann? E eski zot pe mazin a lavenir dan zot bann diskisyon revwar pri lavi, revwar tou kou ki annan avek zot pe mazinen osi?

Aranz en pti pe sa lasistans *foster care please?* Mersi Mr Chair.

MR DEPUTY SPEAKER

Mersi Onorab. Minister.

MINISTER PATRICIA FRANCOURT

Mersi. Mon a pas lo sa dernyen bout Onorab. Mersi pou ou kestyon. Akoz mon osi mon fer en gran konversasyon *a few weeks*, ziska yer mon pe koz lo la. Mon krwar ler mon ti get sa *figure* mon dir zot konbyen letan sa, sa *figure* i la.

E mon ti kontan bann dimoun Finans osi ti dan lasal letan mon ti pe diskite ki zot in tande sa lapel. Wi i pa realistik ditou sa *figure*, e *definitely* nou pou bezwen regard en *review on it*. *It's been there for many, many years I understand.*

E pri lavi in sanze e sa larzan i *for the child* letan nou pe regarde, en fiy son bezwen mon krwar i R1500 keksoz si mon R1540 wi i bokou i pa ase. *And then also* nou ti pe koz lo bann *foster parents themselves*, pou ou antre dan sa laliny pou ou *become a foster parent* ki zot gannyen - konpran?

So petet nou en diskisyon ki nou bezwen fer avek *finance internally*, me nou *I'm so happy* ki ou lo menm *page* avek nou.

Mersi. So mon krwar Chiara pou pran dezyenm bout, mersi.

MR DEPUTY SPEAKER

Mersi Minister. Please proceed.

FINANCIAL CONTROLLER CHIARA CULTRERI

Ok mersi Mr Chair. Mersi Onorab. Sa logmantasyon anba *supplementary* i akoz *ASP* pe pey en *monthly grant to Ste Elizabeth of 70k* sa lannen. Me selman zot ti fer en *request* poudir i pa tro ase pou zot, akoz zot pe *cater* pou plis zanfan so zot in fer *a request to increase to 156 thousand Rupees* tou le mwan.

So nou'n met dan Bidze pou sa *increase*. As for *semi orphan*, after the campaign ki *Miss Seychelles* ti fer lo *semi orphan* nou'n war poudir plis paran pe vin devan, wi pe vin devan so that's why i annan *increase*. Thank you.

MR DEPUTY SPEAKER

Proceed Onorab ou annan en klarifikasyon?

HON SYLVANNE LEMIEL

Mersi Mr Chair. Mersi pou zot larepons. Petet zis akoz nou fek sorti vizit Ste Elizabeth Sanmdi, e petet nou pa ti vreman - Komite mon pe koz *Woman's Caucus* la en - petet mon pa konnen si nou'n ganny serten lenformasyon lasistans ki zot ti gannyen.

E petet sa lasistans i al ver *towards* kwa? Konmsi in ogmante pou vin R157mil par mwan i al *towards* kwa sa lasistans? Mersi.

MR DEPUTY SPEAKER

Mersi. Minister.

MINISTER PATRICIA FRANCOURT

Mersi Onorab. I son bann *running costs* sa. E for the longest time i ti R70mil ki again nou ti zwenn ek Levek Katolik, avek son *clergy* e noui ti dir non, *that is not enough*, the fact ki numbers kot Fwaye pe *increase*. So, zot bann *upkeeping* e zot bann *needs* ki zot bezwen, of course in addition konnen fwayer i ganny bokou donasyon avek par egzanp STC lot, lot, ki ede.

Me selman ler ou annan sa kantite pti latet kot Fwaye zot consume a lot, so mon apresye ki Finans ti konpran nou lapel e zot in agree pou nou fer sa monte. Mersi.

MR DEPUTY SPEAKER

Mersi Minister. Nou pou aprezan pas laparol avek dernyen entervenan lo sa *heading*. Onorab Georges?

HON BERNARD GEORGES

[Type here]

Mersi Mr Chair. Bonn apre midi Minis, *CEO e panel*. Mr Chair i toulstan enteresan lo nou kote pou nou koz lo sa Minister ek sirtou sa portfey Proteksyon Sosyal.

E mon dir sa akoz filozofi politik parti lo nou kote latab se pou demann avek dimoun pou sorti lo sa kiltir depandans ki zot ti ladan avan, e debout lo zot, lo zot prop lipye.

E otan ki posib fer parey Minis in dir al travay anmenn en serten satisfaksyon e en bon saler kot lakaz. Me en keksoz ki pa toulstan ki nou realize, se ki nou Gouvernman osi i annan en leker pou bann dimoun ki pa kapab fer sa keksoz e ki bezwen en lasistans.

E mon fyer ki dan sa Bidze i annan larzan ki'n ganny met dekote e lo programm ki nou pou war Vandredi *Approved Programs of ASP*, pou bann benefis i annan R1.2bilyon ki'n ganny met dekote pou ed sa bann dimoun.

Alor si i annan en persepsyon deor laba ki sa bann zafer proteksyon i zis bann Gouvernman avan ki ti donnen e pa sa enn, se en fo persepsyon. E mon krwar dimoun i bezwen konpran ki nou Gouvernman osi, in met bokou larzan dekote pou ed bann nou bann sitwayen ki pa kapab ed zot lekor.

Kot nou diferan Mr Speaker e la ou ava permet mon Mr Chair, ou ava permet mwan 2 parol pou mwan kekfwa repet en pe sa ki'n ganny dir - kot i diferan e nou'n tann sa la apre midi, se ki nou, nou pa zis donn larzan akoz i dan vot se pa sa prensip.

Akoz i annan 40milyon nou pa kapab donn zis 8 e gard 32, fodre nou donn tou le 40, ki dimoun i vin devan ou non, ki dimoun i vin bezwen ou non, akoz sa in ganny vote fodre nou donnen.

Se la kot nou, nou annan en responsabilite fiskal ek monneter bokou plis ki zot. E mon krwar sa osi dimoun i bezwen konpran dan sa loptik mon ti a kontan alor Mr Speaker, lo nou kote latab felisit Gouvernman - Minister Finans an partikilye - e Minis ek son tim ki'n lager pou sa Bidze, felisit zot pou ki zot in met sa larzan dekote.

Felisit CEO avek ou tim kot Lazans, ki ou pe fer sir ki sak roupi i ganny depanse i en roupi ki merit ganny depanse ki pa pe zis ganny *wasted*, oubyen donn avek dimoun, zis akoz i dan en lanvlop e nou bezwen donn bann dimoun.

E mon krwar se sa kote nou pe ale. Mon demann avek zot apre midi e mon konpran bokou nou bann Manm lo tou le de latab in eksprimen ki malgre tousala, i annan *still* serten *challenge*.

Nou tou dan nou distrik nou annan *challenge* sosyal e nou konnen ki dan plizyer ka ki pa devret arive, malgre ki bokou

dimoun pe demann larzan zot menm zot, zot pa donn tou bann lenformasyon ki zot pe rode.

Me still i annan serten dimoun ki pa pe gannyen malgre, ki zot pe zot merite e malgre ki zot, zot pe esper en pe letan. Eski nou kapab ganny zot, zot parol apre midi ki zot ava kontinyen *improve lo service delivery*, pou ki sa bann konplent ki nou'n tande i ava ganny redwir e a serten moman i ava disparet konpletman, pou ki larzan i ava ganny donneen kot i merite.

Me larzan pa pou ganny donneen an bonavini parey avan. Mersi Mr Chair.

MR DEPUTY SPEAKER

Mersi Onorab. *Panel? Minister?*

MINISTER PATRICIA FRANCOURT

Mersi Mr Chair. Mersi Onorab pou ou bann mo ankourazan. Ou'n *reiterate* vreman byen nou *mandate* ki mannyer nou travay, e vizyon Gouvernman anver tou dimoun dan pei *which is empowering people to stand on their own 2 feet* byen depandan travay e kot zot fall short Lazans i la pou ed zot e siport zot.

So nou *reiterate* sa vreman byen e parey nou'n dir *all day* letan nou pe diskit ASP, nou konpran nou bann *challenges*; nou rekonnet nou bann *challenges* i toulstan bon letan nou asize nou rekonnet.

Si ou rekonnet i *most likely* pou ou al fer keksoz *about it*. E mon konnen mon *hopeful* avek sa Bidze ki'n gannyen pou nou annan nou sistenm an plas *next year*, avek sa konsiltan ki nou *with through bidding* ki nou pou gannyen, i pou sanz *the whole way* ASP i travay *in terms of service delivery, in terms of* fer sir poudir plis tou sa ki nou'n mete konman *SOPs* i *materialize* dan en fason pli efektiv.

Sa mon konnen poudir pou annan en gran diferans. E *we've been fighting about for it the whole year* e Finans in tann nou lapel e zot in konpran nou mesaz osi.

So mon mesaz pou bann dimoun *out there*, sa Bidze i la pou ganny servi e ganny servi letan dimoun i annan bezwen. Nou pa kit personn deryer. E parey Onorab in dir Bidze i la ou *access* dan Bidze, nou fer li dan en fason *fair*, dan en fason transparan e dan en fason ki sa dimoun i konnen, mon'n *go through th system*.

Parkont osi nou ganny en kantite dimoun ki aksepte letan nou *go through the process*. I annan ki parey mon dir, i annan sa *process of appeal they go through*, zot akspete.

E nou la nou konman en Lazans tou nou *staff* pou servi piblik *the very best that we can* e mon ankouraz dimoun *if you feel you need it letan ou pe sey debourye*, ou war ou pa pe kapab *put one and one, please come forward* e bann prosedir i prosedir ki met keksoz bokou annord. Mersi.

MR DEPUTY SPEAKER

Mersi *Minister*. Sa i - non pa pou kapab donn zot parske nou an retar par lerdtan, so nou pou bezwen satisfer nou lekor poudir nou menm nou mannyer nou zer nou letan, mannyer nou get nou kestyon, nou met nou lekor dan gran difikilte.

E depi yer mon pe dir poudir la moman osi kot bann *Caucus* i bezwen planifye lekel ki demann kestyon, ki kalite kestyon pou demande pou kapab *manage* letan byen.

So aprezan nou ava pas lo vot pou *heading* ki nou ti pe demann kestyon lo la. I annan 2 zot a rapel.

Dabor i annan pou Lazans Proteksyon Sosyal ki trouve lo paz 511 a 516 pou en sonm R27milyon 487mil. Donk nou ava demann tou bann Manm ki an faver pou endike silvouple? Mersi.

Vot for *Agency for Social Protection* pou en sonm R27milyon 487mil i annan 28 Manm ki'n vot an faver, napa Manm ki'n vot kont e okenn Manm pa'n abstenir, donk sa vot in pase.

Aprezan nou pou pas lo lot vot ki pou *Benefits and Approved Programs of ASP* e li i lo paz pti 40 ki lo *summary of expenditure estimates* e son sonm i R1bilyon 202milyon 876mil. Nou ava demann tou Manm ki an faver pou endike silvouple?

Mersi. Okenn Manm ki kont. Mersi. Vot pou *Benefits and Approved Programs of ASP* pou lavaler R1bilyon 202milyon 876mil, i annan 28 Manm ki'n vot an faver, okenn Manm pa'n vot kont e okenn Manm pa'n abstenir, donk sa vot i pase par linanimite.

SOCIAL WORKERS COUNCIL

MR DEPUTY SPEAKER

Nou pou aprezan pran en vot lo en antite ki pa'n vin devan nou sa i *Social Workers Council* zot Bidze i trouve lo 517 a 519 zot annan en Bidze R736mil. Nou ava demann tou Manm ki an faver pou endike silvouple?

Mersi. Okenn Manm ki kont? Mersi. Vot pou *Social Workers Council* pou en sonm R736mil i annan 28 Manm ki'n vot an faver, okenn Manm pa'n vot kont e okenn Manm pa'n abstenir; trwazyenm vot pou la apre midi, in pase.

Bon alor nou ava remersi *panel* ki'n la avek nou pou apre midi sorti kot Minister Lanplwa e Zafer Sosyal, ki ti pe dirize par Minis pou Lanplwa e Zafer Sosyal Madanm Patricia Francourt. Nou ti osi annan Sef Egzekitif Lazans Proteksyon Sosyal Manmzel Brenda Morin avek nou.

Manmzel Chiara Cultreri ki *financial controller* kot ASP. Manmzel Marie-France Souris ki *Principal Benefit Welfare Officer*. E nou ti osi annan avek nou Sekreter D'Eta kot Minister Finans Mr Patrick Payet avek Manmzel Terryll Adrienne ki *finance analyst*.

Nou ava eskiz bann ki pou kit nou, nou ava pran en poz *sanitizing* pou nou kapab apel lot delegasyon. Mersi e bon kontinyasyon.

(technical break)

ANTI-CORRUPTION COMMISSION

MR DEPUTY SPEAKER

Bon nou ava aprezan retourn an plas e nou ava swet labyenveni delegasyon sorti kot Anti-Koripsyon ki fek zwenn nou.

E nou ava dir labyenveni Komisyoner Ms May De Silva, ki akonpannyen par Ms Claudia Mathiot ki son *finance officer*. E le de zofisyen sorti kot Minister Finans i reste avek nou;- sa se Mr Patrick Payet ki Sekreter Deta dan Minister e Ms Terryll Adrienne ki *finance analyst*. Byenveni zot tou.

Nou pou pran Bidze pou *Anti-Corruption Commission* ki trouve lo paz 135 ziska 137 pou en sonm R53milyon 263mil. Nou pou envit Ms De Sylva pou fer lentrodiksyon. Mon pou dir ek bann Manm ankor nou an retar avek letan alor nou *be mindful of this*.

E apre mon konsyan mwan poudir ACCS i kapab en *heading* ki en pe kontansye, donk bann kestyon ki nou demande i merit lo Bidze, me tout an rekonesan nou *Standing Orders*, *Order 36* - partikilyerman *d, g, h, i, k*, akoz sertennman sa ki mon pa anvi antre dan okenn polemik la apre midi.

Madanm De Sylva, laparol pou ou apre midi. Mersi.

COMMISSIONER ANTI-CORRUPTION MAY DE SILVA

Bonn apre midi Mr Speaker, *Leader Lopozisyon*, *Leader Zafer Gouvernman*, tou bann Onorab ek tou dimoun a lekout.

Sa lannen pou Lazournen Enternasyonal Anti-Koripsyon, Nasyon-z-Ini in swazir koman son tenm – *Uniting the World Against*

Corruption; - Ini Lemonn kont Koripsyon. Sa lalit i pou nou tou e i pa zis pou ACCS.

Lannen pase, ler en Manm Onorab ti demann mwan si mon Bidze ti ase, mon ti dir ki mon ti bezwen 7 fwa plis ki mon ti demande; savedir ozordi mon devret pe demann R129.6milyon pou ACCS.

Koman en nouveau lenstitisyon, nou pe delivre avek lasistans Lapolis e nou bann partner lokal. Nou osi pe fer nou travay avek lasistans nou bann partner enternasyonal. Sa i pou kontinyen pou ankor detrwa lannen, ziska Sesel i kapab prodwi plis travayer profesyonnel dan bann kad swivan;

Spesyalis dan krim finansyel ek ekonomik, *forensic accounting*, analis finansyel, resers legal, prosekiter dan kad blansisaz larzan ek koripsyon. E sa i en gro problem nasyonal.

Digital forensics: Gouvernman Britanik pe *train 3* nou bann travayer pou le moman; - *cybercrime, compliance, lasezisman byen malaki*.

Alor, mon pe fer en lapel avek Gouvernman, Minister Lanplwa, Minister Ledikasyon, Lakademi Lapolis, ek Liniversite Sesel.

Dan kad legal, nou pou bezwen reviz Lalwa Anti-Koripsyon, Kod Penal, *AML/ CFT, Whistleblower Act, Unexplained Wealth Act* avek *Witness Protection, Act*. Sa enn dernyen mon krwar mon fer sa lapel tou le lannen - depi 2017 mon pe dir.

Staffing i kontinyelman en gran problem. Lannen pase zis pou donn zot en legzanp, nou ti annan 34 staff lafen Desanm. Ladan i annan 12 envestigater.

Pou en larestasyon an Novanm 2021, nou ti annan lasistans 36 zofisyen Lapolis, 8 spesyalis etranze, 7 spesyalis sekirite. An tou en tim 51 staff an deor pou siport nou 12 zofisyen.

An plis ki sa Mars sa lannen, nou ti ganny lasistans nou bann partner lokal, pou asiste dan en nouveau fason travay.

Evidential Review Team: sa ti *Internal Audit Division* dan Minister Finans, SRC, FSA, FIU, Labank Santral ek FCIU.

Nou annan 3 lokazyon pou nou travay; - nou *Command Centre*, nou *Unit Konplent*, apre nou travay Operasyonnel. Nou pe ganny lasistans nou bann partner enternasyonal, Linyon Eropeen avek detrwa son bann Manm;

La Suisse, Foreign Commonwealth and Development Office – FCBO, UK, National Crime Agency - UK, Commonwealth Secretariat. Lanmerik i enkli zot Departman Lazistics, *Homeland Security* avek *FBI*.

Lostrali Australian Federal Police, New Zealand avek Sengapour.

Nou komans travay pou retourn bann byen malaki par egzanp *shares* lavaler \$4milyon, R5milyon ki nou'n sezi konsernan en *breach* nou Lalwa, e nou osi pe kontinyen fer lenvestigasyon lo en ka, kot sa sonm pe monte e in ariv 120milyon Dolar.

La lapar ACCS, mon demann zot pasyans ek lankourazman pou tou nou bann zenn profesyonnel Seselwa ki travay avek nou, ki pe fer zot mye dan en travay ki byen konpleks e ki pa fasil. Mersi.

MR DEPUTY SPEAKER

Mersi Madanm De Silva. Donk lasal prezan i ouver pou kestyon. E mon ava envit Onorab Aglae premye, e dir avek tou Manm, pa blyi konsey ou direksyon ki mon'n donnent. Mersi.

HON EGBERT AGLAE

Mersi Mr Chair. Bonn apre midi Madanm De Silva avek ou *panel*. Premye kestyon lo Bidze li menm li, sa lannen menm ti annan en Bidze siplemanter ki ti vin devan Lasamble pou omwen R63milyon, ki ti ganny demande pou ACCS e 2023 i annan ankor 53milyon ki pe *forecast* pou ACCS.

Baze ladan mon ti a kontan petet demann ou, vi ki lannen pa ankor fini, san petet ou pou bezwen al dan bann detay sitan signifikan, si ou'n kapab fini servi sa larzan ki ou'n demande, pou sa lannen? Sa i enn.

Dezyenmman, kot i konsern bann envestigater ki ou'n nonmen i annan 12, mon ti a kontan petet konpran en pti gin, sirtou an term zot saler ki zot pe travay, eski zot pe bann *full time employees* parey Lalwa ti pe demande e ti annan bann mansyon?

E ler Prezidan ti anonse ti pou annan omwen 6, la i annan 12 ou'n nonmen. Zis klarifye sa pou nou en pti gin.

E osi ou'n fer mansyon ki i annan bann dimoun ki komisyonnen pou travay - sirtou ek bann Lazans - pou travay an sipor avek bann travay anti-koripsyon.

Par egzanp bann Lapolis ou'n nonmen la, eski i annan en *special package* ki'n ganny *work out* avek sa bann antite pou travay? E osi an rezon sekirite osi ki kapab atase ek sa travay, pou ki zot kapab petet dan en fason ganny byen renimere, avek en travay en pe pli konpleks ki zot pe fer?

Ouswa, eski zis zot pe reste parey en zofisyen Lapolis e i ankor pe ganny sa ki i ti gannyen letan i ti ankor dan Lapolis? Mersi.

MR DEPUTY SPEAKER

Mersi Onorab. *Panel?*

COMMISSIONER ANTI-CORRUPTION MAY DE SILVA

Wi, sa larzan ki nou ti bezwen, annefe i ti pou sa bann sipor, pou sa bann *set up cost*, ki'n asosye avek en lenvestigasyon. E nou'n bezwen parey mon'n dir, en novo *Command Centre*.

I annan bann lezot kou ki asosye avek. Nou annan en *special forensics lab*, ki bann kou i monte lo la. E sa 12 lenvestigasyon ki mon'n mansyonnen i 12 nou lenvestigater dan ACCS. Zot ganny en bon *package*.

E mon krwar poudir zot *package* ki zot gannyen i plis ki bann Lapolis. E sa i en keksoz ki nou kontinyelman regarde. E nou ekspekte poudir ler Minis Finans i fini son bann evalyasyon, pou *Scheme of Service*, sa osi nou ti pe travay lo la, be la nou'n *met on hold* ziskan ler nou ganny plis *advice* avek Minister Finans avek PSB.

So pou nou, nou toulstan konsyan ki travayer i travay dan en travay byen konpleks, so ... E mon krwar poudir zot reminerasyon i ase o.

E nou ankouraz zot pou zot fer zot *training* e ki zot progrese e zot a vvar poudir sa i en keksoz ki nou kontinyelman fer. Sa ki ou pe dir mwan i annan 6 dimoun avan –ki ou kapab klarifye lo la – ki ou ti *mean* lo la?

HON EGBERT AGLAE

Ti annan en lanons ki Prezidan ti fer li menm, swivan bann lamannman ki ti fer avek Lalwa ACCS, kot avan ti annan bann *Commissioners* ki ti pe travay lo komansman e apre ti annan mansyon ki zot ti pou *do away* ek *Commissioners* preznan ti pou annan lezot *investigators*, li i ti dir pou annan 6 – dir donn larzan ziske nou a ganny 6.

E la ou'n dir nou i annan 12, sa ki ou'n dir nou. Mon ti oule zis klarifye sa?

COMMISSIONER ANTI-CORRUPTION MAY DE SILVA

Ok, nou annan 4 *Advisory Council members* preznan. E sa bann larzan ekstra ki petet nou'n fer *savings* lo la, nou'n met dan lezot landrwa kot nou bezwen. Nou'n bezwen larzan - prioritiz nou bann depans pou bann ka ki nou pe travay lo la.

Me sa osi parey mon'n fer - mon'n dir poudir nou pou bezwen plis travayer. E le problem se ki, nou napa sa bann spesyalis e

nou bezwen komans regarde ki mannyer pou annan en programm, pou nou kapab *recruit* sa bann spesyalis lokalman.

Lo kote lezot Lazans, sa bann lezot Lazans nou annan en *MOU* avek zot. Tou sa bann lezot Lazans, zot dan *National AML/CFT Committee* avek ACCS. Nou tou nou'n siny en Lagreman – en *MOU*, so nou travay an *partnership* avek zot. So napa okenn *additional duty allowance* lo la.

E sa i en keksoz ki si nou bezwen gete lo en long term. Akoz sa i zis spesifik kan zot vini, zot vin pou zis pou 3 semenn – 2 semenn, zot ale retourn kot zot travay, apre ler nou bezwen zot, zot vini. Mersi.

MR DEPUTY SPEAKER

Ou annan klarifikasiyon?

HON EGBERT AGLAE

Mersi Madanm De Sylva. Zis – akoz letan mon pe regard zot Bidze, detay ki devan nou, nou pa pe war ... Mon war *wages and salaries*. Vi ki ou'n nonm osi ki ou pou annan sa bann konsiltan, dan ki vot ki zot pe tir sa larzan?

Mon war i annan *consultancy* mon pa konnen si i ladan. Ou kapab ekliersi mwan? E konbyen pe ganny depanse an totalite?

Apre osi ou'n nonmen poudir ou pou bezwen annan serten fasilité – ou'n nonm en *forensics*, ki pou tonm anba en *non-financial assets*. Mon pa pe war dan Bidze, so kote ki i pe tonbe, akoz i parey en proze kapital, mon pa pe war ladan. Eski i pe ganny enkli ladan?

COMMISSIONER ANTI-CORRUPTION MAY DE SILVA

Wi, sa bann *forensics* i deza dan sa Bidze ladan. La nou'n met dan sa Bidze. Epi pou nou bann konsiltan i tonm anba legal avek lenvestigasyon e sa i tonm dan ‘*other goods and services*.’ Mersi.

MR DEPUTY SPEAKER

Mersi. Onorab Uranie?

HON ROCKY URANIE

Mersi Mr Chair. Bonn apre midi Madanm De Sylva avek ou delegasyon. Mon vwar anba *wages in kind* pou *housing* 300mil, me ou annan bann envestigater enternasyonal, kote zot pe reste e konbyen ou pe peye, akoz zot bezwen pe pey landrwa pou zot,

konbyen zot pe peye pou sa bann dimoun, akoz mon pa pe vwar kote i *allocate* dan Bidze? Mersi.

MR DEPUTY SPEAKER

Ok, kestyon spesifik lo *housing*.

COMMISSIONER ANTI-CORRUPTION MAY DE SILVA

Wi, mon pa kapab devwale kote bann spesyalis i reste pou rezon sekirite. E nou pa pe pey zot *housing*. Zot ganny en peyman e zot, zot deside ki bor zot reste. Sa i sorti lo zot, dan zot peyman. Nou, nou pa pe pey zot *housing*.

HON ROCKY URANIE

(Off-Mic)

MR DEPUTY SPEAKER

Ou pa pou al *press* lo la, akoz mon'n fek dir taler nou bann *Order 36* – bann keksoz ki sansib.

HON ROCKY URANIE

En pti klarifikasiyon, be konbyen zot pe mete pou *housing* dan zot *package* konmsi? Mersi. Oubyen konbyen ou pe pey zot sa bann dimoun? Sa bann envestigater? Mersi.

MR DEPUTY SPEAKER

Ler ou dir peye – pey zot saler ouswa pey ...?

HON ROCKY URANIE

Whatever ki ou pe peye – zot *package* antye *include* zot saler ladan, konbyen ou pe pey zot? Mersi. Enkli lakaz.

COMMISSIONER ANTI-CORRUPTION MAY DE SILVA

Nou pey zot parey en bann *EU Consultants* ki vin ek nou. So i dan zot *package*, ki ladan zot ganny zot *daily rate* apre zot ganny zot *per diem* ki tonm dan sa *package* an antye.

E sanmenm sa ki mon pe dir ou, i lo zot pou zot deside kote zot reste e ladan zot tir zot *expenses*, zot loto, sa ki zot – si zot pou pran loto lwe, ki bor zot lwe zot loto, sa i separe sa.

I pa en keksoz ki sorti dan nou Bidze. Nou donn zot, zot *per diem* lo *daily rate* ki ganny kalkile par en *consultancy rate*. Mersi.

MR DEPUTY SPEAKER

[Type here]

Mersi. Ou pa ankor satisfe Onorab?

HON ROCKY URANIE

Wi, mon ti a kontan konnen konbyen ou pe pey *at least* enn sa envestigater? Donn nou en *figure*, konbyen ou pe pey li?

COMMISSIONER ANTI-CORRUPTION MAY DE SILVA

Sa i en *contractual matter* ki mwan mon pare pou diskit *in camera*. E ler FPAC i zwenn, mon pare pou mwan devwal sa bann lenformasyon avek FPAC. Mersi. .

MR DEPUTY SPEAKER

Mersi Madam De Sylva. Mon ti konnen ki nou ti pou al en pe dan sa bann direksyon *and this is why* mon ti dir zot port atansyon lo *Order 36*.

E an mezir ki mon pe ekout sa deba pe ale, *Chairman FPAC* i la, *Chairman Defense Committee* malerezman pa la, petet ACCS a lavenir i enn bann antite – *Vice-Chair* i la – ki zot merit konsider ki i annan en konversasyon avek li avan i vin *on the floor*, akoz serten eleman son Bidze ki konsern bann *case Ankour*, bann keksoz koumsa. *Just a thought* ki mon pe mazinen. Mon war Onorab Pillay i lev son lanmen.

HON SEBASTIEN PILLAY

Mersi Mr Chairman. Mr Chairman, nou annan en presedans dan Lasanble, ler nou ti pe diskit Bidze *FIU-NDEA*, serten lenformasyon nou ti devwal li dan Lasanble. Sertennman kot sa bann dimoun pe reste mon konpran, me konbyen zot pe gannyen mon pa vwar en *issue* pou nou koman Lasanble, pou nou konnen. Akoz sa in leka.

E annefe si mon rapel byen sa ki ansyen Vis-Chairman FPAC ti demande ler nou ti pran Bidze *FIU* ek *NDEA*, ler i ti ankor dan Lasanble e sa se Vis-Prezidan Afif, se ki sa lenformasyon i konsern en lenformasyon bidzeter e nou bezwen konnen konbyen nou pe peye pou sa bann dimoun. Napa nanryen ki sekre ladan.

Sa ki relevan ladan se ki nou pa pe *jeopardize* sekirite sa bann dimoun, kot zot pe reste e sa mon kapab konpran. Me *otherwise* nou bezwen konnen konbyen nou pe depanse. Akoz nou'n depans R63milyon lannen pase *between Zen* avek la - sa lannen konmsi – *between Zen* ek la, nou'n depans R63milyon dapre sa ki mon pe konpran la.

Mon pa konnen, Lasanble i bezwen kapab ganny serten lenformasyon, me tout an respektan - parey ou'n dir - serten kestyon ki par zot natir *would be secret or* i kapab *jeopardize* en l'investigasyon ki ACCS ...

Mon pa war l'investigasyon si pou nou konbyen sa bann dimoun pe ganny peye.

MR DEPUTY SPEAKER

Pwen i note. *Chief Whip LDS* oule fer en komanter?

HON SANDY ARISSOL

Wi, tout an siportan sa ki i pe dir an menm tan respekte sa ki ou pe dir as *Chair*, si i annan lenformasyon kekfa ki mon santi pa kapab vin dan domenn piblik, lo medya, me sa lenformasyon i kapab ganny sirkile avek Manm, pou nou koman bann endividier ganny larepons ki nou pe rode.

Parske nou osi bezwen pran kont parey ou'n dir – parey *Chair* in dir an relasyon avek sansibilite, *content* ki nou pe koz lo la. So si sa lenformasyon i kapab ganny sirkile avek Manm sa ki Onorab Uranie pe demande, sa lenformasyon atraver Biro Clerk, i kapab ganny donneen avek li san met li dan piblik pou tou dimoun konnen kote Sandy Arissol pe reste letan i pe travay avek Anti-Koripsyon. Zis en propozisyon. Mersi.

MR DEPUTY SPEAKER

Mon krwar i en *middle of the way approach*, ki mon confortab avek, donk nou ava kontinyen lo lalis kestyon. Madam De Silva oule azout en keksoz?

COMMISSIONER ANTI-CORRUPTION MAY DE SILVA

Annou pa fer sa fot pou dir R63milyon – nou pa dir R63milyon i al pou sa bann *foreign consultants*. So ... Ok? Akoz ...

HON SEBASTIEN PILLAY

(Off-Mic)

COMMISSIONER ANTI-CORRUPTION MAY DE SILVA

Wi, les mwan fini en pti kou pou mwan dir ou - i annan bann lezot eleman ladan. Par egzanp nou *Control Centre*, i annan nou *electricity fees* ki *high* akoz nou annan en *digital forensics lab* prezanz.

Nou annan lenvestigasyon ki nou pe pey pou 10 konsiltan. Nou annan larzan ki nou'n bezwen peye pou gard bann dimoun an rimann, akoz zot pa'n dan *Remand Centre* – zot in dan en *special holding area*. So ...

E sa i sa bann *additional charges* ki nou, nou'n peye. Alors nou kapab donn zot, zot *breakdown* apre parey mon'n dir. Mon napa okenn *issue* lo la e nou'n pas dan tou prosedir pou nou ganny nou bann konsiltan. Mersi.

MR DEPUTY SPEAKER

Mersi.

(Off-Mic)

HON SEBASTIEN PILLAY

Yes mon oule klarifye, mon pa'n dir ou'n pey 63milyon bann konsiltan. Mon'n dir nou donn en *supplementary budget* depi Zen ziska la -63million. Sa osi nou bezwen konnen ki mannyer in ganny depanse.

Petet pou ed nou, ou'n dir nou zot ganny peye lo en *EU consultant rate*, e sa i en *contractual obligation* ou kapab donn nou en *figure* – en *range* ki nou, nou a kapab prezan Lasanble konpran sa provizyon bidzeter ki nou pe mete.

Akoz last year ou Bidze altogether was 82million, this year it's only – if I am not mistaken – mon ganny mon figures right – it's only 53million, so this is less than your EOY pou sa lannen. So nou bezwen konnen i ase – i pa ase. What we have to know.

Se sa ki mon pe dir Mr Chairman. Mersi. Mon pa pou al ankor lo la akoz mon'n deza pran ase letan pou...

MR DEPUTY SPEAKER

Wi, sa ki mon ti pou port atansyon Lasanble, se ki in annan en lantant lo tou kote latab atraver zot *Chief Whip* lo letan pou sa *heading*. E i mon lentansyon pou mwan termin li ler ki nou'n agree - ki 4er apre midi.

So mon pe go down the list of bann dimoun ki'n met sa... si letan i arive ou pa ganny letan demann ou pa ganny letan demann ou kestyon, sorry.

Onorab Cosgrow.

HON WALLACE COSGROW

[Type here]

Mersi Mr Chairman. Mr Chairman mon annan 2 pti kestyon lo Bidze ACCS. Annefe ler mon get konparezon 2022 e 2023 e la mon pe *focus* lo ‘other goods and services, e osi lo *wages and salaries*, mon pe get *foreign consultancy fees* avek *legal fees* i *amount to* apepre –

Pou lannen prosenn i *amount to* apepre R30milyon e mon krwar nou’n dir konbyen 8 *consultants or ... 10 consultants* en - ler mon get zot *wages and salaries* pou sa 12 Seselwa, i pa ni menm lanmwatye sa.

So basically you see where the – ou war kote sa focus i ete. The focus is on foreign consultants pe anmas en bonpe larzan. Mon per pangar mon war en lot zafer FIU-IRISH ki pe devlope la. ACCS-Angle.

Mr Chairman, nou annan nou pou sa lannen R11milyon 750mil avek 18milyon tou le de pou *consultancy fees* avek *legal fees*, eski nou kapab - mon kapab fer en *request* ozordi – eski ACCS pou pare pou *make available* sa bann Kontra avek FPAC? Kontra sa bann dimoun ki pe travay avek zot?

Mon annan en nide apepre konbyen zot pe gannyen e zot peryod Kontra pou 10mwan.

Me selman mon ti a kontan - mon konnen i annan en saler apre i annan en larzan pou *food and drinks and transportation*. So mon ti a kontan ki nou pran sa;- mon pa poudir la dan Lasamble akoz i pa normal, nou dir pa koz lo Kontra.

Me solman si nou ti kapab ganny sa *available* donn FPAC e FPAC zot a kapab deliber lo la, gete, eski nou pe ganny valer pou sa larzan? Or eski ACCS pe zis devid en kantite larzan dan en prose ki nou tou nou anvi war en rezulta, me selman larzan i bokou, en?

Ou a note ki 2022 *foreign consultancy fees* ti R46milyon avek *legal fees* ti R15milyon, so eski zot pare pou devwal sa Kontra silvouple? Mersi.

MR DEPUTY SPEAKER

Ou annan 2 pwen.

COMMISSIONER ANTI-CORRUPTION MAY DE SILVA

Onorab, mersi pou ou kestyon. Lannen pase ti annan en *intense lenvestigasyon*. An konparezon avek bann travayer lokal, sa bann dimoun i spesyalize, zot tou zot annan zot spesyalizm dan koripsyon - *investigation of corruption* avek blansisarz larzan, avek *asset recovery* avek *financial forensics, ok?*

Sa bann i bann louvraz byen spesyalize sa. *In fact* i sa bann spesyalis zot rar. Ou bezwen rod - sirtou bann *financial forensics* ki en defi isi Sesel.

Mon krwar nou annan - zis *a handful* dimoun dan sa spesyalizm, akoz bann gran *firm accountancy* i pran sa bann dimoun pou zot, e i pey zot byen.

Parey mon'n dir zot larzan ki zot ganny peye ti *over* sa lannen e pou lannen prosenn, i annan en *trial*. I *trial year* lannen prosenn - lenvestigasyon i *wind down*. E nou pe met nou *focus* lo en lot bout travay e lekel spesyalis ki nou pou bezwen dan 2023.

So sanmenm ou pou war en ladiferans ant sa lannen avek lannen prosenn. Apre *legal fees* ou pou war poudir sa en keksoz osi ki i annan en defayans isi Sesel. Nou napa prosekiter. Nou napa dimoun ki spesyaliz dan blansisarz larzan, dan koripsyon apre dan *asset recovery*.

Sa i osi ase konpleks, e nou bezwen bann spesyalis. Mon ankor pe - Mon'n *advertise* en dyob pou en *Principal Counsel* pou lan mon pa ankor ganny personn, pou *apply* sa dyob.

I zis pou donn ou en legzanp bann difikilte ki nou gannyen pou nou ganny bann spesyalis. Mersi.

MR DEPUTY SPEAKER

Mersi. Ou annan klarifikasyon?

HON WALLACE COSGROW

Yes Mr Chair. Mon annan en klarifikasyon. Konmsi Madanm De Silva ou pe dir nou ki napa okenn dimoun ki zot in aprose, *or* ki'n apres zot pou pran - pou *take up* louvraz - avoka Seselwa ki'n apres zot pou *take up* louvraz, ki zot in *decline*?

I pa'n egziste sa *or* zot pa'n ganny ditou ki'n vini? Apre dernyen, eski zot pe *spread the cost around*, akoz eski zot annan okenn sa bann envestigater *or* avoka ki pa anba zot *payroll*, me i anba *payroll AG's Office* - si ou kapab konfirmen? Mersi.

COMMISSIONER ANTI-CORRUPTION MAY DE SILVA

Annefe en pe nou travay nou anvoy kot *AG's Office*, pou bann ka ki nou bann travayer pe travay lo la. Epi wi i annan en problemm isi lo pou - napa prosekiter dan pei e *AG* menm i fer vini prosekiter etranze, e sa i en problemm.

Parey mon'n dir nou pou bezwen fer en keksoz. Nou bezwen aktiv dan sa, dan sa *area*. E ki ti ou lot kestyon?

HON WALLACE COSGROW

Mon premye kestyon ti *about* - mon dezyenm kestyon ti *about spreading the cost* avek AG's Office e mon dezyenm kestyon ti *about* prosekiter, so ou'n reponn mon 2 kestyon. Mersi.

MR DEPUTY SPEAKER

Ok mersi. Donk nou ava bouz lo lot entervenan. Onorab Lemiel?

HON SYLVANNE LEMIEL

Mersi Mr Chair. Bonn apre midi Madanm De silva ek ou delegasyon. Mon *issue* i konsern *staff*, mon war ki an 2021 letan ou ti vin isi, ou ti fer en *plea* avek Gouvernman parey ki mon'n tann ou, ou'n redir la dan ou pti *speech*, dan ou lントrodiksyon ki ou pe fer.

Kot ou ti nonmen egzakteman ki kantite *staff* ou ti annan sa letan;- sa letan ou ti annan 33 *staff*, me selman la i en pe konfizan mannyer ou pe donn detay lo kote ou *staffing*.

Petet ti a bon mon ti a konnen dan sa Bidze 2023 i pe al *cater* pou ki kantite *staff* Seselwa, i pe al *cater for*? E eski ou annan okenn Seselwa la aktyelman -ou pe ganny lasistans avek *EU* ou ti'n dir - *hmm*?

Petet sa bann dimoun depi ler zot isi - sa bann etranze - eski ou annan *staff* Seselwa ki *understudy* avek sa bann dimoun ki'n sorti kot *EU*? E petet osi mon'n tann ou dir sa *additional fund* ki ou ti'n demande, i pou *cater* pou pey en pe pou ankor 10 *investigators*?

So petet mon pe mazinen eski la - konmsi la ki pe vin konfizan - eski la ou annan 10 *investigators* ki pe ganny peye avek Gouvernman Sesel? E apre ou annan sa 4 ki ti sipoze *EU* ki ti pe asiste ou? Petet la i demann en pe leklersisman.

Akoz lenformasyon ki mannyer ou pe donnen, i vin en pti pe konfizan pou piblik deor konnen egzakteman, ki mannyer ou *emoluments* - larzan pe ganny ale anver kwa? Mersi.

MR DEPUTY SPEAKER

Ok mersi. Kestyon lo *staff* Seselwa - partikilyerman lakantite dan Bidze 2023, apre *investigators*.

COMMISSIONER ANTI-CORRUPTION MAY DE SILVA

Mersi. Nou annan 12 envestigater Seselwa, ok? Wi i annan detrwa ki - Dan sa 12 i annan 7 ki'n travay avek sa *EU consultant*. *EU*

Kontra in fini *by the way* mwan pase - non 2 mwan pase, zot Kontra in fini. So zot ti pe travay avek 7 bann envestigater.

Mon dir ou 7, akoz dan sa group 12 la, i annan 2 ki *financial analyst*, prezan ou bezwen met zot anba *financial analysts* pou fer *training*, pou *financial analysis*. So tousala i lo *on the job training*. Epi nou annan sa bann ki dan Konplent e Konplent i en *unit* separe. Parey ler mon dir ou mon lokasyon mon 3 lokasyon. E dan Konplent i annan 3 envestigater - 1 *investigations assistant* - 1 *trainee* - 2 *trainees in fact, ok?* So dan bann diferan seksyon ler ou dir mwan envestigater, sa ki pe aktyelman fer lenvestigasyon dan *Investigations Unit*.

So sa i 7 *in fact* - wi. Akoz i tonm anba *Complaints*. Ou bezwen *keep* sa 2 seksyon separe. E wi, mon pou toultan bezwen plis travayer e memm sa bann ki la zot bezwen asiste sa bann konsiltan, pou zot osi aprann, pou zot gard bann novo fason travay. So, tousala i dan en programm *on-the-job-training*.

E sa ki la wi, zot pou ganny *training* e nou kontinyelman bezwen ankor envestigater. E nou pou bezwen akoz nou'n pran 3 - zis mon dir ou dan sa group osi nou'n pran 3 nou'n met zot dan *digital forensics*, prezan zot pou bezwen al *training* pou *digital forensics*.

So ou pe vwar ki i annan 2 diferan kad - 2 diferan spesyalis ki nou pe travay lo la, pou nou bann *staff* ki *internal*. Apre *recruitment* i pou en *issue* e nou ti mete en Bidze. Pou le moman nou pa'n mete, akoz nou annan en ka ki nou pe travay lo la ki pe pran en pe letan.

E nou ava reviz sa *mid-year* apre sa *trial*. Mersi.

MR DEPUTY SPEAKER

Mersi. Ou annan klarifikasiyon?

HON SYLVANNE LEMIEL

Mersi Mr Chair. Wi petet mon ti a kontan konnen avek Madam De Silva, eski ou'n dir Kontra avek *EU* sa bann dimoun in fini la, eski *EU* in *pledge for lezot lasistans?* Konmsi pou ziska ou fini avek ou bann *case*, eski *EU* pou kontinyen asiste ou?

E si wi si in *pledge* en la kantite larzan petet, ki i pou kapab kontinyen ed *ACCS* avek bann *investigators*?

Apre mon ti pe regarde petet sa 10 dimoun ki ou pe anba sa *additional budget* la, eski zot Seselwa zot osi oubyen etranze sa? Mersi.

MR DEPUTY SPEAKER

Mersi. I annan 2 pwen la.

COMMISSIONER ANTI-CORRUPTION MAY DE SILVA

Ok dan sa 10 i annan 9 etranze 1 Seselwa. Apre EU sa Kontra sa i en keksoz priyrite Gouvernman. Mon'n form parti sa *dialogue* ki zot ti fer an Oktob pou demann plis lasistans. E sa i en keksoz ki Gouvernman pou fer sa lapros pou *technical aid* pou kontinyen. Mersi.

MR DEPUTY SPEAKER

Mersi. Mon ava apel aprezan Onorab Loze.

HON JOHAN LOZE

Mersi Mr Speaker. Mr Speaker an 2021 ACCS ti vin kot Lasamble, pou demann en sonm R18.5milyon - si mon pa tronpe. Pli tar milye lannen zot in demann en sonm R63milyon.

Mon konsern mwan se sa zesyon sa bann gro sonm, ki nou pa kapab ganny detay, detay pa kapab ganny devwale pou rezon sekirite.

Mr Speaker pli boner sa lannen bann O Zofisyè ACCS, in admet ki zot in fer en *mistake* dan ganny depans R1.6milyon ki zot in otorize, e zot in dir sa ti en *mistake* ki zot pa ti a kontan war repeete.

Si zot fer *mistake to the tune of 1.6million Rupees* ki zot nivo konpetans pou *gere* - wi en sonm Madanm May ki zot in pey 2 avoka - e zot in admet poudir sa i en *mistake*, ki zot pa ti a kontan war repeete.

Kan mannyer zot pe *gere* sa bann gro sonm ki'n donn zot? Mon lot kestyón, eski ACCS in *involve* dan okenn ka blansisarz larzan? Mersi Mr Speaker.

MR DEPUTY SPEAKER

Mersi. 2 kestyón.

COMMISSIONER ANTI-CORRUPTION MAY DE SILVA

Ti annan en - les mwan met zot en pti pe okouran. Ti annan en proze pou nou *fund* en lenvestigasyon, ki ti pou vin en *external funding* - ok? Ler nou'n diskit avek Minis Finans, lenplikasyon sa *litigation funding*, zot ti *advise* nou poudir petet sa i pa en keksoz pou nou - pa - i pa *cost effective*, alors Gouvernman i ava *fund* sa lenvestigasyon pou nou.

*So up till Novanm lannen pase, nou ti pe mazinen poudir nou pou annan sa *litigation funding*, i pa'n arive. E Gouvernman in met sa larzan pou nou kontinyen avek nou lenvestigasyon. Sanmenm sa ou war en *request* pou larzan *mid-year* akoz parey mon'n eksplike.*

Lo kestyon 1.6milyon ki nou pa konnen ki nou'n fer avek, oubyen nou'n mal zere - sa mon pa okouran e mon ti a kontan konnen en pe plis lenformasyon lo la. Akoz mon pa rapel - mon pa konnen dan ki konteks ki mwan, mon'n dir nou'n mal zer 1.6milyon. Mersi.

MR DEPUTY SPEAKER

Savedir ti ava byen si Onorab i kapab donn nou legzanp egzakteman kot sa sours sa lenformasyon. Apre in demann en kestyon, si ACCS in enplike dan blansisarz larzan?

HON JOHAN LOZE

Mersi Mr Speaker. Mr Speaker pou lenformasyon ACCS, mon pe refer lo R1.6milyon ki zot in pey avoka Madanm Farine Ragan, e ki ler zot in debout devan Lakour, zot in dir avek Ziz poudir sa fason ki sa in ganny fer ti en *mistake* e ki zot, zot pa ti a kontan ki zot in otorize pou peye;- zot pa ti a kontan kontinyen dan sa fason. E zot anvi sanz fason ki keksoz pe ganny fer.

*Now si zot pe fer bann *mistake* koumsa, nou pe donn zot 53milyon ankor la, mon zis anvi en - zot donn en pep Seselwa en *reassurance* ki zot pe *manage* nou larzan avek konpetans e ki pe napa *mistakes!**

Mon pa pe *quote* keksoz dan fou la, mon pe koz Angle in dir devan Lakour. Mersi Mr Speaker.

MR DEPUTY SPEAKER

Mersi. Solman i - *Leader* Lopozisyon ou *Caucus* ki fer sa souvan, zot pran bann keksoz ki pas an deor - swa dan Lakour swa dan medya, e ou konnen konman en Manm eksperyanse i bann keksoz ki ou bezwen *iron out* avek ou *Caucus*. Akoz zot ki fer sa bokou.

*It's not question lo Bidze ki annan swa manda ACCS, swa son *strategic priorities*, swa son bann target ki in mete e ou ava port a - not sa pwen silvouple. Madanm De Silva?*

COMMISSIONER ANTI-CORRUPTION MAY DE SILVA

Mon ti a kontan fer en klarifikasyon lo la, akoz zis an ka zot krwar poudir nou ki'n pey avoka lezot dimoun. ACCS i met restriksyon

lo bann kont bann endivid, ki ler nou fer l'investigasyon lo zot. E nou fer sa dan en kad legal. Sa *issue* se ki i konsernen avek *Company Law*.

Zis pou klarifye poudir ler en endivid pe demande pou li pey son avoka ek larzan lakonpannyen, sa ki ti en *issue*. Madam Ragan ti en anplwaye sa lakonpannyen ki'n pey son *legal fees*.

So anba *Company Law* si ou en anplwaye, ou kapab ganny ou *expenses*. Si ou en direkter oubyen ou en *shareholder* sa i diferan fason pou zot tir larzan dan en lakonpannyen. Mersi.

MR DEPUTY SPEAKER

Mersi. Onorab mon pa pou permet ou al ankor lo la akoz Order 36 mon ti dir zot pou al antre dan bann keksoz "*question shall not reflect the decision of a court of law, no question shall be asked on matters which is subjudice.*"

La nou pe sot Bidze ACCS, nou pe al dan son bann *case* ki i pe *deal* avek Ankour, so mon pa pe toler ankor *any further question* lo sa size. Onorab Pillay *you are next on the list*.

HON SEBASTIEN PILLAY

Mersi Mr Chairman. *Look* mon'n not sa stetment ki ou'n fer lo konmansman. Mon le zis dir ki mon bann Manm dan Lasanble in aprann avek ou menm ou e bann Manm lo lot kote latab, ler zot ti dan Lopozisyon.

Zot pe servi bann menm teknik ki Lopozisyon dan lepase in servi. So si zot met sa bann keksoz devan petet i *-mea culpa* nou tou nou bezwen fer, be selman sak Manm i annan laliberte lekspresyon dan Lasanble. E mwan, mon pa fer okenn fason *curtail* okenn sa ki dimoun i anvi dir lo mon kote latab.

MR DEPUTY SPEAKER

Hang on Onorab, nou pa pou al antre dan en deba, me selman sa laliberte lekspresyon nou bezwen tonm dakor, i annan son limit. Si dan lepase Lopozisyon in fer serten fot, 7enm Lasanble li i bezwen *raise the bar*.

(Interruption)

MR DEPUTY SPEAKER

Akoz toultan mon dir poudir *this is nou rules* la anndan.

E si nou *Standing Orders* i dir nou pa fer en keksoz *let's not try to push the envelope*. Akoz mon pa pou agree. Selman *proceed* avek ou kestyon silvouple.

HON SEBASTIEN PILLAY

Thank you. Mon ti espekte you, you would have seen the obvious pitfall ladan, me ou'n aksepte ou menm ou dan lepase ki Lopozisyon in fer en fot, so la sa i pou vin pou piblik Seselwa note.

Ler zot ti pe demann sa bann kestyon ki zot ti demande dan lepase, ti fer en fot. Prezan – (zot be lev zot lanmen demann kestyon zot)

MR DEPUTY SPEAKER

Kestyon Onorab.

HON SEBASTIEN PILLAY

Prezan kestyon ki nou bezwen, nou bezwen klarifye - *ok*, premyerman mwan, mon konsernen ek sa pa ganny lenformasyon ki nou pe trouv nou lekor ladan ozordi - *ok?* E mwan, mon pou respekte manda ACCS ki la ozordi i en *Enforcement Agency*.

E si nou pe ganny dir poudir i annan wi i annan *case* ki *subjudice* - mon pa pe al *refer lo case* ki *subjudice*. Me mon pe *refer lo* manda ACCS e larzan ki nou'n met dan Bidze.

Premye kestyon, ler mon regard anba *foreign consultancy fees* e mon regard *legal consultancy fees* - *legal fees* mon ganny mwan en sif R61milyon apepre. Lo en Bidze orizinal pou 2022 ki ti zis R18milyon, nou'n *end up* depans R61milyon.

So si mon tir sa 18milyon ladan i fer ki nou'n depans apepre R50milyon lo *foreign consultancy fees* ek *legal fees*.

So eski lepep Seselwa pa devret ganny en lesplikasyon lo kote e lo lekel ki nou'n depans sa kantite larzan?

Mon pe koz ou la R53milyon ler mon tir sa 18milyon. E nou pa pe ganny okenn lenformasyon ki pe dir nou konbyen nou pe depanse lo sa bann dimoun, kan saler 2an pase - 3an pase, Gouvernman ti pou ganny trangle pou donn sa lenformasyon? Ozordi tou keksoz pe ganny dan en fason ganny kasyet.

Dezyenmman Mr Chairman, mon le ganny sa lesplikasyon, kote sa larzan in ale e lo lekel ki sa larzan in ale? Akoz ler mon fer mon kalkil e mon kalkil lo la kantite dimoun ki annan anba *foreign consultancy fees*, savedir nou pe pey sak dimoun R5milyon tou le-z-an - R5milyon tou le-z-an.

E sa i fer nou fer en sipozisyon lo R5milyon, so that's why we need to have the information, so that we ganny li kler what is happening?

Dezyenmman, Mr Chairman si Onorab Georges Onorab Larue i le demann kestyon, zot a lev zot lanmen - dezyenmman, eski ACCS pa krwar ki sa i en disparite an relasyon avek staff lokal, ki ler nou regard ou *wages and salaries* i zis R13.7milyon, me lo bann etranze nou pe depans R40ekek milyon?

E i a vin R53milyon ler nou azout avek bann lezot *legal fees*. Eski nou pa krwar ki sa i en disparite e eski sa pa pou annan en *impact* lo sa Lazans *going forward*?

Prezan mon trwazyenm kestyon Mr Chairman, lannen prosen nou pe redwir Bidze ACCS pou vin R23milyon, *ok, ok* - i pou R23milyon R23.2milyon lannen prosen.

E sa i pou retir lamazorite bann konponan, ki nou'n depanse anba sa bann *consultancy fees*. Me lekel ki pou fer en odit dan 46milyon an 2022 ;- 11.7milyon an 2023;- 15milyon an 2022;- 18milyon ki si ler nou azout ansanm *almost 90million Rupees*.

Lekel ki pou fer en odit dan tou sa larzan ki nou'n depanse pou nou asire ki nou'n ganny *value for money*, akoz nou ankor pe ganny dir nou pou ganny sa dan *case*, sa dan *case*?

This is about larzan ki pe ganny depanse la aktyelman e ki nou pa pe kapab ganny detay lo la. Mersi Mr Chairman.

MR DEPUTY SPEAKER

Mersi. Panel ?

COMMISSIONER ANTI-CORRUPTION MAY DE SILVA

Ok, mersi Onorab pou ou bann kestyon. Mon kapab donn en breakdown tousala, parey mon'n dir devan FPAC - ok? Sa bann foreign consultant legal fees, sa bann dimoun ki annan zot lekspertiz dan - lekspertiz legal dan money laundering - blansisaz larzan dan koripsyon dan asset recovery ok.

Nou'n deza fini sezi \$4milyon avek dan sa *case* \$4milyon; - ki apepre R51milyon ki nou pe retourn dan kof Gouvernman. Nou annan en lot pti *case* 5milyon ki nou pe espere la, ki nou'n sezi, ki i a retourn dan kof Gouvernman.

Nou pe *investigate* en *theft of \$120milyon*. Tousala nou bann eksper spesyalis, i ava fer retourn sa larzan dan kof Gouvernman. Mwan, mon krwar i *value for money*. Nou, nou ganny nou, nou ganny odite par Oditer Zeneral. Parey mon'n dir tou sa bann

dokiman i la, nou ava montre oditer ler zot a vini, i ava fer son *assessment*.

Nou Anti-Koripsyon apre tou, e nou fer sir poudir tou keksoz ki nou pe fer, nou pe fer dan kad legal e ki nou pe swiv *Public Finance Management Act*, ler nou pe fer nou bann aplikasyon. E pou mwan, mon krwar poudir annou pa regard sa ladiferans ki nou bann *staff* lokal i gannyen.

Akoz zot pa ankor ganny zot *expertise*. Ler zot ava fer zot *training* e i annan en pe zot ki pe fer zot *Masters*, sa ki pe fer son *Degre* zot ganny rekonnnet pou sa bann sertifika ki zot pe gannyen.

Nou pe depans en bonpe larzan lo sa 3 *digital forensics officer* lokal - i ase ser sa bann *course*. E zot ava ganny reminere dapre zot bann kalifikasyon. So nou, nou krwar poudir sa i valer pou sa larzan ki nou, nou pe rode.

E si zot bezwen rezilta, zot in demann ACCS pou vin anmenn bann *case Ankour* nou'n vin anmennen, prezan la nou pou bezwen lasistans bann eksper.

E mon kontinyelman dir pou 3an petet nou, nou'n redwir sa Bidze pou lannen 2023, akoz i annan *trail year*. E nou pa pou bezwen sa tim legal *beyond* pou sa kantite letan *on island* pou 6mwan, so sanmenm sa nou'n redwir sa Bidze pou 2023 - 2024.

So e petet 2024 nou ava regard nou Bidze, pou nou *increase* la kantite Seselwa eksper, pou nou kapab met dan nou tim. Mersi.

MR DEPUTY SPEAKER

Mersi.

HON SEBASTIEN PILLAY

(Off-Mic)

MR DEPUTY SPEAKER

Ou santi i annan pwen...? Si ou santi poudir i annan pwen ki pa'n ganny reponn - *I will not take new questions* akoz vreman mon le fini lo ler. I reste en entervenan *proceed* vitman.

HON SEBASTIEN PILLAY

Mr Chairman. *Commissioner* savedir in *confirm* ek nou poudir sa 46milyon ki ti dan Bidze 2022, sa 11milyon ki dan Bidze 2023 nou pe depans li zis lo sa bann etranze?

Akoz in disparet 2024 - ou'n fek konfirm ek nou poudir i disparet. Mon'n *actually* konfirm ek Minister Finans lo *behalf*

FPAC, apre ki nou ti diskrit Bidze Siplementer, pou ganny lenformasyon zisteman lo sa.

Nou pa ankor ganny okenn lenformasyon nou. Nou pa ankor gannyen lenformasyon. So mwan, mon war poudir i annan en *attempt* - pa pou kasyet ek mwan - mon pa pe dir pou kasyet, me i annan en *attempt* pou ki nou pa pe ganny - pou Lasanble pa ganny lenformasyon kler, lo lekel ki nou pe depans sa bann larzan e ki mannyer sa bann larzan pe ganny depanse.

So lefe ki ou pe konfirm ek mwan la, ki poudir sa bann larzan - akoz ou ki'n dir mwan poudir i pou nepli la. Savedir ler mon pe get ou Bidze i disparet, savedir nou pou depans 46 azout 11.7milyon, i fer nou apepre 58milyon zis lo *foreign consultancy fees*.

58milyon non, non i dan ou Bidze la *foreign consultancy fees*, mon pe lir li la pa mon ki pe envant sa - ki disparet 2024. *Which means* ou pe depans zis avek sa bann etranze. Mon *issue* Madanm Komisyoner petet ou bezwen konpran - mon *issue is about whether or not* nou ACCS pe ganny *hijacked*, pou pey en bann dimoun en bann gro, gro sonm larzan, *for things* ki probableman ACCS li menm ti pou kapab fer.

Se sa ki mon konsernen avek e ki ler nou pe koz lo en nouveau *Irish-FIU-NDEA*, nou annan rezon nou, akoz bann menm larepons ki ti ganny servi aprezan *regarding FIU- Irish*, pe ganny servi la avek ACCS.

E mon les sa ek lepep Seselwa pou zot note, pou zot analize pou zot menm. Mersi Mr Chairman.

MR DEPUTY SPEAKER

I retourn - avan mon donn laparol Madanm De Silva, kot i fasil pou en kote ouswa lot kote zis fer en lakizasyon oplenner. Onorab parske ou, ou *Leader Lopozisyon e osi Chairman FPAC*. E in annan bann presedans dan lepase kot sa bann size Lasanble in kapab travay ek bann antite Gouvernman, pou ganny bann konversasyon, bann rapor.

Mon pa ti en Manm FPAC, me mon'n lir tou sa bann rapor e mon pa krwar poudir i pou differan dan 7enm Lasanble, si nou pran nou bann responsabilite respektiv, serye, pou elev stati e nivo Lasanble. Madanm De Silva ou larepons silvouple.

COMMISSIONER ANTI-CORRUPTION MAY DE SILVA

Mon konsernen ki nou pe ganny *tarnish* ek memos ki *FIU-Irish*. E mwan menm mwan, mon santi mwan mon ofanse ki zot pe met

nou dan sa menm kad. Mon'n eksplike ki nou, nou Anti-Koripsyon nou pe swiv en kad legal, kot nou pe fer vini sa bann eksper.

I annan en kantite presyon lo sa lenstitisyon. Nou bann profesyonnel in ganny an piblik, pou pa vin delivre. Nou'n vini - zot in a size zot in seye *investigate* en gro ka, zot in *struggle* avek - ok?

Nou'n fer *assessment*, nou'n fer *review*, nou'n war poudir nou annan sa dimoun ki annan lekspertiz pou fer sa louvraz. Wi, nou pe *hope* ki dan detrwa an, nou bann travayer lokal ava annan sa lekspertiz pou zot travay e *take up the mantle*, pou zot konmans fer en pe lenvestigasyon.

Akoz i annan en kantite la ki nou pou kontinyen fer, ki'n ganny devwale. E pou dir poudir i i pa *value for money*, ler mon ava prezant sa bann detay avek FPAC - ki mon'n ofer pou mwan fer, an vi ki i annan en lenvestigasyon an se moman; an vi ki i annan en *case Ankour* an se moman, mon pe dir ki zot annan pasyans, epi ki ler sa i a fini, i pa ava ganny servi pou vin fer lezot keksoz avek, *in terms of* sa bann lenformasyon ki zot gannyen.

Mwan, mon pe fer mon travay anba sa manda ki nou, nou'n gannyen, avek en tim ki pe sey fer sa travay ek tou son konpleksite. E mon konpran poudir i annan konsern ki kekfwa sa i riske vin en problem zafer zer larzan.

Sa larzan pa disparet an 2024. Sa larzan i pa la akoz nou pa pe fer vini sa bann konsiltan. Parey mon'n dir mon annan en *trial year* e *hopefully* si prezan nou annan en bann gro ka ki travayer pa kapab fer, mon a return kot Lasable e demann ankor en pe larzan pou mwan ganny sa bann eksper pou zot asiste nou. Mersi.

(APPLAUSE)

MR DEPUTY SPEAKER

Mersi. Donk dernyen, dernyen entervenan lo sa *heading* Onorab Georges.

(Interruption)

HON BERNARD GEORGES

Mersi Mr Chair. Mr Chair mon annan 2 kestyon tre senp e mon oule prefas mon kestyon avek sa parol *Leader Lopozisyon*, pou ki Seselwa deor i konpran tre byen.

Mon 2 kestyon se pou Manmzel De Silva, premyerman lekel sa Gouvernman ki ti o pouvwar *Mademoiselle* De Silva, ler sa 50milyon ek sa 120milyon ki ou fek mansyonnen la ozordi, ti disparet?

(APPLAUSE)

HON BERNARD GEORGES

E dezyenmman, e dezyenmman lekel ki ti *Leader Lopozisyon* dan 7enm Lasanble ki ti dir mwan, mon pou fer li mon devwar pou anmenn sa 50milyon isi Sesel? Mersi.

(Off-Mic)

MR DEPUTY SPEAKER

Kestyon in ganny demande. Onorab Pillay menm si ou *off-mic* mwan, mwan mon tande ki ou pe dir e *just be mindful of bann lakizasyon* ki ou pe fer - ou pe dir. Bon, Onorab Georges in demann son kestyon mon pe donn laparol Madam De Silva pou reponn silvouple? *Proceed*.

COMMISSIONER ANTI-CORRUPTION MAY DE SILVA

Mon kapab fer rapel Lasanble ki sete Prezidan Faure ki ti fer son konplent, pou nou fer lenvestigasyon lo sa 50milyon. Sa 50milyon ti disparet Oktob 2002, so mon krwar nou tou nou kapab fer konklizyon kan sa larzan ti disparet. Mersi.

(Off-Mic)

MR DEPUTY SPEAKER

Mersi. Donk nou pou aprezan ...

HON SEBASTIEN PILLAY

(Off-Mic)

MR DEPUTY SPEAKER

Non ou non pa'n ganny nonmen! Napa personn ki'n nonm ou non.

HON SEBASTIEN PILLAY

(Off-Mic)

MR DEPUTY SPEAKER

[Type here]

Non, non, non napa okenn non ki'n ganny nonmen. Nou'n ariv a lafen - nou'n ariv a lafen ...

(*Interruption*)

MR DEPUTY SPEAKER

Nou a ganny *order silvouple!* Nou ava ganny *order, silvouple!* Nou pou pran vot - nou pou pran vot lo alokasyon pou *Anti-Corruption Commission* i trouve lo paz 135 a paz 137 pou en sonm R53milyon 263mil.

Mon ava demann tou bann Manm ki an faver pou endike silvouple? Mersi. Okenn Manm ki kont?

(*Interruption*)

(*Disruption*)

MR DEPUTY SPEAKER

Nou ava ganny *order silvouple!* Nou ava *order silvouple!*

(*Interruption*)

MR DEPUTY SPEAKER

Silvouple Onorab Vidot, silvouple mon pe pran laparol pou mon lir vot e nou *Standing Orders* i dir nou letan Speaker i annan laparol nou reste trankil.

I annan konplikasyon dan sa zafer la? Mon krwar pa. Vot lo *Anti-Corruption Commission* pou en sonm R53milyon 263mil, i annan 21 Manm ki'n vot an faver, okenn Manm pa'n vot kont e okenn Manm -. (Non nou annan en problem avek vot) Wi nou annan en problem avek vot akoz mon'n war ki'n pase. Ok mersi.

Nou annan mon a repran. Vot pou *Anti-Corruption Commission* pou en lavaler R53milyon 263mil, i annan 21 Manm ki'n vot an faver, okenn Manm pa'n vot kont e 10 Manm in *abstain*. Vot in pase.

(APPLAUSE)

MR DEPUTY SPEAKER

Mon war *LGB* in lev son lanmen. *Proceed.*

HON BERNARD GEORGES

Mersi Mr Chair. Mr Chair mon pran laparol apre midi, akoz en Manm lo *Caucus* in fer en lakizasyon apre midi anver bann Onorab lot kote latab. E antan ki *Leader* sa *Caucus*, mon oule *withdraw* sa lakizasyon e *apologies* avek bann Manm pou sa lakizasyon ki'n ganny fer. Mersi.

MR DEPUTY SPEAKER

Mersi Onorab. Mon apresye ou lakourtwazi. Mon'n tann en kantite lakizasyon kont mwan personnelman e Lasanble Nasyonal lo kote Lopozisyon, mon pa war zot pe fer menm zafer.

Mon pe *adjourn*, nou pe repran 4er20 pou nou pran dernyen *heading* ki pou Departman pou *Fisheries and Blue Economy*. Lasanble i *adjourn*.

(BREAK)

DEPARTMENT OF FISHERIES AND DEPARTMENT OF BLUE ECONOMY

MR SPEAKER

Bon, bonn apre midi *Minister* e ou delegasyon ou'n sov nou 3 minit pou antre direkteman. *Welcome* dan Lasanble Minis Jean-Francois Ferrari ki osi *Designated Minister* e i isi pou Minis *Fisheries and Blue Economy*.

E avek li Mr Roy Clarissee *PS* pou *Fisheries* epi Kenneth Racombo *PS* pou *Blue Economy* e Mr Joshua Adeline *accountant*. Nou pe pran Bidze pou *Blue* pou *Fisheries Department of Fisheries and Department of Blue Economy* ki lo paz 87 ziska 96 pou en total R110milyon 343mil.

Nou a konmans avek lentrodiksyon Bidze, Minis silvouple?

THE DESIGNATED MINISTER JEAN-FRANCOIS FERRARI

Mersi Mr Speaker. E bonn apre midi tou bann Manm Onorab dan Lasanble. Mr Speaker ozordi mon vin prezant devan Lasanble Bidze pou Departman Lapes e Departman Lekonomi Ble.

Zot ava war poudir apard bann sonm ki reflekte dan Bidze, ki konsern bann *blue bonds* bann proze ki annan pou fer avek bann finansman spesyal, i 2 Bidze tre ptipti.

Nou annan nou en pti lekip e nou travay dan en fason tre kordinen. E Lekonomi Ble ek Lapes i travay tre pros ek kanmarad

e nou fer fason pou nou met nou zefor ansanm, pou nou annan sa sinerzi ki nou bezwen.

Manda Departman Lapes parey zot konnen i en manda lo Polisi e nou travay se pou nou *provide* en lanvironnman legal, ki asir en devlopman soutenab lendistri lapes.

Avek Lekonomi Ble, nou ganny gidans lo nou metod travay, lo nou *road map* ki mannyer nou pou fer arive sa bann devlopman ki nou anvi war, dan sa sekter.

Pandan lannen 2021-2022, nou'n annan en kantite travay pou nou fer e zot ava war dan bann *budget achievement*, bann *major achievements* ki devan zot, en kantite travay in ganny fer.

Me sirtou mon ti a kontan felisit bann *staff* e remersi zot pou dan Departman Lapes, pou met azour bokou bann Lagreman ki ti an retar, ki pa ti'n ganny *updated*.

E sa in fer ki nou, nou prezan pou premye fwa ase ase azour avek nou bann partner enternasyonal. E nou kapab anmas bann reveni ki pei ti devret pe anmase depi lontan, me selman ki, ki ti ankor *outstanding*.

Pandan sa lannen osi, nou ti fer en kantite travay lo preparasyon lo devlopman Ile Du Port. Nou'n devlop nou'n lans sekter *aquaculture* e nou'n lans *management* nou zone Mahe plato.

E sa i en gran *achievement* dan li menm e nou'n fer li an kolaborasyon avek bann Lasosyasyon Peser e bann lezot *stakeholders*.

Pou sa ki konsern Lekonomi Ble, mon ti a kontan Mr Speaker osi eksplike ki manda Lekonomi Ble i donn sa direksyon stratezik e i fasilit e kordin nou aksyon ki nou pe fer. dan tou devlopman ki annan pou fer avek nou losean.

Pandan sa lannen 2021-2022 avek sa pti konpleman *staff* ki nou annan, nou'n fer en kantite travay dan lenplimantasyon bann proze *bio technology* lo *ocean literacy*.

Nou annan en Departman ki nou'n lanse ki pe partaz avek lazenes, e atraver tou lekol dan Larepublik nou en novo lapros avek losean. Nou annan en gro konponan nou travay ki konsern *maritime boundary delimitation* e i pran en bonpe nou resours. Me tousala sa lannen nou'n fer en kantite sikse.

E mon kapab dir ki par egzanp dan sa domenn la, nou'n termin en kantite negosyasyon ek nou bann pei vwazen.

E nou'n etablir bann *out limit* nou bann *zone* territoryal e ki'n fer ki nou *zone* ekslisiv in aktyelman agrandi pandan sa lannen. E nou'n fer bokou travay osi lo en plan pou nou devlop bann aktivite lo ban *Saya de Malha*.

Parey zot konnen avek sa kolaborasyon ki nou annan avek *Monaco* nou'n fer en kantite resers. E zis avan mon'n vin la, mon annan plezir poudir ki finalman nou'n ariv en Lagreman avek *Île Maurice*.

Ozordi nou'n ganny zot Lakor pou nou kapab lans en travay resers banbara dan sa *zone*. Alors en kantite travay in ganny fer Mr Speaker avek pti gin larzan.

Alors mon ti a kontan prezan okenn kestyon ki zot annan lo Bidze e lo ki mannyer bann alokasyon in ganny fer. Mersi Mr Speaker.

MR SPEAKER

Mersi Minis. Avan nou konmanse zis en pti remark lo letan. Mon anvi permet tou Manm demann zot kestyon, me pou mwan kapab fer sa fini dan en letan respektab, rezonnab, sirtou akoz nou bann *staff* ki bezwen reste, mon pou demann tou Manm gard lo 2 kestyon silvouple.

E mon oule donn zot konfyans, ki si nou'n fini en *round* e nou ankor annan en pe letan, nou a reoran ankor kestyon sorti kot bann Manm. So annou gard lo 2 pou le moman.

Me selman prensipalman Minis sirtou mon pe kont lo ou konman en Manm ki eksperyanse dan Lasamble, pou gard bann repons lo kestyon.

Byensir kestyon i bezwen ganny repons, me selman annou pa tro al dan bann detay programm, ki al an plis ki kestyon e sa se zis pou permet nou kapab *deal* avek otan ki posib. Tre byen. Avek sa mon a konmans avek Onorab Aglae.

HON EGBERT AGLAE

Mersi Mr Chair. Bonn apre midi Minis avek ou *panel PS - le 2*. Premye kestyon lo kote *Blue Economy*, mon ti a kontan Minis en pti leklersisman lo petet ki kantite anba bann programm - pou annan *blue bond* pou annan *SeyCCat*, pou annan sa ki anba *DBS*, apre ou annan *SMEs* kot i konsern *value chain*. Kantite larzan ki'n ganny *disburse* ziska aprezan sirtou pou bann Seselwa, ki'n vin devan pou fer bann aktivite ki lye avek sa 4 size prensipal?

Dezyenmman Minis kot i konsern bann peser maren, mon ti a kontan ou donn nou en pti kontrandi *marin pêcheur* en pti kontrandi lo negosyasyon pou sa larzan konpansasyon, ki Linyon Eropeen i sipoze pou pey pou nou bann *marin pêcheur*, ki zistans in arive lo la?

Eski zot pou kapab war zot pe ganny en larzan tre prosennman? Mersi.

MR SPEAKER

Mersi Onorab. Minis ou repons *please*.

THE DESIGNATED MINISTER JEAN-FRANCOIS FERRARI

Mersi Mr Speaker. Mon ava reponn sa dezyenm kestyon e mon ava permet *PS Blue Economy* reponn premye kestyon. Premye kestyon lo konpansasyon pou bann maren;- Onorab mon en pe etonnen ki ou pa'n okouran poudir konpansasyon in ganny peye.

In ganny peye pou lavaler 73poursan son total. Akoz 73poursan son total, se akoz bokou sa bann larzan ki ti *due* in son letan pou *claim*, administrasyon oparavan pa'n *claim*, pa'n fer sa bann *claim*. E ki fer ki ler mwan, mon'n ariv dan Minister se enn bann premye keksoz ki mon'n fer, se pou nou gete ki kantite *claim* nou kapab fer.

E sonm ti vreman tre ba ki mon'n bezwen al negosye avek Linyon Eropeen, pou nou servi en sonm 350 mon krwar apepre €350mil an plis ki ti'n ganny *earmark* pou en programm lanvironnman, pou anmas bann fad, ki sa in ganny servi pou nou met ansanm pou nou kapab ariv 73poursan.

Tou bann maren peser ki'n kalifye, ki'n ki ti annan *entitlement*, zot in ganny 73poursan zot *entitlement*. Se sa ki mon'n gannyen e mon pa'n vin anbet personn, sa ki mon'n gannyen mon'n fer sir i ganny partaze. La i la larepons.

Dezyenm kestyon lo bann *bonds* avek *PS Racombo*. Mersi.

MR SPEAKER

PS Racombo.

PS KENNETH RACOMBO

Bonn apre midi Mr Speaker. Bon apre midi tou Manm. *Blue bond* i annan 10milyon ekivalan Dolar kot *DBS*. Premye aprouvasyon in ganny fer *equivalent* \$3milyon - en Seselwa *in fact* en lakonpannyen Seselwa an antye.

E demann pou *blue bond* ki an prose - an process i plis ki \$10milyon. Prose kad *grant*, *currently* nou pe aprouv tou bann *submission* ki'n ganny anvoye kot *SeyCCate* demann pou *SeyCCat Grant* i bokou plis ki sa fon kot *SeyCCat Grant*.

In terms of SMEs sa i en *consultancy* pou fer en stratezi pou *deal with* bann *micro small* antrepriz ki anvi antre dan *marine*

biotechnology. E sa i target pirman Seselwa sa *project is on time.* I pa pou demann *extension* me selman i pou fini ant 2023 dan parey son *schedule.* Mersi.

MR SPEAKER

Mersi. Wi reste lo klarifikasiyon silvouple Onorab.

HON EGBERT AGLAE

Yes Mr Speaker mersi. Minis konbyen Seselwa ki zot in ganny asiste - si ou kapab donn nou sa lenformasyon si ou annan. Ou'n koze poudir konpansasyon. E ou'n osi mansyonnen poudir sonm ti vreman ba, dan negosyasyon li menm li ki ti sonm egzakt ki ti ganny prezante ki ou, ou'n ale pou ou kapab - parey ou'n dir al negosye fer en pti pe an plis? Mersi.

MR SPEAKER

Mersi. Minis klarifikasiyon.

THE DESIGNATED MINISTER JEAN-FRANCOIS FERRARI

Wi mersi Mr Speaker. Mon napa sa *figure* avek mwan akoz i pa dan Bidze pou sa lannen ki pe vini, alors mon pa'n prepar en larepons pou sa. Me selman la kantite ki li ti *available* e kantite maren ki'n kapab kalifye, mon kapab fer ou gannyen nenport ki moman. Mersi.

MR SPEAKER

Mersi Minis. Onorab Pillay.

HON SEBASTIEN PILLAY

Mersi Mr Chairman. Bonzour *panel* e tou bann dimoun dan delegasyon. E byensir bonzour tou koleg Onorab e dimoun a lekout. Mr Chairman, mon ti a kontan si Minis i klarifye 2 pwen dan son Bidze avan.

Premyerman ou annan sa *rent* 4.5milyon ki zot pe peye aktyelman, ou kapab dir nou kote zot pe pey sa *rent?* E eski zot pe fer okenn demars pou fer desann sa *rent* ki 4.5milyon mon war i kontinyen lo menm ton?

Dezyenmman mon war en *fee subscription* ki tonm 3.4milyon, eski ou kapab dir nou lekel lorganizasyon ki zot pe pey sa *subscription fee* sa 3.4milyon? An relasyon avek Departman *Blue Economy* ...

MR SPEAKER

Ou pe al lo -? Mon'n demande pou reste lo 2 kestyon.

HON SEBASTIEN PILLAY

Wi Mr Chairman. Me nou pe pran tou le de *heads* an menm tan.

MR SPEAKER

Ok sa 2 ou pe get li konman 1 kestyon. Ale wi.

HON SEBASTIEN PILLAY

Ok so, dezyenm lo *Blue Economy*, mon'n tann kestyon ki Onorab Aglae in demande nou ti a kapab ganny en presizyon, konbyen aplikan ziska la ki'n kalifye anba *blue bonds swio fish* e bann lezot programm ki zot annan konbyen aplikan spesifikman ki'n kalifye pou fer *whatever* proze ki zot annan?

E sirtou sa *development blue economy SMEs value chains* kot i annan sa 7milyon, eski i annan aplikan ki'n fini kalifye akoz mon war poudir lannen prosen i pa pe la. So i pou bezwen fini sa lannen, so mon ti a kontan konnen konbyen dimoun ki'n kalifye?

E si i annan okenn *issue* avek prosedir, akoz mon ti konpran ti annan serten konsern vizavi bann, bann prosedir? Mersi Mr Chairman.

MR SPEAKER

Mersi. Minis.

THE DESIGNATED MINISTER JEAN-FRANCOIS FERRARI

Mersi Mr Speaker. Mon a pran kestyon vitman lo *rent* nou biro i dan batiman *Pension Fund Maison Collette*, e sa *rent* nou pey avek nou pey avek *Pension Fund*. E mon krwar *rent* i ganny peye par en Departman e elektrisite i ganny peye par en lot Departman.

So la i la ki mannyer sa sonm *rent* i ganny klasifye. *PS* i a reponn lo sa souskripsyон e *PS Racombo* i ava klersi lo bann fon.

MR SPEAKER

Wi, so lekel ki nou pran premye *PS Fisheries*.

PS ROY CLARISSE

Bonn apre midi Mr Chair. Bonn apre midi bann Onorab. Sa *subscription* annefe i *membership fee* ki Sesel i peye pou son *membership* dan *IOTC*. I en larzan ki oparavan ti ganny bidzete anba Bidze Departman Finans ek *Foreign Affairs*.

Ki la in zis ganny transfer anba Departman Lapes pou efektye sa peyman. Mersi Mr Speaker.

MR SPEAKER

Mersi. PS Racombo prezan?

PS KENNETH RACOMBO

Onorab *in terms of blue bond* kot DBS, so far nou annan plis ki 6 lakonpannyen ki'n apply. E parey mon'n dir nou'n fini aprouv pou enn. E maksimonm ki ou kapab demande i \$3milyon ou convert li into Seychelles Rupees.

Ou'n fer referans lo SMEs sa i pa neseserman pou donn larzan bann pti antrepreneur, me pou *train* zot. An tou *the target* i pou *train* 100 antrepreneur ki spesifikman ladan i demande ki 50pourstan i madanm, enkli zenn. Mersi.

MR SPEAKER

Wi klarifikasiyon Onorab.

HON SEBASTIEN PILLAY

Mersi Mr Chairman. An relasyon avek sa *blue bond* DBS, ou'n dir mwan poudir i annan 6 lakonpannyen ki'n apply e zot pe sipoze pe *apply* pou en maksimonm of \$3milyon.

E enn in aprouve e nou pe ariv lafen lannen 2022 la, so eski ou pe donn nou garanti ki *by* lannen prosenn, sa bann ki'n fini *apply* zot prosedir ki'n konplete, ki zot pou osi ganny akse ek finansman ki zot pou rode anba sa *bond*? Eski ou pe donn nou en serten garanti?

Dezyenmman Mr Chairman, prenan kont ki Minis in koz ek mon lo sa *merging of* son bann Departman, i annan son *management of zone* Mahe plato, e i annan bann novo mezir ki SFA in met an plas *regarding* kontrol - sirtou bann *demersal species*.

Eski Departman Lapes i annan ase konpetans pou asiste SFA dan fer *enforcement* dan sa novo Polisi ki zot in propose, akoz in annan serten konsern dan sa Polisi vizavi responsabilite pou SFA *enforce* li, par bann dimoun ki aktiv dan Sekter Lapes Artizanal? Mon dernyen pwen Mr Chairman ...

MR SPEAKER

Wi be ou pe al lo novo kestyon la Onorab. Les nou a pran sa bann kestyon. Mon konnen ou...

HON SEBASTIEN PILLAY

Mon pa krwar Minis pa pou kapab reponn sa bann kestyon Mr Chairman. I pou kapab reponn.

MR SPEAKER

Non esper en kou, mon konnen ou abil dan pouz regilasyon *to the limit*. Me nou a pran sa bann kestyon apre nou a les bann Manm demann en pe. Minis.

THE DESIGNATED MINISTER JEAN-FRANCOIS FERRARI

Onorab ou pe demann mwan en kestyon pou - ou anvi en repons oubyen ou pa anvi en repons? Akoz mannyer ou pe dir mon pa pou kapab reponn ou?

MR SPEAKER

Ki sa ki ou pa kapab reponn Minis?

THE DESIGNATED MINISTER JEAN-FRANCOIS FERRARI

Non, akoz - (ou pa donn mwan lord ou. Ou pa donn mon lord ou.)

MR SPEAKER

Non, non, Minis silvouple

(Interruption)

MR SPEAKER

Hold on! Hold on! Minis silvouple reponn kestyon.

THE DESIGNATED MINISTER JEAN-FRANCOIS FERRARI

Wi, non Mr Speaker, akoz avan mon'n reponn Onorab in dir mon pa pou kapab reponn. Alors mon bezwen demann li si i demann mon en kestyon pou li anvi en repons, oubyen i pa anvi en repons.

De tout fason i pa pe gannyen en repons, akoz nou pe koz lo Polisi, ou pe ou kestyon i lo Polisi e la nou lo Bidze! Alors ou a ganny en repons lo sa bout kot PS Racombo i kapab reponn ou. Mersi.

MR SPEAKER

Non Minis eskiz mwan - eskiz mwan. Mon konnen sa kestyon Polisi in monte, mwan dan Lasanble mon'n fer en lareg ki si en i bord lo Polisi, me i tou lo manda Bidze - ki dan Bidze nou touse lo bann kestyon Polisi.

So annou pran en pe lasazes lo sa pwen.

(Off-Mic)

MR SPEAKER

Onorab esper en kou, esper en kou. So annou silvouple - mon apresye ki bann repons i vin direk, *concise* lo kestyon – *ok*? Me selman annou sey adres bann kestyon.

HON SEBASTIEN PILLAY

(Off-Mic)

MR SPEAKER

Yes ki ou *point of order* Onorab?

HON SEBASTIEN PILLAY

Mersi Mr Speaker. Mr Speaker i annan en dimoun lo sa kote, i annan en dimoun la i annan en dimoun la. Mwan sa ki mon'n dir ek Minis, mon'n dir Minis i kapab reponn sa bann kestyon.

Se sa ki mon'n dir - ou'n tann mwan ou, akoz ler ou'n dir ek mwan koumsa poudir,

(Interruption)

HON SEBASTIEN PILLAY

... ler ou'n dir ek mwan koumsa poudir ...

(Interruption)

MR SPEAKER

Order!

HON SEBASTIEN PILLAY

Mr Speaker ler ou'n dir ek mwan poudir mon'n demann - mon pe al lo lezot kestyon, mon demann ou Minis napa problem pou reponn sa bann kestyon. Minis Ferrari i annan son problem personnel ek mwan. In anvi ensilte mwan devan Lasamble - i *ok* sa! *Ok!*

MR SPEAKER

Ok mon pa pou al dan sa *point of order*. Mon vreman pa soz - annou silvouple reponn bann kestyon. Minis ou pe pas kestyon ek bann *PS*? *PS* Racombo.

PS KENNETH RACOMBO

Wi lo kote *blue bond* sa bann fakter Onorab, i pa pou lo Departman *Blue Economy* pou rather depan lo sa endividé, akoz i annan bann dokiman ki labank in demann zot pa kapab *submit* pou le moman.

So i pou *only* kapab - sa larzan ganny abzorbe *once zot submit* sa bann dokiman. Sa i enn. Epi dezyenm faktor i annan bann *issue* ki *relate* ek lenfrastriktir lo *zone 14*, ki en pti pe vin en *challenge* pou kapab abzorb sa larzan. Mersi.

MR SPEAKER

Byen, ou annan kestyon ki pa'n ganny reponn? Wi.

HON SEBASTIEN PILLAY

Mersi Mr Speaker. Mr Speaker mon al fer mon lekor kler. Mon en dimoun ki kontan lapes. *SFA* in entrodwir en novo Polisi ki mwan, mon krwar i en bon keksoz. *SFA* nou ti zwenn ek li konman Lasanble e ti koz en keksoz difikilte ki i kapab gannyen dan *enforcement* sa Polisi.

Minis in koz lo *management* nou *zone Mahe plato* ki mwan konman en Seselwa mon konsernen akoz nou annan ase levidans pou montre ki serten nou bann lespes *demersal*; par egzant lespes bourzwa, pe konmans perdi dan nou delo. E i annan kontrol ki'n ganny mete, sa ki mon ti pe demann Minis anba son Minister ki Departman Lapes.

In terms of Polisi, ki bann mezir i pe pran pou enforce sa? (Be dan *Standing Orders* i dir poudir ou annan travay!)

MR SPEAKER

Ale, dir nou keksoz spesifik.

HON SEBASTIEN PILLAY

So mon kestyon spesifik se demann Minis, ki mezir i pe met an plas pou siport *SFA* dan son travay? Se tou - napa nanryen pou li ankoler. Mon pa konnen akoz. Minis Ferrari i nerve ...

MR SPEAKER

Mersi. Silvouple arete avek sa bann zafer ankoler. Minis son kestyon i demande ki mezir pe ganny met an plas pou siport *SFA*?

Si i annan en repons mon ti ava apresye nou gannyen. Si ou dir napa repons nou a *move on*. Silvouple.

THE DESIGNATED MINISTER JEAN-FRANCOIS FERRARI

Mr Speaker avek respe. Napa en repons, akoz i pa'n nomm Bidze. Si i annan en keksoz pou fer ek Bidze mon a reponn li, me si i pe rode si nou annan konpetans, oubyen nou annan Polisi – tousala - nou annan Polisi, nou annan konpetans, nou annan leksperyans.

Me selman la i pa i napa nanryen pou fer avek Bidze. Se pou sa ki mon pe sey dir li si i annan en kestyon lo Bidze demann en kestyon lo Bidze, mon ava reponn li. Mersi Mr Speaker.

MR SPEAKER

Minis mon repons mon reponn ankor mon repet ankor, kestyon ki bord lo manda ou Minister, menm si i tous lo Bidze, lo Polisi, ki relye avek Bidze mon pe permet Manm demande silvouple e mon pe demann ou pou reponn.

Bon nou a pase, Minis pa anvi reponn lo sa kestyon nou a kontinyen.

HON WALLACE COSGROW

(Off-Mic)

MR SPEAKER

Onorab Cosgrow eski ou kapab gard en pe respe pou Lasanble e evite kriye atraver lasal, mersi. Onorab Esparon ou kestyon.

HON REGINA ESPARON

Mersi Mr Chairman. Mr Chairman dabor mon ti ava kontan felisit Minis ek son lekip, pou zot Polisi lo *sustainable fishing*. Mon kontan zot pe promot *sustainable fishing* pou ki nou bann lespes ki an danze pa ava ganny disparet, koumsa nou bann pti zanfan demen ava kapab trouve.

Premye kestyon Mr Chairman, mon pa pe war alokasyon pou *gear store* pou peser Glacis dan Bidze, petet Minis ti a kapab gid mon kote i ete. Ki sonm ki i annan pou proteksyon *gear store* pou peser Glacis? Kan i ekspekte konmanse parske nou'n ganny enn tanporer la e konbyen i pou koute? Premye kestyon.

Dezyenm kestyon Minis, ti annan i annan en propozisyon pou *relocate* bazar pwason anvil, pou vin en pe pli pre avek lasose pou bann peser artizanal i antre.

Eski dan sa Bidze i annan en sonm ki'n *allocate* pou fer sa?

Epi Minis zis en pti komanter mon 2 kestyon i *ok* en pti komanter. Mon konnen poudir Minis ou dir bann peser Glacis zot in ganny en bazar servi. Me selman i annan en pti defayans ki letan, letan soley i kouse ler peser i antre, soley i tap lo pwason. Petet sa i ava annan en lot konversasyon pli tar pou gete ki mannyer nou kapab rektifye sa. Mersi.

MR SPEAKER

Mersi. Nou annan 2 kestyon silvouple, si Minis i kapab adrese oubyen son zofisyen?

THE DESIGNATED MINISTER JEAN-FRANCOIS FERRARI

Mersi Mr Speaker. Mr Speaker pou Glacis pou *gear stores*, Minis Finans ti anonse poudir sa i pou tonm anba Bidze SFA, me selman mon pou kapab donn ou detay. Bann *design* in fini fer e i kot *Planning* pou permision.

I pou ganny *tender* par lafen Zanvye nou espekte e ladan i pou enkli *boundary wall*, *gear store* e *road access* e nou pe sey rod fason pou nou fer rod en *tender* pou *in one lot* - en sel kontrakter ki vin fer en sel travay.

Akoz nou'n war lannen pase ki ler i annan differan kontrakter lo *site* i vin en pe konplike e *cost* in ganny *estimate* a R4milyon. Ou dezyenm kestyon Onorab?

HON REGINA ESPARON

Mon dezyenm kestyon i an relasyon avek *relocation* bazar Victoria, sirtou bazar pwason ti deza annan en pozisyon, kan sa pou ganny materyalize? Mersi.

THE DESIGNATED MINISTER JEAN-FRANCOIS FERRARI

Mersi Onorab. Onorab i annan en letid ki pe ganny fer si i posib pou servi sa landrwa ki mye koni 'Dan Zonnyon' ki pou STC la ki lo por. Ki lo delo an fas avek *Sea Harvest* lo Por Artizanal. E si sa i kapab ganny konverti, oubyen modifye, oubyen rekonstri pou nou kapab fer en *wholesale market* pou pwason pli pre avek kot bann pwason in ganny debarke.

So sa i touzour dan en letid ki pa ankor ganny konkli, me selman i en proze ki Gouvernman i anvi antreprann. Mersi.

MR SPEAKER

Mersi. Onorab Vidot.

HON AUDREY VIDOT

Mersi Mr Chair. Bonn apre midi Minis ek ou delegasyon e tou dimoun a lekout. Mon premye kestyon i fer referans avek *Blue Economy*; mon pe regard zot bann *challenges* ki annan pou fer avek *shortage of specialized skilled* pou *strategic development of blue economy*.

Zot annan *poor management of maritime boundaries*; i annan pou fer ki pou ed zot lo kote *human resource*. So mon fini war i annan en problem *staffing*, pou rod bann dimoun kalifye petet dan sa bann domenn.

Alors mon oule regarde, akoz mon konpran kot Departman zot deza annan travayer ki'n *resign*, ki'n arete. So eski ou kapab dir nou konbyen *turnovers* ki'n annan?

E mon pa pe war dan zot stratezi 2023, menm si zot annan Bidze pou zot adres petet sa bann *issues of dimoun kalifye* dan sa bann domenn?

Eski zot kapab eksplik nou si i annan en gran *staff turnover* konbyen, *be it kanmenm i pti gin osi?* Me dir nou kwa ki zot pe fer pou zot adres sa bann *issue*, pou zot war ki mannyer zot kapab ganny bann dimoun kalifye dan sa bann domenn ki zot bezwen? Mersi.

MR SPEAKER

Mersi. Minis.

THE DESIGNATED MINISTER JEAN-FRANCOIS FERRARI

Mersi Mr Speaker. Mr Speaker Onorab mersi pou ou kestyon. Mon krwar selman ou pe konfiz Departman Lapes avek SFA. SFA i en lot lorganizasyon.

Kot Departman, kot Departman Lapes napa okenn depar signifikan. Bann travayer ki la se bann travayer ki la depi, depi en bonpe letan e nou pe kontinyen devlope pou nou *recruit* bann nouvo.

Kot SFA in annan plizyer travayer ki'n al dan bann - ki'n ganny promosyon dan bann lezot seksyon, ki'n al travay aletranze. E nou ankor annan enn de ki pe bouze pou zot al travay aletranze e pou zot pran bann konsiltan par egzanp.

Me sa i toutafe normal i dan en rotasyon normal lakantite *staff* ki bouze. Mersi. Espere ...

MR SPEAKER

... esper en kou nou annan dezyenm kestyon.

THE DESIGNATED MINISTER JEAN-FRANCOIS FERRARI

PS i anvi -

HON AUDREY VIDOT

(Off-Mic)

MR SPEAKER

Atann. PS pou reponn. Ou'n demann 2 kestyon les repons apre ou a demann klarifikasiyon. PS?

PS KENNETH RACOMBO

Onorab zis pou met keksoz an perspektiv;- Departman *Blue Economy* i annan 19 staff, i annan 2 ki'n arete, so mon pa pou tro kalifye li konman en *high staff turnover*. Me selman par egzanp nou degré nou en *coordinating Department* nou bezwen diferan kalite *skill*. Par egzanp ler ou pe negosye *maritime boundary*, legzanp ou bezwen spesifik *skill* ki ou bezwen annan.

E pou le moman *whilst* ki nou plan i pou anvoy bann *staff* ki nou annan - bann *technical staff* ki nou deza annan *training*, nou *want* serten laspe ki nou napa ekspertiz *inside, through* en Komite ki Departman li i akt konman Sekretarya. Sa i nou plan. Mersi.

MR SPEAKER

Mersi. Ou klarifikasiyon prezan Onorab?

HON AUDREY VIDOT

Mersi Mr Speaker. Mr Speaker premyerman mon a dir mersi PS Racombo. Akoz ou'n, ou'n ekout byen mon kestyon. Petet Onorab Ferrari i merit ekout byen letan nou demann kestyon.

Akoz mon'n dir spesifikman lo Bidze *Blue Economy* ki Minis ou'n rat sa sans pou ekoute. Prezan mon klarifikasiyon, lo sa 2 ki'n ale eski zot annan dan Bidze pou zot kapab ranplas sa bann travayer, oubyen si zot lekspertiz i deza difisil la lo marse lanplwa? Mersi.

MR SPEAKER

Mersi pou klarifikasiyon. Minis lekel ki pou adrese? PS.

PS KENNETH RACOMBO

Onorab kekfwa mon devret koriz mon lekor - *in fact* i annan enn ki'n ale, akoz mon'n dir ou sa lannen me selman sa lot ti al lannen

2021. E enn i *Information and Communication* e laplikasyon nou ti annan bokou pou ranplas li - wi.

E sa dezyenm ki'n ale in al sa lannen e ki nou, nou pe fer - pou le moman nou pe servi *internal skill*, akoz nou pou annan en sistenm ki nou pou apel *job enlargement*. So nou'n donn en *current staff the additional duties* eskan ler nou al idantife en kandida solid pou ranplase.

Me parey Minis in dir, nou deza annan 2 *staff* ki'n ganny aprose pou kapab zwenn nou Departman. Mersi.

MR SPEAKER

Mersi. Onorab Larue.

HON FLORY LARUE

Bonn apre midi Mr Chair. Mersi Mr Chair. Bonn apre midi Minis avek ou delegasyon. *PS* pou *Blue Economy* in fini reponn premye bout kestyon lo kote kantite *staff* ki zot annan. Si zot ti kapab dir konbyen ki dan Departman *Fisheries*? E dan sa bann kantite *staff* lekel ki spesifikman dan Departman Legal?

Mon dezyenm kestyon i base lo lefe ki pou *fisheries* i annan sa *program 1* - sa en programm e i base *around* sipor pou biro, biro Minis.

E lefe ki nou konnen ki i annan en Lalwa ki pe vini pou *Fisheries* - novo Lalwa. E eski zot annan ase sipor *within the Ministry* pou zot kapab anmenn sa travay ki bezwen ganny fer pou sa novo *Bill* ki ki nou espekte gannyen byento? Mersi.

MR SPEAKER

Mersi. *PS Fisheries*?

PS ROY CLARISSE

Mersi Mr Chair. Mersi Onorab. Dan Departman Lapes nou annan nou 16 *staff*. Me selman nou annan 1 *staff* akoz nou ansanm avek Departman Lekonomi Ble so nou *share* en pe bann *staff* ki *non-technical*.

An term *technical staff* li menm dan Departman Lapes, nou annan nou 4. E pou le moman nou napa en zofisyne legal, me sa i enn bann demann ki nou ti'n fer atraver Minister Finans, pou nou ganny en zofisyne legal. I domaz nou pa'n gannyen, mon *hope* ki nou ava ganny li 2024.

Me selman i annan serten laranzman ki Minister Finans in fer, ki nou pe travay ansanm avek Departman Lekonomi Ble, pou

nou kapab finans e rekrit en zofisyè legal pou ed nou. Me pou le moman vi ki nou, nou napa personn *in-house*, nou pe servi zofisyè legal kot SFA, pou ed nou avek sa, sa travay kot i annan pou fer avek bann keksoz lega ;-l sirtou renouvelman Lalwa Lapes. Mersi Mr Chair.

MR SPEAKER

Mersi. Dezyenm kestyon eski in ganny reponn? Ki ou pe rode la - en kestyon ki pa'n ganny reponn, oubyen klarifikasyon ? Onorab ale, yes?

HON FLORY LARUE

Mersi Mr Chair. Mersi PS. Lefe ki mon dezyenm kestyon ti baze lo staff i la pou siport biro Minis dapre program, e lefe ki i annan sa bann kad legal ki pe vini, mon war ki i annan en *increase* pou staff;- eski sa i spesifikman pou lo kote legal? Akoz pou le moman ki mannyer i ete SFA ki pe fer sa travay.

Eski plis sipor pou ganny donnen Minister, akoz deza kantite staff i pti git, pou zot kapab vin pli efikas san sa Lotorite? Mersi.

MR SPEAKER

Mersi. Lekel ki pou reponn? PS Clarisse wi?

PS ROY CLARISSE

Mersi Mr Chair. Annefe pou nou, nou rekritman ki nou annan pou 2023 nou pe *recruit* en *Director General* e sa Direkter Zeneral i pou ede osi tou pou travay en pe lo sa bann, lo sa bann ankadreman legal ek bann pa neseserman en dimoun legal.

Me pou osi asiste avek sa bann Lagreman e bann lobligasyon ki nou annan pou travay lo la. Me i pa en pos legal *per se*.

MR SPEAKER

Mersi. Onorab Cosgrow?

HON WALLACE COSGROW

Mersi Mr Chair. Mr Chair mon bann kestyon i baze lo Bidze pou Minis. Annefe lo Bidze *Blue Economy* - mon ti dir avek Minis Finans dan mon repons Bidze konmkwa ki zot pe ankor anpandan lo bann linisyativ Gouvernman avan.

E la mon anvi antre spesifikman lo en keksoz dan Bidze *Blue Economy*, an se ki konsern sa bann *grants* sa bann *non-produced assets, non-financial assets non-produced assets*.

85milyon 84milyon lannen pase tousala i bann *initiatives*, bann *incentives* depi en bonpe lannen avan. Eski Minis i kapab dir nou, si zot annan lide or si zot annan nouveau *initiatives* ki zot pe anmennen konman en Minister, pou war bann nouveau *avenues* pou kapab *increase* lenvestisman, *aside from* bann *traditional sources of financing* pou *increase* lenvestisman dan Sekter Lapes?

Akoz la mon pe war *swio fish, SeyCCat, DBS* which is detrwa lannen pase sa, i bann keksoz ki bezwen ganny ki pe vin a laporte dimoun. Apre lo menm zafer la si lannen pase - *I mean* sa 2022 la, ki kantite ladan ki'n ganny servi? Si ou annan *figures* poudir nou kantite ki'n ganny konsonmen dan sa 84milyon?

Apre mon lot kestyon i konsernan *joint management area*, mon pe get dan Bidze *Blue Economy*, mon war en Bidze SP 2 pou *maritime boundary delimitation*.

Eski sa *joint manage area* avek Maurice i tonm anba sa e ki bann aktivite ki zot pe fer dan *joint management area*? E eski *the issue of deep sea mining* – an vi ki Prezidan in deklare ki souvandfwa ki nou bezwen *protect the seagrass of sa area*, eski sa *issue of deep sea mining* i enn ki lo radar Gouvernman e ki zot pozisyon lo la silvouple? Mersi.

MR SPEAKER

Mersi.

THE DESIGNATED MINISTER JEAN-FRANCOIS FERRARI

Mersi Mr Speaker. Mersi Onorab pou ou kestyon. Onorab an sa ki konsern sa bann, sa bann diferan programm *innovative financing*, mon pa konnen si ou ti espekte ki ler en nouveau Gouvernman pou vini, pou zet tou sa ki sa ansyen Gouvernman in fer.

Nou pa travay koumsa nou. Si i annan keksoz si i annan keksoz ki pe mars byen e ki bann teknisyen in travay byen lo la, in fer bann bon, bann bon travay e ler mwan, mon ti dan sa Lasanble mon'n apiye, pou ki nou annan sa bann *innovative financing*, se ki nou kit zot e devlop zot en pe plis.

Me selman pou lavenir nou, nou ti a - Polisi Gouvernman oubyen son politik se pou sey war ki mannyer nou kapab, plito ki zis rod finansman pou finans nou bann devlopman, nou ankouraz sekter prive pou antre dan lenvestisman zot menm.

E sa nou pe fer bokou atraver sistem *aquaculture*, kot nou anvi ki bann lenvestisman se bann lenvestisman prive komersyal. Nou pa kapab *run* en pei tou lazournen lo lasistans lo zis donn

bann *grants*. So sa i en premye letap e la preznan nou pe fer en kantite travay lenformasyon avek bann Lazans deor.

Nou'n fer li avek *BlueInvest Africa*, avek partou kot nou, kot nou annan posibilite pou nou ankouraz bann envestiser pou vin antre dan, dan lekonomi. Pa bann programm ki toulstan i annan bann *subsidy*. So sa i son politik zeneral.

E sa i diferans ant sa Gouvernman avek Gouvernman avan. Prezan mon pa konnen si *PS* i kapab donn ou enn de repons pli spesifik lo sa bann programm. Mersi.

MR SPEAKER

Wi apre nou annan lo *joint management area*. Nou a pas kestyon avek *PS*. *PS* ?

PS KENNETH RACOMBO

Mersi Mr Speaker. Onorab zis pou mon azout lo sa ki Minis in dir. Parey ou pou trouve dan 2024 i pa aparet okenn *swio fish* e eksetera. Me selman akoz sa i annan diskisyon ki *ongoing*.

Parey ou pou okouran sa fon ki nou annan i target prensipalman *value addition in the fisheries sector*. Gouvernman in diskit avek *World Bank* pou *expand* li e *obviously* pou zot *expand* li zot pou bezwen esper sa premye faz in 2023 konplete, epi pou gete si nou kapab *expand* li pou target *marine biology* avek *the circular economy*.

An konsernan *the GMA* ki nou annan avek *Maurice*, enn nou priyorite ki nou bezwen fer la, i ki nou bezwen fer *the marine special plan*. Akoz nou bezwen fer *the marine special plan* pou idantifye dan sak *zone* ki sekter - ki morso oubyen ki *zone* nou pa pou touse e ki *zone* ki annan bann potansyel ekonomik.

An relevans to *deep sea bed mining* nou pa ankor pran en pozisyon formel lo la. Mersi.

MR SPEAKER

Wi klarifikasiyon Onorab ?

HON WALLACE COSGROW

Yes Mr Chair. Zis en klarifikasiyon pou klarifye mon lekor akoz i paret mwan Minis pa'n konpran mwan. Ler nou pe get laliny Bidze lo *blue bonds* Minis i pa larzan donnen sa, i *loan* ki ganny met a sekter prive pou envestir.

Parey i ti pou al *Nouvobanq* parey i ti pou al *Absa* sa ki mon pe dir Minis. E osi Minis kantite sa bann *grants* - bann *grants*

ki donn bann *startup* la i pa en, en dezonner bokou pei i fer sa. Akoz *startup* pa kapab ganny akse avek kredi kot labank, pou li kapab *start up* en *innovative idea*.

So Minis mwan, mon ti krwar ou bokou pli *clever* ki sa i paret mwan ou pa tro, tro konpran sa bann zafer. Mersi.

(*Interruption*)

MR SPEAKER

Bon sa, Onorab, Onorab sa dernyen komanter pa ti neseser. Minis mon pe demann ou korperasyon, *obviously* i annan en nespes rankin dan Lasamble. Mon pa konnen si i avek ou oubyen si i avek Gouvernman *LDS*, selman mon pe demann ou, ou dan Lasamble silvouple annou reponn kestyon annou evite antre dan bann deba lo politik devan *and so on*.

Silvouple mon bezwen sa korperasyon. Si ou annan en repons pou kestyon sa Manm Onorab mon a ekout li silvouple.

THE DESIGNATED MINISTER JEAN-FRANCOIS FERRARI

Non, Wi mersi Mr Speaker. Mon konpran ou byen. Non mon repons pou Onorab se ki si li i ti pli malen, i pa ti pou la i ti pou ankor dan Gouvernman! Mersi.

(*APPLAUSE*)

MR SPEAKER

Bann –

(*Interruption*)

MR SPEAKER

Eskiz mwan, mon'n tann bann Manm *LDS* pe aplodi. Minis mon pa tro kontan sa latitud, mersi. Si -

(*Interruption*)

MR SPEAKER

Hold on! - Hold on! Mon espekte ki Minis i reponn en kestyon e ki i evite antre dan bann provokasyon silvouple.

Onorab Georges ou annan en pwen.

HON BERNARD GEORGES

[Type here]

Wi.

MR SPEAKER

Ki en pwen *a point of order* oubyen kwa?

HON BERNARD GEORGES

Non, non, non, non Mr Chair mon pe zis demann ou lendilzans, an vi en kestyon ki Onorab Cosgrow in demande e ki PS Racombo in reponn lo *deep seabed mining*, mon ti anvi demann en pti kestyon *arising out of*.

Mon konpran ki i pa letan, me mon demann mwan si sa i pa en bon moman pou mon fer sa. Akoz nou lo sa topik. Zis en pti kestyon.

MR SPEAKER

Sanmenm mon dir ou kapab demann sa kestyon ou pe zis sot lord.
Ok go ahead.

HON BERNARD GEORGES

Mon pa ti'n demann laparol.

MR SPEAKER

Yes, ale.

HON BERNARD GEORGES

Eski mon kapab demann avek - Mersi Mr Speaker pou ou lendilzans. Me mon krwar i ava enportan. Eski PS Racombo i kapab dir nou ki kantmenm Gouvernman pa'n pran en pozisyon lo *deep sea bed mining*, nou'n kantmenm pran en pozisyon ki nou pou sipor en moratwar ziska ler lasyans i diriz nou, lo si nou devret oubyen si nou pa devret? Mersi.

MR SPEAKER

Mersi. *Panel i annan en repons ?*

PS KENNETH RACOMBO

Onorab mon pou sey koriz mon lekor nou pa'n pran en pozisyon formel lo la. Mersi.

MR SPEAKER

Tre byen bon. Klarifikasyon.

HON SEBASTIEN PILLAY

Mr Speaker ...

MR SPEAKER

Ki klarifikasyon ou pe rode Onorab.

HON SEBASTIEN PILLAY

Mr Speaker zis lo sa pwen ki Onorab Georges in leve akoz i en pwen enportan. Sa size *deep seabed mining* i annan en moratwar lo la. Sa ki nou pe klarifye, se eski sa pozisyon enformel ki nou'n pran, nou'n pran li an relasyon avek moratwar oubyen nou pran en pozisyon an relasyon ek *deep seabed mining*?

Sa ki mon ti pe sey klarifye, mon pa tro konpran.

MR SPEAKER

PS i dir, in dir zot pa ankor pran en pozisyon formel lo la. Sa *that's the answer*. Mersi. Mon pe rode kot mon'n arive la - mon'n arriv kot Onorab Arissol.

HON SANDY ARISSOL

Mersi Mr Chair. Bonn apre midi bonswar Minis avek ou lekip. Mon ti anvi demann ou Mr Chair anvi ki SFA pa *feature* lo la, selman i tonm anba Minis si mon kapab demann 2 pti kestyon an relasyon lo sa pou li reponn?

MR SPEAKER

Wi mon pou permet ou demann sa kestyon, si Minis i santi poudir i pa devret donn en repons i a kapab dir mwan. Onorab?

HON SANDY ARISSOL

I lo Bidze annefe parske letan mon pe get anba, anba *Fisheries* i annan sa Polisi pou *Fisheries Policy and Development*, mon ti anvi demann ou anvi ki Bel Ombre parey ou konnen nou annan *processing plant* - nou annan 2 Bel Ombre. Mon ti a kontan zisteman demann ou an relasyon avek Bidze ki nou pe donn zot, ki zistans in arive avek *processing plant* lo konblaz Bel Ombre?

Lekel ki'n gannyen? Si i an mars? Si i pe prodwir pou ki larzan i retourn dan lekonomi pei, zisteman pou nou ganny larzan dan Bidze an relasyon avek sa?

E letan mon lo *processing plant*, i annan osi kot Mr Loizeau i ete isi devan, mon pe demann avek zot kan zot pou kapab ganny

en koze avek li, pou nou kapab annan en bon sistenm baraz la kot i process son bann pwason.

Parske letan i pe fer son *processing* bannla i *process* lasel, zot *process* lirin, zot *process* drog lanmenm. Pou nou annan en lord dan sa landrwa. Mon premye kestyon.

Mon dezyenm mon ti a kontan demann avek Minis, kekfwa an relasyon avek SFA letan zot pe zer zot larzan - mon kontan letan tou lezot distrik in ganny zot bann fasilite.

E parey ou konnen Minis, Bel Ombre nou'n ganny montre plizyer proze en pti landrwa pou nou bann peser. Parske parey ou konnen i annan en kantite konplent an relasyon avek sa pti landrwa ki nou servi, kekfwa kan Gouvernman ansanm avek SFA, Departman Lapes, zot pou met ansanm en pti larzan pou ki nou bann peser osi kapab ganny en pti zoli fasilite pou ki zot aret ganny konplent ki zot fer dezord, zot fer tapaz? Se tou Mr Chair, mersi.

MR SPEAKER

Mersi. Minis ou repons?

THE DESIGNATED MINISTER JEAN-FRANCOIS FERRARI

Mersi Onorab. Mersi Mr Speaker. Mr Speaker lo son dezyenm kestyon, mon ti a kontan dir avek Onorab ki nou annan en pe difikilte avek alokasyon later - bann later dan sa landrwa ki pa kler.

E nou annan enta travay ki nou pe fer - pa zis Bel Ombre me dan plizyer landrwa pou nou kapab *sort out* lekel ki *owner*, lekel ki ansarz sa bann later. Se sa ki fer ki nou annan parler nou annan en pe difikilte avek serten dimoun ki met *container* dan landrwa e nou pe sey met en pe lord.

Nou'n gannyen Bel Ombre en bon konversasyon avek bann operator ki la e enn bann keksoz ki nou pe al fer se ki nou pe al sa operator pe al bar son landrwa.

E i pou permet nou fer en pti, en pti landrwa detant pou bann peser, ki nou'n promet zot. E sa kontrakter ki *on site* pou le moman, akoz i annan en kontrakter ki *on site* e ki pe fer ki pe repar bann fasilite lo, lo *loading* la - lo sa *slipway* la.

E sa kontrakter in *ok* pou ki fer sa pti landrwa pou detant. Donk sa i deza keksoz ki nou anvi fer, pou nou fasilit e ankouraz bann peser ki dan sa landrwa.

Ler ou al an deor lo konblaz, i annan bann *processing plant*, la sa se bann *processing plant* ki'n ganny fer depi en pe letan e ki pa'n zanmen fini.

Akoz son *floor* parey ou konnen son *floor* pa'n ganny fer i en pe en louvraz en pe demi, demi malgol ki ti ganny fer. E prezan nou solisyon ki nou annan se pou nou akoz non in fini *allocate* pou nou *merge* ansanm 2 sa bann *plant* i annan 6 zot - i annan 4 zot.

So i pou annan 2 operater nou pou bezwen donn zot 2 *plant* sakenn e sa nou pe finaliz - nou'n fini *allocate PS*. E nou pe donn permision pou antre pou zot fer zot fer sa bann modifikasyon ki merit ganny fer.

Malerezman Mr Onorab, dan plizyer sa bann landrwa e enkli Providence, nou'n erit bann fasilite ki pa lo standar ki'n ganny fer ki'n ganny kas kontour en pe. E sa i pran letan pou nou kapab met en pe lord avek sa bann fasilite.

Me selman nou pe avanse e mon konnen ki Bel Ombre zot en pe enpasyan, me selman keksoz pe vini. Mersi.

MR SPEAKER

Mersi. Onorab Gill.

HON CHURCHILL GILL

Mersi Mr Chair. Bonn apre midi Minis avek ou delegasyon. Mon kestyon i lo ler ou ti fer ou *summary* ou ti mansyonn bann Lagreman ki'n sinyen ki zot in - ou'n kapab konplete.

Mon kestyon se dan lespri pou nou diversifye nou lekonomi e *fisheries* i enn ki pe ganny targete pou nou kapab fer bokou pli byen, eski dan bann negosyasyon ki nou'n fini sinyen dan bann lagreman.

Nou'n ganny *the best deal* oubyen nou'n ganny sa ki ti posib pou gannyen? E si kondisyon pou negosye ti diferan, eski Sesel ti kapab ganny plis ki nou'n gannyen la? Sa premye.

Dezyenm lo sa 10milyon, eski sa - akoz ou'n mansyonnen bann dimoun ki zot aplikasyon pa konplet - mon kestyon se eski *availability* sa 10milyon i pou la pou en bonpe letan, oubyen sa bann dimoun pou annan serten letan ki zot devret konplet zot bann dokimantasyon pou kapab *clear* sa? Mersi.

MR SPEAKER

Mersi. Minis repons?

THE DESIGNATED MINISTER JEAN-FRANCOIS FERRARI

Mr Speaker mon ava koz lo sa bann negosyasyon. E mon ti a kontan konmanse par felisit mon lekip ki fer sa bann negosyasyon

ki ganny anmennen par *PS Clarisse*, ki vreman en travay tre difisil e tre detaye ki bezwen ganny fer.

E Onorab bokou sa bann Lagreman Lapes la, parey mon'n dir pli boner in en pe an retar. Nou pa'n *on top of our game* pou nou revwar zot ler zot vini tou le 5an, oubyen tou le-zan, oubyen tou le 6an parey avek Linyon Eropeen.

Par egzanp mon ava donn zot dernyen Lagreman ki'n ganny re negosye ki'n ganny met azour se Lagreman avek bann *long-liners* sorti *Taiwan*.

E sa sot dernyen negosyasyon ti an 2007 e la nou 2022 e pa ti ankor annan okenn, okenn reaktilizasyon konmsi pou reget bann *figures*. E sa in fer ki wi, byensir ler nou'n negosye nou'n kapab ganny nou en logmantasyon ant 37 - 37 mon krwar a 42poursan logmantasyon lo bann *license fees* ki zot ti pe peye.

E sa i tir nou dan 52milyon - avek zis dan sa lakor - 52milyon par an;- R52milyon par an, pou anmenn nou R67milyon par an.

Donk R15milyon an plis e se pou sa ki mon anvi felisit mon bann negosyater akoz en kantite progre ki nou'n fer. E pou menm zafer pou nou Lagreman avek *Maurice*, mon krwar nou'n ganny nou en *substantial* ogmantasyon lo bann *fees* ki zot pe donnen.

Lannen prosen i tonn 3an apre Lakor avek Linyon Eropeen e i annan en *Mid-term Review* ki pe al ganny fer an Mars, Avril lannen prosen. Deza *PS* avek, avek son lekip ki ti *Brussel* mwan pase, zot in deza konmans koz avek Linyon Eropeen, pou gete ki mannyer nou kapab apre 3an gete si nou pa kapab aziste pti morso.

Akoz parler ler nou esper tro bokou letan ler ou dir ou pri zot dir ou i tro bokou. So nou, nou pe sey fer fason met azour e *up-to-date* avek tou sa bann Lagreman Lapes. Akoz nou konsyan - nou konsyan ki nou resours i annan en kantite valer kantite dimoun i anvi vin lapes resours e nou bezwen fer sir ki zot pe pey nou sa ki zot merit pey nou.

So mon pa ankor satisfe ki nou pe ganny tou sa ki nou merit gannyen, me selman i annan ankor lespas pou nou kontinyen negosye e pou nou kapab ganny sa ki pli meyer pou Sesel ankor dan, dan bann lezot negosyasyon.

Mon a pas dezyenm kestyon avek *PS Racombo*. Mersi.

MR SPEAKER

PS wi.

PS KENNETH RACOMBO

[Type here]

Onorab nou *investment fund* ki nou annan donn *DBS i en revolving fund - meaning* nou, nou komitman ki nou annan avek *DBS e* nou bezwen donn larzan kot pa *tranches*. Dan dernyen *tranche* ki nou pou donn zot *another \$2million* ki nou pou donn zot lannen prosen.

Sanmenm sa ki ou pou war dan 2024 i pou aparet. Mersi.

MR SPEAKER

Mersi. Onorab Labonte?

HON ANDY LABONTE

Mersi Mr Chair. Bonswar Minis avek ou *panel*. Mr Chair mon kestyon i osi i baze plizoumwen lo *SFA* petet Minis si ti annan sa lenformasyon, i ti a kapab donn ou en pti klarifikasyon. E mon krwar i konnen kwa ki mon pe al koz lo la *in regards to* nou proze bazar English River, si nou ti kapab konnen ki staz in arive e kan nou pe espekte ki nou kapab gannyen?

Akoz mon pa war nanryen anba Bidze ki'n ganny mete. Mersi.

MR SPEAKER

Mersi. Minis.

THE DESIGNATED MINISTER JEAN-FRANCOIS FERRARI

Mersi Onorab. Wi mon'n war ou bann ou plizer *email* ki ou'n avoye lo sa size. Mon ti a kontan dir ou ki dernyen lenformasyon ki mon annan se ki pou English River *planning approval* in ganny resevwar.

Nou pe esper bann desen detaye. Enn bann difikilte se pou nou kapab finalize si ki kantite konblaz ki nou bezwen fer dan sa landrwa la, dan sa *link* ant Radyo Sesel avek Ile Du Port.

Donk sa i en pti konplikasyon me selman bann *Planning approval* in ganny resevwar. Konstriksyon i devret kapab konmanse boner lannen prosen parey nou ti promet.

E i annan R5.5milyon ki'n ganny *earmark* pou sa proze. So mersi pou ou pasyans e keksoz pe vini mon krwar. Mersi.

MR SPEAKER

Onorab ou'n deza demann kestyon. *Point of order - Kwa? Wi, wi.*

HON WALLACE COSGROW

Mr Chairman zis en pti klarifikasyon, mon pa pe deranz deba mwan. Mon pa ti konnen si nou pe demann osi kestyon lo bann

proze SFA. Si nou ti konnen mon osi mon ti annan kestyon lo proze SFA.

Mon ti krwar nou pe diskrit lo Bidze Minister avek *Blue Economy*, so donn nou gidans silvouple. Si nou kapab demann kestyon lo SFA proze, akoz si SFA ki antreprann bann proze fisheries. Mersi.

MR SPEAKER

Mersi. Mon, mon pe pran bann kestyon ki mon konsider i lezitim pou sa Minister. Si Minis prezant i dir i pa kapab reponn sa kestyon mon pa kapab fors li reponn. Selman mon pe pran bann kestyon *ok me selman Onorab ou'n fini demann ou bann kestyon sorry.*

Nou a kontinyen. Mon a permet lezot demann kestyon. Onorab Adelaide.

HON FRANCOIS ADELAIDE

Mersi Mr Chair. Bon apre midi Minis avek ou delegasyon. Minis dabor felisitasyon pou tou bann proze ki ou pe fer. E nou war poudir ki zot pe byen debourye. Me selman nou Baie Lazare, petet dan Bidze eski petet i annan en pti keksoz pou Baie Lazare sirtou la kot Mr Henry Barallon parey nou ti koze so en zoli site pou nou fer zoli zafer;- manke i pe tann mon la i byen kontan? So petet pou konsidere.

Apre mon annan en pti *issue*. Bokou bann manrmay konmela i konn zis bwat ton zot pa konnen sa vre pwason laser ton.

E ti annan en proze ki nou pou anmenn sa ton fre lo latab Kreol. Ki zistans zot in arive avek sa bann keksoz? E petet dan Bidze ki bann sipor ki zot annan pou bann Lasosyasyon Peser parey nou Baie Lazare pou nou kapab debourye e ed Gouvernman pou nou met pwason a laporte piblik? Mersi.

MR SPEAKER

Mersi. Minis.

THE DESIGNATED MINISTER JEAN-FRANCOIS FERRARI

Mersi Onorab. Onorab ou dernyen kestyon nou annan en kantite sipor ki nou anvi donn bann Lasosyasyon Peser e nou anvi ki zot organiz zot lekor. Bann ki'n byen organize i annan en kantite benefis ki zot kapab gannyen ;- kantite sipor ki teknik ki en bann *advise* sa mon kapab dir ou.

Par egzanp mwan, mon fer li mon devwar mon fek sorti anler dan leo *Scotland* anler dan *Shetland islands* avek en gran delegasyon e ladan ti annan 5 peser, akoz mwan, mon anvi ki toultan kapab - e sa 5 peser i sorti dan bann Lasosyasyon Peser.

E mon akoz mon anvi konmsi toultan dekouver bann lezot pratik ki pe pase atraver lemonn. Donk sa i en demars ki toultan pou kontinyen ganny fer. E kekfwa si sa voyaz peser Baie Lazare pa'n benefisye lot voyaz zot ava benefisye.

I annan en pe travay ki mon pe fer mon fek pe koz avek Onorab Glacis pou nou fer sa travay avek bann peser Glacis. An sa ki konsern - ou'n nonmen bokou bann manrmay pa tro konnen ki nou pe fer. I conn zis bwat ton -en kantite travay nou fer avek bann manrmay.

E la bomaten nou sorti dan en travay avek bann zenn Lekol Maritim, avek bann zenn manrmay lekol Mont Fleuri, pou nou kapab angaz avek zot pou nou promot konsomasyon pwason dan fanmir.

I dan bann lakour. E nou'n fer bann donasyon pou tou bann lekol pou kapab zisteman pou fer sa kalite piblisite. Alors travay i la. E an sa ki konsern bann lenfrastriktir parey kekfwa ou ti pe sizere ki annan ki annan pou Baie Lazare.

Nou annan en kantite travay pe ganny fer o nivo rezyonnal e parey ou konnen nou annan en, en bon mannyer proze avek bann peser Anse La Mouche ki pou benefisye e Anse Boileau e Baie Lazare, akoz Anse La Mouche i dan milye.

E sa nou pe konsantre lo sa enn rezyonnal pou le moman e ler nou a kapab fer en zoli proze la - parey nou'n fer lezot landrwa - nou ava kapab bouz en pe lo Baie Lazare.

Alors ou konnen ou poudir sipor i la. Mon fek pe koz ek ou Prezidan Lasosyasyon - *Chairman* ou Lasosyasyon, i konnen poudir nou pe travay pou fer en bon keksoz pou Baie Lazare. Mersi.

MR SPEAKER

Mersi. Ou annan klarifikasyon Onorab? Nou a kontinyen, mersi. Onorab Andre.

HON CLIFFORD ANDRE

Mersi Mr Chair. Mr Chair letan nou pe get lo paz 87 anba *major achievements* ki'n ganny fer pandan 2021-2022, ladan i annan "conclusion of the Seychelles flag purse seiners fishing agreement."

Apre nou annan 2 ki koz lo ‘initiated negotiation with Seychelles flag industrial long line fishing vessel’ avek ‘initiated negotiation with foreign flag industrial long line fishing.’

Mon ti a kontan demann Minis, an vi letan i ti Lasanble, i ti enn son priyорite pou demann avek Gouvernman sa letan, ki Lasanble - sirtou reprezantan ACPEU i ganny mete lo negosyasyon avek Linyon Eropeen.

Akoz ler nou, nou al bann JPA - Lapes, Klima ensidswit i tonm par bann keksoz ki nou demande. So nou bezwen konn sa an gro. So ki pe ganny fer, akoz mon pa war okenn Bidze pou *follow-up* lo la?

Dezyenmman Mr Chair, se mon pe get lo ‘approved new spending’ lo latab 3 lo paz 89, i annan en *recruitment of director mon konnen PS in - Director General* in koz en pe lo la, ki met “planning and monitoring of the fisheries sector support under the EU fisheries agreement.” An referans avek sa, mon pou zis demann Minis ki pozisyon nou ete, akoz sa se anba sa EU agreement framework ki nou tonm bann bazar, ki pozisyon nou ete avek bazar Anse Aux Pins? E si i posib pou nou al fer en vizit pou donn en kontrandi bann zabitan?

Lo *Blue Economy* i annan en kestyon, se letan i dan *strategic priorities 2023-2025* in mete ki “create an enabling environment by enhancing advocacy on the Blue Economy agenda; strengthening relationships with key stakeholders and improvement improving research and development, in order to further support the development of the sector.”

Mon pe gete si - ki Bidze zot in mete e ki travay zot pe planifye, pou zot fer sa *advocacy* arive e ki i ava dekoul dan lasosyete li menm? Mersi.

MR SPEAKER

Mersi Onorab. Minis?

THE DESIGNATED MINISTER JEAN-FRANCOIS FERRARI

3 kestyon Mr Speaker. Nou ava sey reponn vitman. Mon ava reponn sa enn lo bazar Anse Aux Pins. PS Clarisse i ava reponn lo negosyasyon e PS Racombo i ava reponn lo finansman lo bann programm *Blue Economy*.

Onorab mersi pou ou kestyon. Anse Aux Pins proze i *on target* pou le moman. I *on target* e i espekte pare dan Mars, Avril lannen prosenn.

In annan serten konplikasyon avek. E parey dan tou proze - tou proze ki ou fer parey Onorab Esparon ki mannyer in dir nou, pozisyonnman serten keksoz kot bazar Glacis, kekfwa i pa'n 100poursan.

Toultan i annan sa bann pti keksoz. E dan tou proze ki nou'n fer menm Cascade ki nou fek fini konplete e mon konnen ki Onorab i byen satisfe. Me selman in annan enn de bann pti lazistaz ki ti merit fer e mon krwar nou'n fer.

E nou pe kontinyen gete. Me selman en *slab* pou nou mete pou bann dimoun ki netway pwason, pou vann kliyan. Donk proze i 80poursan pros pare pou konplete e i ekspekte annan serten varyasyon lo la, kekfwa son kou pou i kapab mont en pti pe.

Alors avan ki nou avan ki sa bann *cost* i monte, nou pe angaz nou avek *Procurement Oversight Unit* dan Gouvernman, pou fer sir ki nou ganny tou bann lotorizasyon pou fer sir ki nou ganny pou fer keksoz byen - byen dapre Lalwa. *Ok?* So mon kapab reasir ou ki keksoz i ava *ok*.

Pou bann negosyasyon ... pardon? Anr wi Onorab mon reste pa tro lwen avek Anse Aux Pins. *Anytime* mon anvi ou santi poudir ou kapab fer en vizit donn mwan en *call* ler nou pe monte, oubyen mon pe desann, nou kapab arete get en kou avek ... Me selman i annan bann peser pou *join* nou.

Pou sa ki konsern negosyasyon, mon ti ava zis dir ou Onorab, pou Linyon Eropeen par egzant, ki toultan - vre mon'n dir ki nou bezwen *involve* bann Parlanter.

Me selman mwan osi mon ti a kontan ki - mon pa ti a kontan al laba avek bann Parlanter ki pa ede;- ki zis la pou kritike. Konmsi i enportan.

Par egzant tou sa travay ki nou'n fer ziska prezant, bannla in war zis kritik lo la, i pa'n war nanryen ki bon. E sa i fer ki ...

(*Off-Mic*)

MR SPEAKER

Onorab!

(*Off-Mic*)

MR SPEAKER

Sorry? Stop! Onorab Loze ou ki'n kriye la?

(*Off-Mic*)

Li menm!

MR SPEAKER

Be mon pou demann ou *apologies*, oubyen sorti dan lasal. Yes?

HON JOHAN LOZE

Mon *apologies* Mr Speaker, pou lapenn mon dir Minis Ferrari ki nou fer egzakteman sa ki li in toulstan fer! Mersi Mr Speaker.

MR SPEAKER

Wi, Onorab?

HON JOHAN LOZE

I apologies Mr Speaker.

MR SPEAKER

Ou *apologies*?

HON JOHAN LOZE

Mersi Mr Speaker.

MR SPEAKER

Mersi.

THE DESIGNATED MINISTER JEAN-FRANCOIS FERRARI

Se sa ki mon dir, si nou annan en lespri korperasyon - en lespri met Sessel premye, napa problemm Onorab. E mon envite – mon ti a kontan avek Onorab William, toulstan nou annan sa bann bon korperasyon.

So annou fer li, annou fer li e annou travay ansanm pou nou kapab lev nou paviyon;- pa pou nou met pei dan bann negosyasyon enternasyonal. Parkont preznan PS Clarisse i ava dir zot lo bann dernyen negosyasyon ki nou'n fer.

MR SPEAKER

PS?

PS ROY CLARISSE

Mersi Mr Chair. Mersi Onorab. Onorab parey ou okouran letan ou en pei ki pe anrezistre bato, flag bato anba bann Konvansyon Enternasyonal ou annan serten lobligasyon legal ki ou bezwen pran.

E nou ziska prezan nou ti napa okenn *framework legal* ki ankadre nou bann bato *industrial long liners* ek *purse seiners*. Nou bann bato ki nou apel li nou bato ton.

So sa lannen nou'n konplet negosyasyon lo sa 2 e pou annan lagreman avek bann operator ki annan bato ki flot paviyon Sesel pou an tou *purse seiners* ek *long liners*.

E nou'n osi tou profit dan sa letan negosyasyon pou ogmant zot bann *license fees* osi tou ki zot peye. E fer sir ki zot tonm anba en kad legal. Mersi.

MR SPEAKER

Ti annan en dernyen kestyon *PS Racombo* ti pou adrese?

PS KENNETH RACOMBO

Onorab *advocacy* i ganny fer dan diferan fason dan departman. Premyerman nou annan en *communication and strategic plan* ki nou'n devlope. E sa i ganny *lead by* en *communication officer* premyerman.

Epi dezyenmman parey ou pou konnen tou bann *international corporating partners* e ler zot donn ou fon, zot *allocate* en fon pou fer komunikasyon *around* sa proze ki zot pe fer.

E sa i pa leksepsyon pou dan sa proze ki nou gannyen *circle economy*, pou devlop *marine technology* epi bann ki *relate to blue bond*.

E trwazyenmman *and more targeted*, nou annan en proze kot nou pe *revise the school curriculum*. Nou pe fer sa an, an partenarya avek Departman Ledikasyon, kot nou pe *include ocean literacy in the school curriculum*.

Epi staff *Blue Economy* i annan en programm kot tou le Lendi zot selekte en lekol koto zot ale, zot al fer en zot *sensitization*. Mersi.

MR SPEAKER

Onorab Pillay ou annan en lot *point of order*? Les mwan dir ou mon fatige avek ou bann *point of order* ki napa sibstans! Si ou annan en *point of order* ki valab, mon aksepte. Silvouple?

HON SEBASTIEN PILLAY

Mersi Mr Speaker. Mon napa en *point of order*, mon annan en *matter of privilege*.

MR SPEAKER

Yes.

HON SEBASTIEN PILLAY

Pandan letan ki kestyon pe ganny demande, Minis Ferrari in refize reponn tou kestyon ki konsern SFA ki mon kote latab in demande. In reponn tou kestyon ki konsern SFA ki lot kote latab in demande. An se ki konsern proze - an se ki konsern lo manda SFA. Ou menm ou ou'n tandé.

E ou sa ki ou'n dir ek nou se ki, si li i pa'n reponn i pa le reponn. Prezan mon ti a kontan ganny en gidans ek ou, lekel ki ansarz Lasanble, eski se Minis Ferrari oubyen se Speaker Mancienne?

Akoz Minis Ferrari i vin la pou reponn kestyon bann Manm! Onorab Vidot i demann li en kestyon Minis Ferrari i al dan en nespes kalite lesplikasyon, akoz i pa kapab reponn. E montre en mank respe pou Lasanble Nasyonal!

E prezan kote ankor nou war en problem. Onorab Andre i Manm ki *attend* lamazorite *meeting ACPU*.

Onorab Andre i demann li en kestyon *regarding including* bann Manm *ACPU*, dan plas reponn kestyon Onorab Andre, i vire i maltret Manm lo sa kote latab e dir bann Manm ki pou vin fer dezord dan *meeting ACPU*. Pou mwan Mr Speaker sa ...

Ou pe dir mwan napa sibstans? Mon pa konnen kantite sibstans mon bezwen montre? Piblik i war li menm.

MR SPEAKER

Mon'n tann tou. Mersi.

HON SEBASTIEN PILLAY

... So en Minis ki napa respe pou Lasanble mon pa konnen kisia mwan!

MR SPEAKER

Mersi bokou.

HON SEBASTIEN PILLAY

I fer lapenn pou war en Minis koumsa. Mersi Mr Speaker.

MR SPEAKER

Mersi. Sa dernyen remark i malapropo Onorab. Mon pa pou al dan prosedir pou *apologies* mon pou al ganny ... Selman mon pou fer - mon pou repet mon lekor lo sa pwen ki pe ganny adrese.

Mwan, mon pe demann Minis pou reponn kestyon. E mon pou demann Minis pou reponn kestyon lo SFA, akoz mon krwar

SFA i dan son Minister. Si Minis pa oule reponn mwan, mon pa kapab fors Minis reponn.

Selman mon pe dir li mon espekte ki i kapab reponn sa bann kestyon. Fotespere sa i kler. Onorab William poz ou kestyon.

HON WAVEN WILLIAM

Mersi Mr Chairman. Bonn apre midi *DM* avek ou delegasyon. Mr Chairman mon ti a kontan demann refer Minis avek *bullet point number 1 anba' current challenges'*. E pou mon sa i lev en konsern letan zot pe dir "*inability to adequately supply the domestic fish processing sector of fresh tuna.*"

E baze lo problem lo lendistri semi endistriyel *fishing*; so mon anvi ki Minis i eksplik nou - akoz anba *the strategic priorities* mon pa pe war egzakteman ki bor zot pe *aim* pou adres sa? So sa i en konsern.

Epi baze lo en kestyon ki zot in ganny demande oparavan, si nou anvi *fresh tuna* me lefe ki i annan sa *inability to supply*, so ki egzakteman ki Minister pe anvizaze - *well* mon pa konnen si kour term, *mid-term or long term*.

Zis donn nou en pti lide akoz pou mwan sa i en problem, akoz nou pa pe kapab *supply the domestic market*. So ki nou anvizaze fer dan sa direksyon? Mersi.

MR SPEAKER

Mersi. Minis.

THE DESIGNATED MINISTER JEAN-FRANCOIS FERRARI

Mersi Mr Speaker. Mr Speaker pou reasir ou e pou montre e pou mwan dir ou ki mon annan tou respe pou Lasamble. Mon ti a kontan dir ki mon pare pou reponn tou kestyon ki annan pou fer avek en eleman Bidze. Mon'n prepar - mon tim in prepar nou pou nou koz lo Bidze.

E alors i enportan ki nou limit nou kestyon lo Bidze. E parey la Onorab William in demande, ki bann mezir bidzeter ki nou pe pran pou nou adres en size.

Sa ki i pe demann nou se ki nou annan en *challenge* - e i vre ki i annan en *challenge* - pou nou, pou nou ogmant kapasite pou dan lapes semi endistri;- pa ogmant kapasite me ogmant lefikasite dan Sekter Lapes Semi Endistriyel.

Onorab i annan en bonpe bato pres en 40 - pres 40 bato semi endistriyel ki'n a en serten moman, in ganny ankouraze pou zot

antre dan sa lapes. Sa bann bato i sorti *Sri Lanka* laplipar, e tou, tou sa bann bato i *crewed* par *Sri Lankan*.

I annan ki napa okenn *crew* ki en zis anmare ek lasose e dan en pwennvi biznes i pa'n en biznes ki'n *successful*. Akoz i en kalite lapes ki pa adapte avek fason ki Seselwa i travay.

E Seselwa pa'n anvi - pa'n santi zot pou zot al dan sa lapes. E ki fer ki'n en in en *failure*. Nou bezwen aksepte in en *failure*. E bokou sa bann propriyeter i trouv difikilte pou zot ranbours zot bann *loans* ki zot in pran. E nou pe travay avek zot pou nou gete ki mannyer kot zot kapab avanse.

Alors i pa en sekter ki nou pe ankouraz nouveau lenvestisman ladan. I en sekter ki nou pe ankouraz ki nou fer fason ki bann Seselwa i rod fason pou zot antre dan sa - pou vin lapes lo sa bann bato. Ou konpran?

Konmkwa nou, nou annan sa reveni ki vin pou Sesel. E lankourazman ki nou pe sey donn zot, se akonpanny zot dan zot bann re- negosyasyon avek Labank Devlopman, akoz laplipar zot, zot bann travay, zot bann *loan* i ek Labank Devlopman. E sa i fer ki i en gran konplikasyon.

Me selman i annan serten sa bann bato ki pe travay - i pe travay byen, ki pe *supply* pa *local market*. Me selman ki pe *supply export market* pou *fresh tuna*. E sa i en gran valer. Se en pwason ki annan en gran valer e bann ki pe fer li byen i pe ganny bokou sikse. Me selman i pa a la oter ki nou ti devret ete. Mersi.

MR SPEAKER

Mersi. Bon nou'n arriv apepre ler ki mon ti anvi arete. Me selman akoz mon'n dir mon pou permet Manm ki ti annan lezot kestyon, pou zot ganny en sans. Mon pou pran de kestyon si i annan, e mon pou demann okenn Manm pou limit li lo 1 kestyon si i annan kestyon.

Eski okenn Manm i annan okenn lot kestyon? Onorab Lemiel? Mon a pran Onorab Lemiel apre nou a termin la.

HON SYLVANNE LEMIEL

Mersi Mr Chair. Mwan, mon ti a kontan demann Minis - mon konnen ou'n vin Anse Royale. E in annan serten konversasyon ki nou ti fer konsernan deroulman lo kote lapes pou Anse Royale.

So mon ti a kontan konnen petet - letan ou'n koz lo bann proze ki pou annan dan lezot distrik - eski 2023 Bidze SFA pe fer okenn provizyon petet, pou okenn amelyorasyon kot i konsern kot

nou bazar, orokenn novo facilite pou nou bann peser Anse Royale kapab benefisyé zot osi? Mersi Mr Chair.

MR SPEAKER

Mersi Onorab. Minis si ou annan en repons ?

THE DESIGNATED MINISTER JEAN-FRANCOIS FERRARI

Yes mersi Onorab. Onorab ou konnen poudir Anse i en distrik enportan dan nou *network lapes*. Akoz Anse Royale in toultan pa zis en vilaz lapes li menm, me selman i en *backup* pou Baie Lazare e Anse La Mouche.

Alors ki nou'n fer nou'n reget sa proze *ice plant*, ki ou konnen in fini konplete e i reste zis en bout travay pou nou fer. E sa se pou nou met en twa lo la, akoz enn bann keksoz ki nou'n dekouver, se ki si nou pa met twa lo, lo bann *ice plant*, i ganny andomaze ase vitman.

Donk sa i sel travay enportan ki nou pe fer e ki nou pe *design* e nou pou fer son *tender*. Apard sa, i annan sa vye *ice plant* ki ti la, ki nou pe diskite si i pou retourn avek Lapolis - akoz son *site* mon krwar ti pou Lapolis sa.

Mon pa - pou Gouvernman. Nou pe gete si i annan posibilité ki sa i kapab *converted* pou en facilite pou kapab ankouraz en pe *fish processing and value addition*.

E sa se enn bann size ki nou'n fer e mon ti a kontan kontinyen angaz avek ou lo la, pou nou gete ki mannyer nou kapab avanse dan sa domenn. Apard sa pou lannen 2023 napa lot keksoz pou Anse Royale, apard sa proze anba program Lekonomi Ble ki nou anvi fer sa *reef regeneration program* ki ou konnen depi *Fairy Land* an desandan, dan labe Anse Royale. Donk ...

E an menm tan, mon ava dir finalman - an menm tan nou pe kontinyen konsider sa posibilité en lasose. Me selman, selman ou konnen i annan bann lopinyon diverzan lo la e nou bezwen ekout bann peser sa.

Ou avek mwan nou bann politisyen, nou pa pou kapab desid lo la. Nou ava ekout bann peser - bann spesyalis pou gete si sa i en travay ki nou kapab fer. E en travay ki pou kapab marse. Mersi.

MR SPEAKER

Klarifikasyon Onorab, wi?

HON SYLVIANNE LEMIEL

Wi Mr Chair. En keksoz mon'n blye demann Minis, eski SFA pe fer en laranzman pou finaliz sa *issue management* of sa bazar? Eski i okouran si i annan okenn keksoz, akoz pou le moman keksoz i en pti pe ... Dimoun pe fer li volonter, me selman mon pe regarde si zot pe fer bann laranzman?

MR SPEAKER

Mersi. Ou repons silvouple.

THE DESIGNATED MINISTER JEAN-FRANCOIS FERRARI

Onnetman Onorab, non. Mon napa en repons pou ou onnetman e mon pa'n enform mon lekor lo la. Me selman mon ava fer li e mon ava premye lokazyon, mon ava dir ou ki bann travay ki pe ganny fer. Mersi.

MR SPEAKER

Mersi. Bon, Manm aprezan pran vot lo sa Bidze pou *Department of Fisheries* and *Department of Blue Economy* pou en total R110milyon 343mil. Manm ki an faver lev lanmen silvouple? Mersi Manm ki kont?

Vot lo Bidze pou *Department of Fisheries* and *Department of Blue Economy* 23 Manm in vot pour, 0 kont e 10 in *abstain*. Sa Bidze in aprouve par Lasanble. Donk avan nou ale, mon souvan ganny rapel pou zis notifye bann antite ki pou devan nou lannmen.

E pou demen, nou annan *Department of Tourism*, *Department of Foreign Affairs*, *Ministry of Education* e *Institute of Early Childhood Development*. Mersi.

Bon mon a remersye bann Manm e delegasyon pou zot partisipasyon. Nou ava termin la pou ozordi e Lasanble a repran *demain matin* 9er.

Nou a repas dan Lasanble pou nou *adjourn*. *Adjourn*.

(ADJOURNMENT)